



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Vslav 7186.99(3)

THE SLAVIC COLLECTION



Harvard College Library

GIFT OF

Archibald Cary Coolidge, Ph.D.

(Class of 1887.)

Received 1 July, 1895.

HANDRIJA ZEJLERJA
ZHROMADŽENE SPISY.

TŘEĆI ZWJAZK.

HANDRIJA ZEJLERJA ZHROMADŽENE SPISY.

ZRJADOWAŁ A WUDAŁ

DR. ERNST MUKA.

Z NAKŁADOM

SERBSKEJE STUDOWACEJE MŁODOSĆE.

III
TŘEĆI ZWJAZK.

MJENŠE PĚSNJE II.

BUDYŠIN.

Čísč Smolerjec knihičičeřnje.

1888.

~~Slaw 7510.1~~

V ~~Slaw~~ 7186.99 (3)

Harvard College Library

Gift of

✓ Archibald Cary Coolidge, Ph. D.

July 1, 1897

W o b s a h.

	Strona
I. Pěsnje z lét 1842—1872. . . .	1—334
II. Fragmenty a varianty. . . .	335—342
III. Hróňčka.	342—349
IV. Připiski a napiski.	350—358
V. Hłosy basnikowe.	359—362
VI. Pokazowař jednotliwych spěwow.	363—371

P ř e d s ł o w o .

Tutón třetí zwjazk zhromadženych spisow Handrija Zejlerja podawa wosebje wšě basnikowe mjeńše lyriske pěsnje abo spěwy wot l. 1842 hač do jeho smjerće. Mjez nimi namakaja so mnohe wothłosy ludowych pěsni, kotrež w přěnim zwjazku hišće wozjewjene njejsu, a dale wšelake spěwy z l. 1845—1860, kotrež je drje basnik z pohladom na „Počasny“ pěsnił, do woněje wulkeje lyriskeje pěsnje pak njeprijał.

W rjadowanju a woznamjenjenju hižo ćišćanych a hišće njećišćanych pěsni, kotrychž je radna ličba, w přistajenju variantow a přistawkow a w mjenowanju hłosow a komponistow jednotliwych spěwow je so samsne wašnje wobkedźbowalo, kaž w dotalnymaj dwěmaj zwjazkomaj. Basnikowe přěnjotne hłosy su tež tu w dodawku hnydom sobu woćišćane.

W dodawku wozjewjene „Hrónčka“ a „Připiski a napiski“ dotal hišće žane ćišćane njeběchu.

Dla njedostatka srědkow je ćišć tuteho třěćeho zwjazka jara pomalšu pokračował; zo je so zwjazk skónčnje doćišćał, za to ma so serbska studowaca młodost nadobnemu knjezej řečnikej Mósakej Kłosopólskemu w Lubiju džakować. Wo pomocy a podpjerje tuteho sławněho serbskeho wótčina přinjesemy nadrobnišu rozprawu z druhimi rozprawami při skónčenju cyłego wudawka zhromadženych spisow Handrija Zejlerja.

Redaktor.



Z a w o d.

pěšny worjoł podnjbjeski
Budź mój spěwje horliwy,
Wyše města, wyše wjeski
K slóncu horje zběhnjeny.

Zaklinč mojej' harfy truna
Z pěknym hłosom radosće,
Do wsy, ze wsy, za wšě huna
Pósćel twoje klinčenje.

Serbow lubosć, Serbow swěra
Wysoko budź khwalena,
Dobry počink, kruta wěra
Njeh je króna Serbowstwa.

(Wok. 1865.)



Husaca kwětka.*

(Krótke kěrlušy a spěwančka za serbske šule, str. 25.)



ladajće, ludžo, na zeleny brjóžk,
Što so tam běli a čerwjeni tak!
Lědma sněh roztał je
A wono kće.

Jene rad při druhim namaka so
Ćišy a změrnje we ponižnosći,
Na slónčku wožiwi,
Po slónčku spi.

Zelenu nózku kaž trawička ma,
Bělu ma hłowčku, kaž běše tón sněh,
Bancik ma čerwjeny
Wokoł' hłowčki.

* Tutón spěw ma hlós wot basnika (hl. na kóncu).

Na hłowčcy šeroke žolty ma plěšk,
Štworaku barbu, tak snadny hač je,
Kwětašk tón nalětni
Ći pokaže.

(1842.)



Serbow strowjenje.*

(Krótke kěrłuše a spěwančka, str. 30.)

~~Wot~~ **W**o Serbow „Pomhaj Bóh!“ mi je
Haj wyše złoteho;
Nic ničo njej' wšak wažniše,
Hač pomoc Wjeršneho.

„Wjeršpomazy!“ to bratrowske
Za džak će zwjeseli,
Z tym strowjeny zas' popřeje
Tu wjeršnu pomoc ći.

„Přińdź Bóh!“ tež je tak lubozne
To serbske strowjenje;
Hdžež přińdže Bóh, tam derje je
A njeměni so zlē.

Duž „Božo slyš!“ ći wotmołwi
Serb kóždy pobožny,
Tež „Daj to Bóh!“ wón ponižni**
Ći praji z wutroby.

* Hlós wot basnika (hl. na kóncu).

** Dialektiscy za: ponižnje.

To „Witaj!“ ruka wobkrući
Do ruki zawdata,
„Wjeřšpomazy!“ zas' wobswědči
Te swěrne zmyslenja.

Kaž myslimy, tak prajimy
Te naše strowjenja,
My z Bo hom wšitkich strowimy,
To česć je Serbowstwa.

(1842.)



Wostań w kraju.*

(Krótkie kěrnuše a spěwančka, str. 26.)

~~W~~Wostań w kraju,
To ći praju,
W swojim kraju narodnym;
Sy tež khudy,
Žiś so tudy
Po česći a spokojny.

Njepraj: „Druhdže
Lěpje budže!“ —
To ći zapisane njej';
W kóždym měsće
Nam'kaš wěsće
Zle a dobre změšane.

* Hlós wot basnika (hl. na kóncu).

K poľdnju hori*
 Rjeńši stwori
 Bóhl'byknjez kraj čłowjekam,
 Tam pak smudži
 Slónčko ludži,
 Hrozna zwěrina tam je.

Połnóc zymna,
 Doľho čémna,
 Njem'že tež će zwjeselić;
 Maš tam delka
 Bara, wjelka,
 A khlěb tam tak žadny je.

Duž ci praju:
 Wostań w kraju,
 Hdžež złe z dobrym runa so;
 Čerpić, dawać,
 K džělu stawać
 Wšudže dyrbiš zawěsće.

(1842.)

* Dialektiscy za: horje.

— * —

Zboże, rozym a žadosć.

(Tydź. Now. 1843, 123.)

Žadosć.

Pój zboże! ja će potrjebam,
 Zlec ke mni, njech će wokošam,
 Sy holca, žona, šlundrija —
 Pój jeno, to mje njestara.

Skoč ke mni z ruku darniwej,
Što khowaš swoje dary sej?
Do twojoh' bohatstwa mje sadž,
Pak z twojej mudroscu mi radž.

Rozym.

Ach, zbože swoje džěcata
Ze slepym wokom wuzwola,
Zacp' jeho šelmsku wutrobu
Wšěm dobru, swěrnú nikomu.

Hlaj, to je jeho wěstota,
Zo steji smějo, zejhrawa
Na jenej nozy, na palcu,
Na wobwjertliwym kolesku.

Plašć rozprěstrěny pisany
Ma w rukomaj přec' hotowy,
Z tym tebi woči zawjaza,
A pad so hnydom přibliža.

Žadosć.

A tola, tola žadaju
Ći ludžo wšitcy po zbožu;
„Džěl ze mnu!“ kóždy zawoła
Wot prošerja hač do krala.

O služobniko rozymje,
Wo twoju radu prašam će,
[Ty přeco dobry připad maš
A ludžom trošt a radu daš.]

Praj, synko swětly njebieski,
Kak tola zbože zakće mi?
[Njeh tež dha přeco slepe je,
Štó pak je rady njebjerje?]

Rozym.

Wšo dobre, rjane, zwjeselne
Za pót a prócu předate
Je čłowjekam tu na swěći —
To sej za stajnu wučbu wzmi.

A slepe, dźiwne radženje
Bjez khmanej' prócy, hódnośće,
A měru zboža kopatu
A šćežku přeco różowu:

To, luba! błaznje njepytaj,
Za tajkim zbožom njesapaj;
Je pak ćí zbože po boku,
Proš próstwu Salomonowu.

Hdyž pak će žeru starosće,
A surowi so njezbože,
To spomń, zo z hórkoh' njezboža
Najwjacy zboža zakćewa.

Zbože.

Mjelč, mjelč, ty zymny rozymje,
Njeh wěra do mnje njezemrje;
Wšak wěra do mnje wuzboža
A słabemu je zepjera*.

* Var.: kótwica.

A bylo ja tež slomička,
Na trašnych žolmach pluwaca,
Njeh slabi mje so zapřimnu,
Ja pěstonju jich nadžiju!

(W aug. 1843.)



Hólčik a holičo.*

(Tydź. Now. 1843, 192.)

Luby z lubej domoj džěše,
Swětłe hwěžki swěćachu.

Hólčik: Praj mi, lube holčo moje,
Kajku maju hwěžki rěč?

Jena twoja, jena moja
So tam horkach zyboli;
Nam'kaj z nich mi podobnosće
Naju zbóžnych lubosćow!

Holičo: Kaž jich wjele tam so blyšći,
Telko sym će košila;**
Něme su pak wšitke hwěžki,
Lubosć naju rěčniwa.


* Tutón spěw bu w l. 1848 wot K. A. Kocora komponowany (hl. Tow. Spěwnik, str. 81), za spěwanaki swjedzeń 7. okt. 1863 w Budyšinje do němskeho přeloženy a w 6. wěncu serbskich spěwow wočišćany. My podamy text druheje recenzijskeje kompozicije připřetowaneje, kiž bu w Tow. Spěwniku trochu přeměnjene wočišćany.

** Přenja recenzijska ma hišće težle rjadcy:

Telko hubkow smój sej dałoj
A so lubje witałoj.

Rjeňšo swěći so naj' lubosć,
Hač te błuke swětłeska;
Hwězdzički su zymne swětła,
Lubosć naju sapata.

Wobaj: Towaršnje drje steja, džeja,
Kaž mój pak so njekoša;*
Hwězdzički dzeń jasny hasnje,
Ničo naju lubosća! (W dec. 1843.)



Wobhladaj so!

(Tydź. Now. 1843, 55.)

Hłós: Wšitke, wšitke naše.

Chceš-li ženťwu złožiť, pacholo,
Haperleje dopomni so,
Kaž ta z wjedrom wotměnja,
Muća so rad mandźelstwa.

Wokoł' žonow, wokoł' kołča bě
Jenajke přec' khodźenje,
Khodźiš zwaha, derje dže,
Šparnješ trochu, to je złě.

Ćichi hołbik, kóčka drapata,
Djasa kruch a jandźela
Najbóle w wšěch žonach tći;
Po tym sebi měru wzmi!

* 1. recens.: Hromadže drje steja, džeja,
Žana žanu njekoži.

Njetraš* šerjenjow so bojeć wšěch,
Kaž so bojeć žonow złych;
Zwita hlowa, žona zła
Kóždy čas je přez djabla.

Pěkna žona, ródna, rozymna
Je pak wjes'le žiwjenja,
Tajkom' dobrom' jandželej
Ničo w swěće runja njej'.

Pěkna žona, zlutna, džěława
Kóždy dzeń će wozboža;
Tajkich dobrych wjele je,
Ale hdže? — njej' pisane.

Rjanosć, kubło, rěč a wašničko
Je jich wjele zjebało;
Štož su slepje hrabnyli,
Njejsu wjacj wotbyli.**

Duž do sluba, kwasa wobhladaj
Swěru so a njekhwataj —
Kóčku w měše dostawa
Něchtóžkul'ž za hołbika.

(1843.)

* Skrótsjene z: njetrjebaš.

** 1. recens.: Njeje dobra wutroba, Dha to ničo njepomha.

2. recens.: Štož su spicy hrabnyli, Za čwilu su skhowali.

Podarmo narěčenje.

(Čorny kós a drózna I, 34.)

Hlós: Ha jědnaće biješe.

~~Ha~~ moja mje maćerka namołwja přec',
Ha njejer sej, Hilžička, khudeho nic.

Kaž lisćička z mrózami wotpaduja,
Tak lubosća z khudobu přestawaja.

Ha z pjenježkom, kubleškom dobry maš dzeń,
Ha darmo duž njedaj sej wutrobu přeč.

Ha wčera mój Pětrk mi dorěčał je,
Kak lubosća sapaju, pjenjez pak nic.

Wón džeše: „Što, Hilžička, tebi bych chcył,
Hdyž nětko wšón złoty a prosty bych był?“

Mój Pětrk je mudry a prawje tež ma,
Měch pjenjez je zymny a njewokoša.

Ha serpikej žnějo nic kwětkow njej' žel
Na mjezy, na lučcy, tak rjane hač su.

Ha tak mi tež rjanych njej' pjenježkow žel,
Ale Pětrka khudoh' a lubosće naj'. (1843.)



Khwalba hole.*

(Tydž. Now. 1844, 35.)

Kaž so města čerwjjenja,
Tak so hole zelenja;
Hola njebudž zaccjena.

W zymje, léće zelena
Steji mi kaž njewjesta
W wěncu pola wołtarja.

Módre njebjó daloke
Zady do njej' rozpluwnje,
Steji na nju zeprijene.

Hola, stwička ćichowna,
Wjedra hněwu wobara,
Jeho zlobam poruča.

Smudži, tyši slónčko će,
Khlódki přestrje na tebje,
Kaž mać džěčo wodžěje.

Hola słyši: zawołaj,
Spěwaj, praskaj, zapiskaj —
Klinčo rěči: posłuchaj!

Smólna khójca kćějata
Praji: ja sym lékařka,
Srěbaj moje dymanja.

* Spěw je komponowany wot K. A. Smolerja (hl. Tow. Spěwn., str. 30) a do němskeho přeloženy w 1. wěncu serbskich spěwow (1845).

Jalorc, dźiwja rósmarja
 Přemo khójčkow wołaja:
 Hriby tu tež rosćeja!

Pójće šćipać, kazaju,
 Strowu čornu jahodu
 A jej' sotru brusnicu!

W wrjosu, mochu, paproću,
 Pod zelenej hałozu
 Dźiwina je z hospodu.

Bručki, wački, mrowički
 Kubłaju so na holi,
 Hola pčołku bohaći.

Ptaki ha'zy wožiwja,
 Ščerča, zynča, wołaja,
 Škrěča, kurča, hwizdaja.

Wšitkich hlós tu zaklinči,
 Kóždy so tu wjeseli
 W swojej woli, lubosći.

Pój do lěsnej' swjatnicy,
 Pacholo ty swobodny,
 Stup do žołtej' drjewiny.

Swětny ropot, čwilenja
 Twój dzeń tudy njekaža;
 Hola mi so spodoba.

(1848.)

Zachodnosť.

Ličko kćeje, lubosć něžna
 Požada dom k statokej,
 K wěčnom' slubej młodženc, knježna
 Stupi w wěncu k wołtarjej.
 Stowařsene pućowanja
 Su za dušu zradowanja,
 Wjes'le zwony zaklinča
 Z wěže na puć žiwjenja.

Lěta leća, hraje spanu,
 Wutroby so zjednoća,
 Stup so dže, stup konje ćahnu
 Raćenjow a horow dla.
 Starosće puć woblětuja,
 Plačne dešće přepaduja
 Krasne róže při puću,
 Ale jeno k troštej ktu.

Ličko blědnje — běła włóska
 Puća dolhosć přěduje,
 Stuleny, kaž poľna klóska,
 K měrej mučny dróhař dže.
 Wotpołožiť brěmjo žada,
 Wyššu dróhu k njebjú hlada;
 Haľožka ta poslednja,
 To je palma dobyća.

(1843.)



Wojak a holičo.

(Druhi wěnc serbskich spěwów, str. 13.)

Wojak.

~~Wojak~~
Mój mječ, tón błysk, mi podajće,
Tam khorhoj hižo zmahuje!
Z tym mječom so ja slubuju,
Hać runje tebje lubuju;
Trompejta piska do pola,
Duž božmje, złota lubčička.

Holičo.

Kak je mi zrudno, je mi złě,
Štó wopisa mi hórkosće,
Zo hišće přez mječ dyrbbju ći
Tu ruku dawać, najlubši!
Ja chcu so syta napłakać,
Hdyž dobru nóc ći dyrbbju dać.

Wobaj.

Tón prečku puć a džělenje
Je hórke horjo lubosće,
A ličkow róže zblěduja,
Hdyž je to wóčko pokrjepja.

Wojak.

Ach njeplač, to khód na kwas je,
Tam wjele rjanych różow kće
Za mužske džěło rycěrské.

Holičo.

O, njechwal džěło žalostne,
Te róže su krejčerwjene,
Sněhběle, hdyž su wukčěte.

Wojak.

Ja dobyćeŕ puć wjesoły
So wrócam domoj česčeny.

Holičo.

Ja prošu stajnje za tebję,
Če moja próstwa škituje.

Wobaj.

Po džělenju a po sylzach,
Po tyšnosći a strachotach
So lubosć hori móćnišo
A wozbožuje zbóžnišo;
Na ličku róže womłodža
A w wóčku swjate płomjenja.

(1843.)

— * —

Dobra nadźíja.

~~Na~~ zrudnym pěsku suchim,
Na kraju płowym, hluchim
So khójca pozběha,
Ta žona zelena.
Ta dobre słowo rěči,
Hdyž wětřik přez wjerch syči:
Měj dobru nadźíju
A nječěsn wutrobu.

Njej' delkach luka žana
 A kwětka lubowana,
 To hladaj k njebiesam,
 Hdžež swoju krónu mam.
 Štož delkach zapojdžene*
 Rosć njem'že zwjeselene,
 So horkach zeleni
 We stajnej rjanosci. (1843.)

* Dialekticy za: zapowědžene.

— * —
Trošt.

(Tydź. Now. 1843, 51.)

~~N~~Njejsym tež zemjan z hordeho roda,
 Zemjanej runja nadobny sym;
 Duž mi to njeje nikajka škoda,
 Zemjanej porno dzeržec so wěm!
 Duž mi to njeje nikajka škoda,
 Zemjanej porno dzeržec so wěm.

Sym-li tež nizki, sym-li tež khudy,
 Nimaju zańč mje bohačkojo —
 Dha pak sym tola wjeselši druhdy,
 Z kóždym ja hišće njeměnjam so.
 Dha pak sym tola wjeselši atd.

Njejsym dosć młody abo dosć rjany,
 Nochce tež kóžde holčo mje měć —

Teho so wzdam ja njerozhnĕwany;
Róže tež moje budža mi kĕčĕ!

Teho so wzdam ja atd.

(1843.)



Zrudnuški.

Gluba złota nadžija,
Ty miłosćiwa troštarĕka,
Chceš mje tež ty nětk wopuščić,
Chceš ty mi z wočow, z puća hić,
Hdyž přeceljo su twóchli?

Mi žołmi moja wutroba,
Je wuzka mi, chce do swĕta,
Mĕr žadam, mĕra prošu sej,
Mĕr pytam, mĕr pak nihdže nej' —
Je wón snadź w khlódnym rowje?

O njebožatko čłowječe,
Če twoja čwila zežerje!
Ty pytaš, honiš, wojuješ,
Hač swoje zbože zapřimnješ,
Kiž porodži ĕi starość.

(1843.)



Dobra rada.

(Tydź. Now. 1844, 4.)

Sy zrudny, luby přecelo,
To radžu, zo by modlił so;

Najtyšniša ci zrudoba
Přez modlitwu so pomjeńša.

Sy mysle dobrej' wjesolej',
To radžu, zo by spěwał sej;
Wša naša radosć wutrobna
Přez spěwanja so powjetša.

(W kónc 1843.)

— * —
Dželenje.*

(Tydž. Now. 1844, 32.)

Ja dyrbju přečku daloko,
Duž božmje, lubi přeceljo!

Ja swěrnju wam

Tu ruku dam

A praju: božmje, přeceljo!

Tež tebi, luba holička,

Ty moja radosć žiwjenja,

Budž božemje!

Budž božemje!

Či praju zrudny, najlubša!

Wy khěže, hona znajome

A wšitke šćežki khodžene,

Wam božemje,

Wam božemje

To božmje praju wutrobne.

* Tutón spěw bu wot K. A. Kocora za 1. spěwanski swjeděń 1845
komponowany. (Hlós hl. Tow. Spěwnik, str. 131.)

O na to hórke džělenje,
 Kiž krótči naše wjesele —
 O božemje,
 O božemje,
 Ty lubym přeco zrudne bě!

(1844.)

— * —

Žnjeńcafski spěw.

(Tydź. Now. 1844, 100.)

Hlós po znajomej pěśni: Witajće hólcy z daloka.

~~Witaj~~ w polu khodźi pola nas,
 Hohej, tón žnjowy čas,
 „Hola, žnjeńcy“, wołajo,
 „Pójće, pójće na polo!“

To je nam lubši hlós a čas,
 Hohej, hač žadyn kwas;
 Teho muža „zralenca“
 Smějo bur sej powita.

K nam witaj wujo bohaty,
 Hohej, ty hladany,
 Lubu česć ěi chcemy dać:
 Mału kermuš hotować!

Kaž braška pyšni, wěncaci,
 Hohej, nětk pacholi
 Džeja z kosu do pola,
 Z nimi rjane holiča.

Tak žnjeńcy ćahnu do pola,
Hohej, a spěwaja;
Wótre kosy zabrinča,
Stwjelca radne padaja!

(1844.)

Lětni wječor na kraju.

(Tydź. Now. 1844, 114.)

Rajane lěčo, twoje plody
Zwjesela nas wokřewjo,
Naše hěty su nam hrody,
Naš skót naši poddanjo.

Džěło wjesołosc nam dawa,
Kotruž próznik njenamka;
Zahrodka, hdyž ranje mała,
Wjesela dosć wudžěla.

Na wječor so zeskhadźuja
Přećeljo, či najlěpši,
Wot teho so rozrěčuja,
Štož jich wšitkich zwjeseli.

Piwo sebi naliwaju,
Z radosću sej připija;
Wot lubych sej powjedaju,
Kiž su šli do daloka.

To su prawe wjesołosće,
Kiž nam lěčo wudžěli,
Wšitko je tu bjez zrudnosće,
Wšitko w měrje, jednoći.

Kohož starosć čwilowaše,
Přińdže k nam do towařstwa,
Čěžkotu jom' zabyć daše
Zwjeselena črjódžička.

Pójće, stowařšće so z nami,
Kotrychž tyšnosć nadpanje,
Tu ze přecelnymi hrami
Bórzy zrudźba woteńdže.

Lětnje dny wy wužiwaće
Takle přeco najlěpše,
Časej dušny wotkhađ daće,
Zo so nihtó njekaje.

(1844.)



Prěnje lubše.*

(Tydź. Now. 1844, 126.)

333
 Na on cehnješe tam młodźenc nadobny,
 Swět dziwny, wulki nawědźić;
 Wón přecaha swět jasny, kulojty,
 So njemóžeše spokojić:
 Duž z cuzby nohu wobroći
 A spěwajo tak wotmołwi:
 Hdzež był sym něhdy tujany,
 Hdzež běchu moje přenje hry,
 Tam chcu być zaso domjacy!

* Tutón spěw bu wot K. A. Kocora jako tenorsolo za 1. spěwanski swjedźen 1845 komponowany.

We rjanych městach kčějo nadeńdže
 Wón hišće rjenje holiča,
 Hrał z nimi je a rjenje rěčeše
 A začu w duši płomjenja;
 Wón bórzy pak so rozmysli
 A spěwajo tak wotmołwi:
 Tej přenjej, kiž mje lubo ma,
 Kiž doma na mnje spomina,
 Tej šluša moja wutroba!

K pońocy, k pońdnju, k ranju, k wječoru
 Po cuzej zemi dalokej
 Wón ludow spěwy a rěč wšelaku
 Bě słyšał z dušu wjesolej;
 Kaž rjenje wšo je klinčalo,
 Wón wotmołwi pak spěwajo:
 Najrjeńši zynk, hlós mjedowy
 Mje wučeše rot maćeřny,
 Tón swjeći hnujo wutroby!

A jako prošny domoj přičeže,
 Joh' zbože darnje powita,
 Hród krasny, rjane kubło zemjanske
 A dobry dzeń wón namaka;
 Wón srjedź we swojej krasnosći
 Tak spěwajo pak wotmołwi:
 Štož přenje džělach z lubosću,
 To zymny tež nětk njepušču —
 A płodžeše tu zahrodku!

(1844.)



Mi rajtar so najlěpje lubi.*

(Tydź. Now. 1844, 130.)

Wot wšitkich tych wojakow błyskotatych
Mi rajtar so najlěpje lubi,
Njeh stupa pěšk w kročelach hordosciwych,
Wón před nim so malučki zhubi.

Pěšk dobry je wojak a swoju ma česć,
Wón khodźi pak z brěmjenjom sprócný,
Kón zmachi a rajtarja dyrbi pak njeseć,
Kón swěćaty, žiwy a mócný.

Hdyž rajtarja pyšneho wuhladam hdže,
Mi z wjeselom wutroba hraje,
Wot nazdala hižo so přeblyskuje,
Za knjeza joh' kóždźički znaje;
A z blizka wšo hlada na muža a brón
A kóžde so holičo směje —
Wón njese so brajo, tón nahladny kón,
Škrě pódkowa z kamjenjow drěje.

Haj, přińdu-li něhdy ja do wojakow
A sedžu na koniku rjanym,
Ja do pola ćahnu přez horu a doł
A z pěškom so njeměňjam žanym;
A bychu mi čerčí tež napřećo šli:
Strach pacholo na konju nima,
Wón leći kaž wichor, wšo powaliwši,
Hač zemja pod kopytom hrima.

* Tutón spěw bu wot K. A. Kocora za 1. spěwanaki swjedžen 1845
komponowany. (Hrós hl. Tow. Spěwnik, str. 48.)

Hdyž hólcy hdže napřečo porajtuja
 A swjećimy wěcy hdy čestne,
 Chcu pyšneho brunika sedlać tež ja
 Na wosebne čehnjenje lestne;
 A dyrbjał ja něhdy so na žeńtwu dać
 A wopytać holičku lubu,
 To dyrbi kón pode mnu zarjehotać
 Ji k wjes'lu a zawistnym k lubu!

(1844.)



Swjaty Jan a swjatojanowa muška.

(Tydž. Now. 1844, 144.)

Swjaty Jan při rěcy džěše
 Tam po šćežcy zelenej,
 Wokoł' njeho luka kćěše
 W žiwej pyše kwětkatej.

Při rěcy na trawnym brjozy
 W keřčkach ptački spěwaju,
 A na trawach k jeho nozy
 Hrajo bručki lětaju.

Mjetele, kaž molowane,
 Z pčolkami so zetkuja,
 Stworjeńčko tam njeje žane
 Bjez čuća a hibanja.

Wón so hnuty wjeseleše
 Na wšitkim tym stworjenju,
 Swoju dušu posylnješe
 Z nowej Božej lubosću.

Tajku krasnosť wopomniwši
Swjaty Jan so pokhili,
A hlaj, wačku njenadziwši
Šěru pytny na zemi.

Skoro zateptał ju běše,
Čeknyć wboha njemóže,
K wutrobje to jemu džěše,
Wot zemje ju pozběhnje.

„Njebožatko, wostań žiwa!“
Přečelnje k nej praješe,
„Zemja za tebje tež miła
Stworjena wot Boha je.“

A duž ju tam z ruki swjatej
Sadži před so na kwětku —
Wona pak so ze swěcatej
Poča horić pyšnosću.

Džakna z lubosću so swěći
Po tym swjatym dótknjenju,
Kaž ju widžiš wječor w léci
Miškrjo w trawje po hajku.

Z ruki běše přišla lědom,
Rosćeču ji křidleška —
Wona rozšěri je hnydom,
W hajku, polu zejhwawa.

(1844.)



Trošt.*

(Tydž. Now. 1844, 148.)

Jednaj so z hórkim tym dyrbjenjom,
Kiž nas nětko džěli;
W swojim wšak času ze kćeničkom
Štom so zasy běli.

Wšitke wšak lisćowe kerjaški
Zasy wubiwaja;
„Zasy so budžemy widžeći“,
Młode lisća praja.

Wšitke wšak pozymske wětřički
Z kwětku zasy hraja,
„Zasy so budžemy widžeći“,
Z ćicha poduwaja.

Wšitke wšak ćahate ptačiki
Zasy přikhadžeja,
„Zasy so budžemy widžeći“,
Troštņje wobkrućeja.

Wšitke wšak różowe kudžěrki
Młodych zerjow rjeknu:
„Zasy so budžemy widžeći“,
Hlaj, tam scěny ćeknu.

* Tutón spěw bu wot K. A. Kocora za 1. spěwanski swjedžen 1845
komponowany. (Hlós hl. Tow. Spěwnik, str. 132.)

Wšitke wšak zblědnjene hwězdźički
Zasy zabłyščuja,
„Zasy so budžemy widžeći“,
Jasne wobswědčuja.

Hrono, haj, kóždźičke w wutrobi
Z teje mocy bije:
„Zasy so budžemy widžeći,
Přichod wěncy wije!“

(1844.)

— * —

Młodemu Serbstwu.

(Tydź. Now. 1845, 1.)

~~Ty~~ Ty młode Serbstwo dyrbiš twarić
Hród narodnosće našeje,
Bóh sam će hewak dyrbjał swarić,
Kiž nam ju da a lubuje;
Duž postań, zhrabaj, rozsylń so —
Twař Bohu lube Serbowstwo.

Ty młode Serbstwo rozswětlene
Tu twarbu twarić khmane sy,
Sy z płomjenitym duchom křćene,
Móc je twój naměrk znajomy;
Twój skutk so dobrym spodoba,
Jón česći swěrna Łužica.

Ty młode Serbstwo, swójba mócna
We rjanym duchu zbratřena,

We twojich žilah žolmi wótna
Krej nadobna, kaž kralowska,
Twój škit njech pismo dostanje:
Kčěj wěcnje Serbstwo lužiske!

Ty młode Serbstwo mysle krasnej',
Mi njepuśc khorhoj lužisku;
Dži k česći, khwalbje njewuhasnej,
Dži napřečo a wzmi sej ju.
Nas čehnje, zmuži, zawyskaj:
Česć, lubosć, Bóh a serbski kraj!

(W kónc 1844.)

Rekrutski spěw.*

(Tydź. Now. 1845, 60.)

Što klinči, što brinči
Kraj, wjes a město wšo?
Hajda, hura! rekruci
Tu čahnu spěwajo.

Rekruci, rekruci
Su hólcy nadobni;
Za krala, kraj a prawo
Brón nosyc česćeni.

* Tutón spěw bu wot K. A. Kocora za 1. spěwanski swjedženj 1845
komponowany. (Hlós hl. Tow. Spěwnik, str. 44.)

Tu worjoł, tam khorhoj
Prjed' nas nětk zmahuje,
To naše nowe znamjo
Je nětko ryčerske.

Trompejty a różki
Tak jasnje zaklinča,
Do pola, wójny, cuzby
Wołaju pachola.

Duž božmje, duž božmje
Ći, lubši nano, dam,
Budź božmje, złota maći,
Nětk krala posłucham.

Ći bratře, ċi sotra
Tež ruku zawdawam,
Adej, adej! wy moji,
Hdyž hić a ćahnyć mam.

Što hladaš, što płakaš,
Ty rjane holičo?
Wšak rjeńši w swětłej bróni
Twój luby hordži so.

Wón kiwa: Budź božmje!
A wostać njemóže;
Do rajtarjow, do pěškow
Wón rjadowany je.

(1846.)



Na różownik.*

(Tydź. Now. 1845, 70.)

Pó j różowniku z milej ruku,
 Nam ponjes módre fijałki,
 Wozelen haj a wupyś łuku,
 Zo kwětkata so zyboli,
 Też w zahrodach
 A na brjózkach
 Njeh kćēja twoje dźěcatka,
 Kiż mjetel, pčołku kubłaja.

 Pó j różowniku, pó j we kćewje,
 Zo woziwi nam wutroba,
 Će kóždy ptačik w swoim spěwje
 We lěsu, haju powita;
 Wšě kćenička
 Će pokhwała;
 Kak sy ty luby, smějaty,
 Wěnc pyšny tebi swjećimy!

 Na pastwu skačo stadła džeja
 A klinkot zaso słyši so;
 Podešćowane zawonjeja
 Wšě trawički najkrasnišo;
 Haj k lubości
 Wšo wocući,
 Štož žiwjenje a wodych ma
 A radosć wyššu začuwa!

(1845.)

* Tutón spěw je wot wučerjha Wolfa komponowany. (Hrós hl. Spěwy za pěkne dźěci, čo. 1.)



Wojerski spěw.*

(Tydź. Now. 1845, 87.)

Serbska zemja, ja mam čahnyć,
Ty mi sylniš wutrobu;
Z wótrym mječom zejhrawajo,
Z kulku spěšnej zahwizdajo
Serbske ramjo zjewić chcu!

Lubčička, duž měj so rjenje,
Njeplač a budź sčerpliwa;
Moje žiwjenje a ćěło
Wažić mam na krwawne džěło —
Bohu najprjed' přisłuša.

Duž budź božmje, złoty nano,
Božmje, maći košena!
Wótcny kraj mje napomina
Pódla Boha — to je wina,
Zo naš puć so rozdžěla.

Přez mysličku, přez wutrobu
Dže tež sylne hibanje:
Swobodnosć a swjate prawo
Je to třeće, kiž mje hnało
Do bitwy a do smjerće.

O kak lesnje bubon ryči
A trompejta zapiska!

* Tutón spěw bu wot K. A. Kocora za 2. spěwanaki swjedźen 1846 komponowany. (Hlós hl. Tow. Spěwnik, str. 50.)

Khorhoj zejhrawa po wětře,
Muž a konje leća khětře,
Dželenje nam přiakaža.

Wótcny krajo, serbska zemja,
Ty mi sylniš wutrobu;
Z wótrym mječom zejhrawajo,
Z kulku spěšnej zahwizdajo
Serbske ramjo zjewić chcu! (1845.)



Wječorne wukhodźowanje.

(Tydź. Now. 1845, 97.)

~~W~~ětk pójmy šćežki khodźić
Při směrkach wječornych,
So chcemy rjenje wodźić
Při hwěžkach błýšcatych;
Po módrym njebju khodźi
Tež měsačk z wječorka,
Kaž pastyr wowcki wodźi
Wón běle swětłeška.

My chcemy hić a wuźić
Dych khłódný wječorný,
Dzeń kaza džělu słužić,
Bě horcy, sprócníwy;
Duž chcemy mocow nabyć
We stwórbje zelenej
A pót a prócu' zabyć
Pod hałzu lisćatej.

My chcemy ducy spěwać,
 Dónž čas je różowy,
 So zradować a směwać,
 Dónž je tak lubozny;
 Při haće dub nas wita
 A wólša z brězycu,
 Štó wě, hdže k lětu žita
 Nam žołmja po boku!

(1845.)



Burstwo.

(Tydź. Now. 1845, 135.)

~~Moja~~ Moja žadosć, moja radosć
 To je burowstwo;
 Bur ma přeco khlěba,
 Strowy powětr srěba,
 Ma tež slěboro.

Łuki, pola, haj a hola
 A tež zabroda
 Njesu zamóženje,
 Dadža zwjeselenje,
 Zo wón zaspěwa.

Hwizda, spěwa a so směwa,
 Jězdźi, wusywa.
 Burska ruka sprócna
 Dosahnje haj mócna
 Kralam na blida.

Města zymne, stuchle, ćemne
Bur sej njekhwali;
Burja přebytk maju,
Radosć wužiwaju
W samej zahrodzi!

(1846.)



Serbow wóteny kraj.*

(Prěni wěnc serbskich spěwow, str. 4.)

Wěš ty tón kraj, hdžež slěborni so Sprewja
A mjeńše rěčki šwórča po boku?
Jón hordy lěs a hory wobrubjeja
Wot połdnja jasnoh' k ranju, k wječoru.
Wěš ty mi kraj, wot hórkow přecehnjeny
A w khlódku płódnych štomow zbožowny?
Škit dweju kralow, na njón wupřestrjeny,
Jón kryje a je měra wjesoły:
My znajemy tón rjeńši kraj,
My wěmy jón, o haj, o haj!
To je ta serbska Łužica,
Ta pruska a ta saksonska!

Wěš ty tón kraj, hdžež džaknu brózdzu wora
Lud sprócniwy a płodži zahrody,
Hdžež khudy swój krušk njese z kóždoh' dwora
A wšudžom nadeńdžeš dom hospodny?

* Tutón spěw bu wot K. A. Kocora za 1. spěwanski swjedžen 1846
komponowany. (Hlós hl. Tow. Spěwnik, str. 13.)

Wěš ty mi kraj, hdžež narod dobry, sprawny
 So čestnje kubła, zlutny, spokojny,
 Po dušnosćach a pobožnosći zjawny,
 We křiwdach ćichi, w horju sčerpliwy?
 My znajemy tón lud a kraj,
 Jich hona, łuki, haj, o haj!
 Chceš dobrych ludźi nawědźić,
 Do Serbow kraja dyrbiš hić!

Wěš ty tón lud, hdžež strowe róže kćěja
 Na ličkach swěrných, čestnych holičow?
 Kiž dowěrnje so z miłych wóčkow směja,
 We twjerdym džěle poľne radosćow?
 Wěš ty mi lud, hdžež krući hólcy khodža,
 Česć nanow, nadobni kaž zemjenjo?
 Jich česća wšudže, witaju a rodža,
 Su w krwawnej bitwje trašni mužoj.
 My znajemy česć holičow,
 My wěmy kraj tych pacholow;
 Hlaj, wěcnje naša Łužica
 Je tajke džěci tujala.

Duž kćěj, duž kćěj, ty Serbow rjeńši krajo,
 Kćěj w strowju, w zbožu, w mocy njezwjadłej,
 Pod worjołom, nad tobu zejhrawajo,
 A pod tej krónu młódnej, rućanej!
 A serbski duch a khwalba serbskoh' mjena
 Njeh swěći so kaž slónco njejbjeske,
 A lubosć, k narodnosći zahorjena,
 Njeh płomjenja přec' wjetše dobudže!

Bóh wjeřšny žohnuj Serbow kraj
A miły jemu zbože daj;
Kčěw, strowje luda serbskeho
Njeh do wěčnosće krasni so!

(1845.)

— * —
Dompuć.*

(Prěni wěnc serbskich spěwow, str. 15.)

Sto, lubi přeceljo, so dyrbi prajić,
Hdyž nastawa nětk hórke dželenje?
Ze słowom lubym a ze spěwom stajić
Sej chcemy hišće naše zrudnosće.
Slub zjawny a sprawny sej wobnowimy,
Zo přeceljo swěrnej sej wostanjemy.
O žel! tu naše puće różno džeja,
My přestajamy hěty tudomne,
Nětk wrota zrudnych přecow wotewrjeja
Nam dyrbjenje a časy skřidłane.
Njeh zaklinča škleńcy nam znaliwane,
Zo božmje sej prajimy wutrobite.

Haj božmje, božemje! wy swěrnej drozy,
Tež božmje wam, wšě čestne holiča.
Strach a čma podarmo drje dobrym hrozy,
Jich dobra hwězda domoj přewodža.
A była tež ducy kaž wuhlo ta čma,
Hlaj, přecelstwa slónčko wšak njezakhadža.

(1845.)

* Hlós k tomu spěwej (hl. Tow. Spěwnik, str. 130) bu wot Zejlerja a
J. K. Smolerja, wučerja we Łazu, zestajany za 1. spěwanski swjedžen 1845.

Postrowjenje z cuzby.*

(Prěni wěnc serbskich spěwow, str. 17.)

~~N~~Njesće lečo, mróčele,
Mi k domu wótnemu,
Njesće moje strowjenje
Tam, hdžež ěi lubi su.

Wjele dobroh' sobu dam
Nankej, maćercy,
Wjele dobroh' bratřikam
A tež sotřičcy.
Strowće z lubym strowjenjom
Hona wótcowske,
Hdžež tam khodža won a dom
Duše najlubše.

A wy spěšne wětry,
Prajće lubeji,
Zo so w cuzbje styšće
Mojej wutrobi.

Tysac króc ju strowće
A to přikažće,
Zo ji zaspěwaju
W dworje lastojčki,
Syłobiki po tym haju
K jeje radosći;
Njeh ji rjenje róže kćěju,
Hdžež tež postupi.

(1845.)

* Spěw jako podložk k ruskemu narodnemu hłosej „Sarafan“ spěsnjeny
bu na 1. spěw. swjedenju 1845 spěwany. (Hłós hl. Tow. Spěwnik, str. 36.)

Wječorny spěw.*

(Prěni wěnc serbskich spěwow, str. 22.)

[**O**žeń so skonja,
 Zwony zwonja
 Swjatosk sprócnym witany;
 Kwětka mučna
 Pólna, lučna
 Khila hłowčku drěmajcy.]

Hłós na poli,
 Kěrluš w holi,
 Pěseń ptačkow woněmi;
 Zemju kryje,
 Sony syje
 Nóc we swjatej ćišini.

[Takle něhdy
 Zdrěmnu blědy
 Ja tež k smjertnej ćišini;
 Womjelknjene,
 Woćichnjene
 Pod hłowu su skórzby mi.]

Lubi wšitcy
 Ócho spicy
 W slódkich drěmkach wotpočńeé!
 Při žalosci,
 We starosci
 Wóčko spanja njeznaje.

* Tutón spěw bu wot K. A. Kocora za 1. spěwanaki swjedźeń 1845 komponowany.

Njebjo jasne,
Wulke krasne
Z hwězdami je zakóćelo:
Troštna pycha,
Módra třecha
Z lilijemi zybolo.

W swětlým raju,
Lěpším kraju
Horkach naše domy su:
Zbóžna wěra,
Połna měra,
Skřídľaj k hwězdam wutrobu!

(1845.)

— * —
Serbska meja.*

(Prěni wěnc serbskich spěwow, str. 24.)

Melena ta meja,
Serbska lesna reja,
Kiwa k rjanom' wjeselu;
Duž hotuj so, ty rjane holčo,
Hotuj so na rejku
Z pachołom na trawniku!

Deščik budže kapać,
Slónčko budže sapać,
Bórči nan a wotradža;

* Spěw bu spěsnjeny jako tekst za serbski „Polonez“ wot K. A. Kocora skomponowany; z nim spočinaju so wot l. 1845 wšitke serbske bale. (Hłós hl. Tow. Spěwnik, str. 124.)

Maćerka ta stara,
Ta je poľna swara
PjenjeŹkow tych swětłych dla.

Mile njebjo lubje směwa so,
A swoje holčo wjedŹe pacholo;
Wokoľ' rjanej' meje
Zejhrawaju reje,
Horkach banty, rubišća.

Meja rubišćata khila so;
DuŹ kedŹbuj, kedŹbuj, spěšne pacholo!
Za tym wjeřškom hraľ!
Wona leći, hraľ za wjeřškom zelenym!

Pacholo so mjerzaše,
KiŹ tu meju njekrydŹe,
Zo njej' holčo jeho
W rejach kralowa.

Do korěmy ducy,
Tu meju w rucy,
Tón hólčik juska
Na sylnych ramjenjach;
Ći hercy hudŹa
A wjes'le zbudŹa
A hraja rjeńše přezpolo.

Zawyskajće, poskakajće,
Wjeselće so rjanej' młodosće;
Bjeřće dar tej' lubosće
Z ruki holićow!

Něhdy sněhi nańdu,
Ličkow róže zańdu;
Róža njewinosće
Wěčnje rjana kće!

(1845.)



Spěw wjesela.*

(Prěni wěnc serbskich spěwow, str. 26.)

Sto lět kaž mi džens je,
Khiba hišće lěpje:
Haj, to bych ja wzał,
So z pjatami prał.

Piwo, wino k piću,
Wjele pjenjez k lóštu:
Haj, to bych ja wzał,
A dha bych ja trał.

Ryzy konja k kołsu,
Rjanu holčku k wjes'lu:
Haj, to bych ja wzał,
A dha bych so smjał.

Miloh' Boha k troštej,
Luboh' bratra k bokej:
Haj, to bych ja wzał,
Mi kral bych so zdał.

(1845.)

* Spěw ma hlós wot basnika sameho (hl. na kóncu).



Přezpolo.*

~~K~~kwětka jow — kwětka tam,
 Rjana tu — rjeńša tam,
 Ach radźće, kotru šćipać mam!
 Holčo tu — holčo tam,
 Mi prajće, kotre lub'wać mam!
 Wy holčki, mějće
 Mje wšitke rjenje,
 So na mnje smějće:
 Ja njecham ženje
 Was nikak hněwać,
 Wšě chcu lubować!

Škleńca jow — karan tam,
 Wino tu — piwo tam,
 Ach radźće, kotre próznić mam!
 Woheń tu — płomjo tam,
 Mi prajće, kotre poliwam!
 Kiž winko pija,
 Tym rany žija;
 Kiž piwko loja,
 Či bolosć hoja:
 Wšo Bakchusowy
 Dobry balzam je!

* Spěw bu wot K. A. Kocora 1845 komponowany; přenjej dvě strofje buštej w přním wěncu serbskich spěwow str. 26 wočišćanej a na přním spěwanskim swjědženju 1845 spěwanej. Poslednje tři strofy su tu přni króc z rukopisa wočišćane.

Radosć jow — lubosć tam,
 Reje tu — spěwy tam,
 Ach radźće, kotrym ruku dam!
 Slěbro tu — złoto tam,
 Mi prajće, kotre česćić mam!
 Hdžež rejka hrěje,
 So wóčko směje,
 Hdžež spěw so sydli,
 Tam radosć bydli:
 Tam towaršuja
 Złoto, slěboro!

Pućik jow — šćežka tam,
 Róže tu — wěncy tam,
 Ach radźće, kotre wuzwolam!
 Zbože tu — sława tam,
 Mi prajće, što sej požadam!
 Hdžež truny klinča
 A k rejam brinča,
 Tam wěncy maju
 A zaspěwaju,
 Tam lóšt a radosć
 Wšitkich towarši!

Postup jow — pohlej tam,
 Žórło tu — rěčka tam;
 Ach radźće, kotre čerpać mam!
 Rjanosć tu — krasnosć tam,
 Mi prajće, kotre pokhwalam!

Ty piwko, winko,
Mój přečelinko!
Ty Hanka rjana,
Mi lubowana!
Wy spěwy krasne,
Přez dejmant jasne!
Was wuzwolam sej
Mudry wšitke tři!

(1845.)



Nazymske lisćička.*

(Tydź. Now. 1845, 179.)

Lisće, žolte lisćičko
Na wobnožkach vysoko,
Njeběše ty młódníwe,
Khłódkojte a zelene?
W druhej barbje, lisćičko,
Sy so młode krasniło!

Lisće, žolte lisćičko
Na wobnožkach vysoko,
Što će wětry storhuja,
Njesu će kaž pjerička?
Lisća, žolte lisćička,
Młoda móc bě krućiša!

Lisće, žolte lisćičko,
Z mrózom proste vysoko,

* Tutón spěw bu wot K. A. Kocora za 2. spěwanski swjedźeń 1846 komponowany.

Njebě pruha horcyša
Tola radosć žiwjenja?
Lisća, žolte lisćička,
Časy studža płomjenja!

Lisće, žolte lisćičko,
Z płowej trawku bratřiko,
W wysokosći rodžene,
Z prochom sy wšak slubjene:
Džensa tebje, jutře nas
Z pjeršću wěruje tu čas! (1845.)



Zastaničko.*

(Druhi wěnc serbskich spěwow, str. 20.)

Dopłomjenilo slónčko je,
Přez hažki měsačk zhladuje;
Džen mjelči, ja pak zaspěwam,
Mje ćeri k twojim wohnješkam.
Rjana knježna,
Luboznosće kralowa,
Njeh mój spěw će zwjesela!

Wšě róže, kwětki drěmaja,
Tež ptačik wóčcy zandžela
A mjelči w keřku zelenym;
Ja spěw ći šwjecić wušoł sym.
Rjana knježna atd.

* Tutón spěw bu wot K. A. Kocora za 2. spěwanaki šwjedžen 1846
komponowany. (Hrós hl. Tow. Spěwnik, str. 79.)

Tam cuni wětříčk poduwa
A z młodym lisćom hrajk ma,
Jom' z ćicha šepce powěšće;
Njeh tež mój hlós će budzić smě!
Rjana knježna atd.

Na sonach nócka bohata
Njeh ći najskódsi podawa,
Tón wobłětuj će směwajo
Tak ćíše, rjenje ćisinko!
Rjana knježna atd.

(1845.)



Rajtarjo moji ludžo.*

(Druhi wěnc serbskich spěwow, str. 22.)

~~✱~~ Van chce mi swoju khěžku dać,
Zo njetřam** wojak być;
Ja jemu praju: Najebać!
To njemóže mi tyć;
Huzarojo, haj rajtarjo,
To moji ludžo su,
Fidralala, fidrasasa,
Do rajtarjow ja du.

Mać chce mje ruče woženić
A skhować za helu,

* Tutón spěw bu wot K. A. Kocora za 2. spěwanaki swjedźeń 1846 komponowany. (Hlós hl. Tow. Spěwník, str. 47.)

** Po ludu za: njetrjebam.

To rěka: Zopu přeselić* —
 Wo žeńtwu njerodźu;
 Huzarojo, haj atd.

Ta wowka wěšći wójnski čas
 A sony powěda,
 Mi pak so dźije přeco zas'
 Wot mojoh' konika;
 Huzarojo, haj atd.

Džěd hrozy: Ty, mój khadlička,
 So budžeš wěsće kać!
 Ja měnju, to b'dže kermuša,
 Kak chcu ja zejhrawać!
 Huzarojo, haj atd.

Haj, wojebać so do swěta,
 Ja wyšše wěcy wěm:
 Ja synu so na konika
 A praju božmje wšěm.
 Huzarojo, haj atd.

(1845.)

* Variant: njeselić.

❖

Nalětna skóržba.

~~W~~ach nalěco, ty zelene,
 We nowej mocy kćějate,
 Twój kćew a twoje wonjenje
 Njej' hišće polne wjesele.

Twój kćew a twoje wonjenje
 Je jenož rjane lubjenje,
 Hdyž budže žitny korjeń skhnyć,
 Mi mǎhlo hakle lěpje być. (1845.)



Khójca.

Štóz něhdy khwilu krótku
 We ćišinje a khlódku
 Bě w khójnách po drózy,
 Tón wě jich dobroty.

Škit, pychu rjeńšo hewa*
 Drje činja druhe drjewa,
 Tam pak su daloko,
 Hdžež khójca šěri so.

Ji zdobnu khwalbu damy,
 Hdžež ju tež namakamy,
 Zo pěskam pychu da,
 Ta wowca spokojna.

Wě w swěće žana žona
 Tak hospozyc kaž wona?
 Dać z pěska khudeho
 Wě złote bohatstwo. (1845.)

* Z ludu za: hewak.



Syrotka.

Xka zrudobje mojej so njedźiwajće,
Sym syrotka khuda; što lubuje mje?

Kryw cuzy mje z dobroty hospoduje,
Ach hófka pak přecelow dobrota je.

Jich džěcatka kuleju z jabłučkami,
Ja po boku z kamješkom, běrničkami.

Te torhaju somot, ja surowy płat,
Te bělu haj židu, ja mazany šat.

Te z běłymaj rukomaj po dworje du,
Mój swjatok a wotpočink nihdy njej' tu.

Ach maćerka, maćerka, hdžeha sy ty?
Hdže nanko, mój nanko, sy lubowany?

(1845.)

Čista wutroba.

Xołmy šumja, žołmy spanu,
Časy přińdu, časy ćahnu;
Zrudźba, wjes'losć džetej nimo,
Duž njej' troštna wutroba.

A kaž njebo w źórle jasnym
Błyšći so ze swětłom krasnym:
Tak sej žiwjenje zdžerž čiste
A swój khód bjez wopluska.

Najtrašnišej horja nocy
Čista wutroba da mocy,
Wjedže čiše tamnu stronu,
Hdžež či rjeńše byće kće.

(1845.)

— * —

Nuza a trošt.

Džens surowi so njezbože,
Džens čwiluja mje starosće,
Džens wołam: Pomoc pokhwataj
A tyšnosće mi wotehnaj!

Što klinči mi tak troštniwi
A wutrobu mi polóži?
Je to dych Boži z wysoka,
Kiž horce čolo wokhlódža?

Kaž kěmsne zwony zaklinča,
Tak Boži hlós mje namołwja:
Budź dowěrný a zmužiwy
A njemrěj hižo do bitwy.

Spřah nihdy přeco jenajki
Njej' čišćał čłówskej ramjeni,
Džens pari slónco kałate
A jutře z deščom wokhlódnje.

Hdyž džěči z blizka, z daloka
Či „džědo! wowka!“ wołaja —
Tehd' mysl, zo budže hinašo,
Štož dotal je će čišćało.

(1845.)

— * —

Nowolětne zbožopřeće.

Wšo sej džensa zbože přeje,
 Štož so znaje, lubuje,
 Žadyn dom we kraju njeje,
 Hdžež to było zabyte:
 Duž tež, lubaj staršej, mi
 To so činić zaleži.

Nutrnje ja prošu Boha,
 Wón chcył Waju žohnować,
 Boža miłosć wulka, droha
 Chcyła Wamaj strowosć dać,
 Zo tu dolho žiwaj staj
 A wšo dobre zhonitaj.

Bóh chcył wotwobroćić wšitko,
 Štož Waj' rudzi, wobćeži,
 Žohnować nam naše blidko,
 Z hnadu pomhać k zaslužbi,
 A štož na mni činitaj,
 Za to žohnuj wěcnje Waj'!

(1845.)

Najbohatši čłowjek.

Ja bohaty sym na swěće,
 Njeh bydlu tež na podružstwje,
 Kaž daloko swět dosaha,
 So moja khěža přesćera.

Tu moju khěžu wysoka
Mi kryje třěcha namódra,
Jstwa moja wulka swětła je,
Wjerch jeje hač do njebjes dže.

Mi swěčka swěći blyścata,
Kiž Bóh tón Knjez sam zaswěća,
A štož je dźiwne připódlu,
Je to, zo mje tež wohrěwa.

Mam kóždy čas tež nasłane
Mi ložo mjehke zelene;
To je we rjanej zahrodzi
Pod štomami a różemi.

A zahroda tak wulka je,
Zo wšitko we njej narosće,
Štož w swěće rjane wohladaš
A wot zrostlinow wužiwaš.

(Wokoło 1845.)



Wotsalny spěw.

Ja dyrbju won do swěta čahnyć,
Mje wjacj domach nječerpi;
Najrjeńše dny sej dyrbjał kranyć,
Kiž Bóh a swět mi poskići.
Ja dyrbju won na morjo žiwjenja,
Mje čeri lóšt, mi kiwa nadźija.

Mi wutroba so zběha, šeri
A pluwa w słódkej radosći;

Što měsac a što hwězdy ćeri
Puć khodzić módry njebieski?
Kaž wone du a ducy zabłyśća,
Tak z domu ćeri mje do žiwjenja.

Na jězorje, na módrej žołmje
Łódź steji hižo hotowa,
„Jědź božemje na tutym čołmje!“
Mi zynči, klinči do wucha.
Ja dyrbjū won, mje ćeri do swěta,
Duž božmje přeceljo a lubčička!

(Wokoło 1845.)

— * —
Dróhowaŕski spěw.

W cyłym swěće sym ja doma,
Radosćiwy dróhowaŕ,
Spěšna noha nihdy khroma,
Dobra mysl je mój dar.

Bohaty sym na sprawnosći —
Cyły swět mje lubo ma,
W blizkosći a dalokosći
Witaj bratře! wołaja.

Přebytk mój a wobydlenje*
Je tam, hdžež so lubuja,

* 1. recens.: Přebytk mój a wobydlenje
Šěroke a wulke je,
Duž tež žane přemǫnjenje
Do myslow mi njeprěiǫdže.

Zechcu-li pak přeměnění,
Du tam, hdžež so wjesela.

Moju khěžu třěcha kryje
Rjana módra wysoka,
Pod njej zmoknje a tež skhnyje
Moja drasta dróhařska.

Cyły sym tam, hdžež ja zańdu,
Wobćežnosćow swobodny,
Wšelku krajownosć ja nańdu,
Hory, doły, přěrowy. (Wokoło 1845.)



Poselstwo lubemu w cuzbje.

(Jutrnička 1850, 360.)

Swěći jasnje, swěći
Slónčko w zymje, lěci,
Měsačk Boži khodži,
Z hwězdami so wodži
Po pućikach módrojtych.

Wědzala bych rada,
Hdže tež na nje hlada
Jenički mój rjany,
Swěrný lubowany
Na te swětła blyščate.


Bože slónčko krasne,
Po wšém swěće jasne,

Praj, zo tyšna hladam,
Jeho domoj žadam,
Hdžež khód jeho wobswěćiš.

Měsačko, njesprócne
Mile wóčko nócne,
Praj, zo njespi wboha
Luba jemu droha,
Hdžež so na nim slěborniš.

Hwězdy wy bjez spanja
Do swětłego ranja,
Prajće, zo ja płakam,
Přeco jeho čakam,
Wróće radosć moju dom!

(Wokoło 1845.)



Zachodnosć.

Hdže zradowne hodžinki zašle,
Hdže zlečile sony wy sće?
Ze sněhom su pućiki našle
A slónčko tu hasnyło je!

Pój winko, ty jasne a słódke,
Pój, wožiwjej młodosće són,
Te hodžinki běchu džě krótke,
Klinč, škleńca a slěborny zwón!

(Wokoło 1845.)



Styskanje.

Hdyž widžu lečo čahnyć
 Tam šere mróčele,
 Chce wutroba mi spanýć,
 Mje loji styskanje,
 Zo k domu wótcnemu
 Ja sobu nječahnu.

Po rěcy pluskotaju
 Tu žołmy do morja;
 Tež ptaćatka čas maju
 A swój puć nastupja —
 Hdy pak mi pokiwa
 Dompuća hodžinka?

Hdyž klinča swjatok zwony
 A stwórbu woćichnje,
 Ja rjeknu: Pójęe sony
 Wy słódke, domowske,
 Zo zrudna myslička
 By trošta nabyła.

Hdyž hwězdy zeskhadžeja
 A mėsac na njebj,ju,
 Mi sylzy w wóčku steja,
 A tyšny pomyslu:
 Hdy bych tam horkach był,
 Mój dom bych wuhladnył.

(Wokoło 1845.)



Swěrný luby.

Wšak runje doły, hory
 Mje džěla wot tebje,
 A mnohe rěki šumja
 Srjedź naju hluboke:
 Ja při tebi wšak wostanu
 Ze swěrnej serbskej mysličku!

Njeh moje wotsudženje
 Kónc zemje wjedže mje;
 Dónž budu žiwy widzieć
 Tu slónco njebieske:
 Ja při tebi wšak wostanu
 Ze swěrnej serbskej mysličku!

Njeh swěći hwězda zboža
 A česć mi zeskhadža,
 Njeh tysac rjanych holčkow
 Mje k hrajam přepraša:
 Ja při tebi wšak wostanu
 Ze swěrnej serbskej mysličku!

A by šla z džesać ranow
 Krej moja róžowa,
 Zo woblědnje mi ličko
 A smjerc mi přistupa:
 Ja při tebi wšak wostanu
 Ze swěrnej serbskej mysličku!

(Wokoło 1845.)



Zastaničko.

Hdyž hdy twojej' wóčkow pruhi
 Mile na mnje zaswěća,
 To swět krasniši mi druhi
 We wutrobje zeskhadza —
 Slódka duša,
 Slónčko mojej' radosće,
 Daj sej lubić,
 Dowol moje česćenje!

A mi swět je jenak rjany
 W zymje, w lěće róžojty,
 Jasni so, je pozłočany
 Přez twój směwk tak lubozny —
 Slódka duša,
 Slónčko mojej' radosće,
 Daj sej lubić,
 Dowol moje česćenje!

(Wokoło 1845.)

Ja sym tam tež.

Po poli, po holi, po zelenym lěsu
 Tam ptačatko wokoło zlétuje.
 Je w poli, je w holi pak ptačatko samo?
 Ně, ja sym tam tež! —

Po poli, po holi, po zelenym haju
 Tam ptačatko wokoło zaspěwa.
 A spěwa tam ptačik samlutki sej spěwy?
 Ně, ja spěwam z nim!

Po poli, po haju, na zelenej horje
Ma ptačatko wjesele lubozne.
Ma radosć, ma hraje tam ptačatko samo?
Ně, ja mam tam tež!

Hdžež zlětuje ptačik a lubi so jemu,
Tam wšudže so lubi a spodoba mi;
Hdžež zaspěwa ptačik a hněžko sej twari,
Tam chcu, tam rjenje je!

(Wokoło 1845.)

— * —
Pohončowa pěsnička.

Po horach, po dolach, po šěrokim swěće,
Kaž słuša so, jězdźu a wjesoły sym,
Ja šwihajo, praskajo w zymje a lěće
Při splóšiwych konjach so zadžeržeć wěm.

Je horco, je zyma, su mokrojte puće,
To njemyli pohonča nadobneho,
Nic deščik, nic wětrika přećiwnje duće,
Haj, cémnoty nócneje njeboju so.

A hladajće na mnje, wy ludžo, a prajće,
Hač pohonč najrjeniše pacholo njej';
Za knjeza mje khroble a zawěsće znajće,
Kiž zwěri bjez hrozy na ćežkoty sej.

Duž z konimi jězdzić a pohonč chcu wostać!
To pře wšitke wěcy tak lubi so mi,
A móhł-li tež sceptar a kralestwo dostać,
Ja njerodźu wo ničo bjez koni!

(Wokoło 1845.)

Džěd a wowka.

Džěd.

~~xx~~ Hdže dny a hraje lóštne su,
 Najlubša towarška,
 Hdžež z lóžkej nóżku na brjóžku
 Sy ze mnu skakała?
 Naj' hrajow čas a złote dny
 Su zalećile na přecy!

Wowka.

Hdže mjedowe te časy su,*
 Naj' lětow nalěčo?
 Wěš, hdže te kwětki kćějachu,
 Mój stary towaršo?
 Mi je to són — te wonječka
 So dawno z pjeršću měšeja.

Džěd.

Hdže su te štomy lisćowe
 Ze swojej kryciznu;
 Wěš ty te ławki twarjene
 Za našu bjesadu?
 Wětr rozpjeršił je lisćička,
 Te ławki wjacj njesteja.

* 1. recens.: Hdže su te šćežki kemšace
 Přez łuki, přez polo,
 Te puće, brjóžki zelene,
 Wěš ty, mój towaršo?
 Ja před wočomaj widžu je,
 Te běchu tehdy rjeniše.

Wowka.

Hdže su te róže, naliki
A drjewčko wonjate,
Kiž rosčechu tam w zahrodzi,
Hdže su te wostale?

 Mi wutroba so rozrudža,
 Te róže wjacj nječkėja.

Wobaj.

Haj, wrócam-li so z myśličku
Do młodych złotych lět,
So sylza kula po licu —
Nětk wjacj njež' tón swět!

 Ach zabudź, duša — myslu ja,
 Štož nihdy so wjac' njewróća!

(Wokoło 1845.)

Drěmančko lubčički.

(Přełožk. Tydź. Now. 1849, 308.)

Lubčička! mjez różemi
Drěmaš tamle měrna;
W słódkich sonach přeco spi,
Moja tujka swěrna!

Duši tyšnej jandželki
Sćelće měr, kaž rosu;
Syłobiko! z keřčka ji
Fifol w troštnym hłosu!

Majkaj mile, wětřičko,
Ličko holčki mojej',

Zo kaž róža krasni`so
W luboznosći swojej!

Ćiše šepń ji ćišinko
Moje postrowjenje,
Dychń ji moška cunišo
Moje wokošenje!

Zwaha dychi nalětnje
Nimo lička hrajće;
Kćenja! lubje dymace
Ji swój wopor dajće!

Zo mój jandželk ćiše spi,
Njeharujće próška,
Njeh drěmk słódki njezhubi —
Lubčićka, spi z lóžka!

(Wokoło 1846.)



Khudy husleń.

~~K~~óžda wačka žiwnosć pyta,
Wšelki pućik čłowjek spyta,
Kak so z česću zežiwi;
Moje kubło, pluh a bróna,
Moja žiwnosć, moja króna
Sće wy, lube huslički.

Hólcy, holcy, poskakajće,
Pójdźe sem a zarejwajće,
Lóštnje, lóštnje do koleska,
Skakaj, rejwaj cyła wjeska,
Nichtó njehudźi kaž ja!

Tolsto, čenka truny džeja,
Za polak je moja reja,
Widziće, ja njejsym drohi,
Zběhajće duž młode nohi,
Jedyn kus so dokonja.

Žiwjenje ma wjesołosće,
Khudy nosy wobćežnosće,
Prosyć je najkisašša;
Bohačk z pjenjezami čiska,
Khudy jemu wo nje piska,
Kaž chce měć, hač truny rža.
Hólcy, holcy, poskakajće atd.

Prosyć w delanach a horach
Wo krušk dyrhjał ja po dworach,
Njebych měł te huslički;
Młody lud so rady wjerći,
Duž hač k mojej zbóžnej smjerći,
Božo, zdžerž te husle mi.
Hólcy, holcy, poskakajće atd.

(Wokoło 1845.)



Što pomha swobodnosć?

~~N~~a swět so spušćeć, hraće je,
Ta kóstka wšelko panje,
Štož njemysliš, to najskerje
A runjewon so stanje.

Kaž morjo mócnje žolmuje,
Tak nawalna je žadosć;
Štož jedyn hóracy woplače,
To druhemu je radosć.

Tu winna njeje swoboda,
Kiž tamaju tak wjele;
Tu njerozym a dziwjota
To horjo ludžom sće.

Što dawaš porok swobodzi,
Kaž była žiwjel škódný?
Štož z knjezom njeje na sebi,
Njej' swobodnosće hódny!

(Wokoło 1845.)



Dzewječ rjemjeslnikow a džesaty slěpc.*

(Husćišo čišćany.)

Ja sym tawzynt dušny khadla,
Mi njech nihtó njeprindže;
Džesać toler mam ja w zaku,
Tajke mólčke cyrkwinske.

Ja sym wulki muzykanta
Na lik a na skorodej;
Štož mje duć a škrabać słyši,
Temu wěsće derje njej'.

* Spěw ma hlós wot basnika sameho (hl. na kóncu).

Ja sym wuwołany lěkař,
Krej wam pušćam z njebozom,
Ze sekercom jětra šćěpju,
Zuby torham z kopolom.

Ja sym dobry kupc a klamař,
Punt a lohć sam wudźělam;
Tobak po běrnišću wonja,
Skoru za cymt předawam.

Ja sym wubjerny hapykař,
Krjepki do njebjes ja mam;
Štóz chce čertowe měć howno,
Temu cyłoh' čerta dam.

Ja sym mudry ćesla, blidař,
Wjacy njemisnu hać lohć;
Kopu deskow trjebam k stólcej,
Ale šěrši njej' hać nohć.

Jako młynk njej' mojoh' runja;
Wot kórca pječ běrtelow
Čistej' muki jeno bjeru,
K temu horstku wotrubow.

Ja sym šewc tež překlepany;
Brózda gratej dawa mi,
A hdyž póduš wostać njecha,
Ze smołu so přilěpi.

Ja sym krawc po nowej módze,
To mój přirěz pokaže;
Dušna lapka so mi hodži,
Dwójcy nchtó njepřindže.

Jako njepřečel wot potu
Khodžu tež na murjerstwo,
Tam ja kurjo klepam, klepam —
Klepam, klepam: klep — klep — klep.

(Wokoło 1846.)



Kofejowy spěw.

(Tydź. Now. 1846, 62.)

O šewčej' barby bruna juška,
Kofej tež twoje mjeno je,
Někotra zakrasnjena duška
Po tebi lačna zdychuje;
O juška juškow najlěpša,
Cychorijowa sotřička,
Hdže je kut, hdžež će njeznaja?

Kofejo! lubość wšitkich ludźi,
Wšěch kralow, knježich, prošerjow;
Kaž w hrodach, tak w najnižšej budźi
Maš swoich swěrných česćerjow;
A sy tež blědy, čenkuški,
To wšitko ničo njewadži,
Wšón swět će tola wukhwali.

Kofej! ty sylne požadanje
 A wulka časow potreba;
 Štóz słyši twoje pluskotanje
 Z tej' brunej' kany do nopka,
 A njej'-li zopař zastarski:
 Tón so kaž z nowa narodži
 A po wšěch zmyslach zwjeseli.

Duž tež z tej dobrej brunej włóhu
 Dzeń započina čłowjestwo,
 Kaž bórzy z loža krótku dróhu
 Je do žiwjenja stupilo;
 Kofej! tak mnozy wołaja,
 Kaž rano woči wočinja,
 Kofej je prénja myslička.

A kajkich wědženstwow je trjeba
 Jón slódny pěkne hotować!
 To žónsku do wěčnosće hrjeba,
 Chcył ji štó we tym porok dać;
 Muž drje wšak tež jón nawari
 A z khětrej česću wobsteji,
 W tym žonu pak njepřetrjечи.

Tež prawa žona z luboznosću
 Wě pomhać jeho slabosći,
 Hdyž jón z čím lěpšej rěčniwosću
 Do rjanej' šalki porjedži;
 Tak, njech tež trochu ječny je,
 Njech kwětka w šalcy přez njón kće,
 Wón — z lubosću so wobsunje.

Njej' husto kofej dał samlutki
 Móć wutłym, duchej křidleška?
 Haj, často wulke mysle, skutki
 So při kofeju narodža;
 Wón wunam'kanjow babjenc je,
 A do mysle ci přiwjedže,
 Štož dwacećom so njedźije.

A kajke přecelstwa wón lěpi,
 Hdyž přeproša so na šalku!
 So twjerdša lubosć lědma šćěpi
 Při piwje, winje, palencu;
 A je što pódla k tunkanju,
 Směš zapalić sej trubčičku —
 Kak srěbaju jón z radosću!

Kak zónskich jazyk tehdy njeńdže,
 Kak źorli so rynk powěsćow,
 Hdyž prawe towařstwo so zeńdže
 Kofejowych tych sotřičkow!
 Haj, wobwjertliwosć jazyka
 So přez tu brěčku powjetša,
 A słowa maznje wuleća.

Za to pak na nim njejsu pili
 So ludźo lohcy bankerót,
 So njejsu pjeni při nim bili,
 Nic waleli kaž hlupy skót;
 Na piwje, winje, palencu
 Je něchtóžkuli z hanibu
 So khory pił, haj k prošeřstwu.

Duž njeswař, mužo, žonu swoju,
 Hdyž tři króć za dzeń zemjele;
 Hlaj, słabosc nosy kóždy swoju —
 Wot žónskich tale njetwochnje;
 Kofej ždyn žona lubuje,
 A absolut jón hotuje,
 A tež za kroški poslednje.

O derje pak, hdžež do kofeja
 So muzej, žonje jenak chce;
 Hdžež w róli přec' te krjepki steja,
 Tam žiwjenje je židžane;
 Tym słódka, husta smjetana
 A móćne dule cokora
 Njeh nihdy na fal njebija!

(Wokoło 1845.)

— * —
Při kolebcy.*

(Druhi wěnc serbskich spěwow, str. 16.)

Spinkaj čiše, jandželko!
 Kukuhladko zandželej!
 Kaž ty, nihdže hoľbik njej',
 Nichtó nima tajkeho.
 Huj, huj, hoľbiko,
 Huj, huj, jandželko,
 Tuj, tuj, tuj, tuj!

* Tutón spěw bu wot K. A. Kocora za 2. spěwanaki swjedžen 1846 komponowany.

Spinkaj, złoty lubuško!
Wokoł' tujki, na tebi
Směwaju so jandželki,
Nihdže njejsu radžišo;
Huj, huj atd.

Spinkaj, kurko najlubše!
Kwětka nihdže rjeniša,
Dyžli ty, njej' zakčěla,
Nichtó nima tajkeje;
Huj, huj atd.

Spinkaj, žatko maľuške!
K lětu šćipaš rózičku,
Hdžež tam mižko trawičku,
Hrajkać budžeš sylniše;
Huj, huj atd.

Spi a roś nam, jandželko!
Lětka bórzy zaleća,
Kaž pod njebjom mróčaľka,
W dwacetym b'dže hinašo;
Huj, huj atd. (Wokoło 1846.)



Žarowanje.*

(Druhi wěnc serbskich spěwów, str. 12.)

Milžička spěwa sej plačite hłosy;
Štoha či, džěco wjesole, je?

* Tutón spěw bu wot K. A. Kocora za 2. spěwanaki swjedźen 1846 komponowany. (Hlós hl. Tow. Spěwnik, str. 62.)

Ach, hdže je mój rjany džeń,
 Hdže mój luby nawožen?
 Lubeho běleho
 Do kašća hotuja.

Čorna so drasći tam Hilžička plačo,
 Wodźewa rub so žarowanski;
 Jasne wóčko hasło je,
 Kiž so na nju směwaše;
 Z trawnikom, z dornikom
 Jenički kryty spi.

Hilžički sylzy row zeleny krjepja,
 Fijałki lute zakćēja z nich;
 Módre njezapomnički
 Směwaju so mjez nimi.
 Hilžička zrudnuška
 Na rowje spěwaše:

Ach, zo bych za nim ja čahnyla skerje,
 Nětk mi tu zemja puscina je;
 Wzmi mje sobu za tobu
 K rjanom' raju Božemu;
 Bych so tam rjeniša
 Njewjesta błyšćila!

(Wokoło 1845.)



Moje wjesela.*

(Druhi wěnc serbakich spěwów, str. 18.)

Hdžež so módrja, zelenja
 Naše hory, hajnišća,
 Hdžež mje strowja zetkujo
 W znatym słowje krajenjo:
 Tam su moje wjesela,
 Tam mje čehnje, tam chcu ja.

Hdžež tam zwony na cyrkwi
 Lubje rěča k wutrobi,
 Do wsy hlada z wječorka
 Pozłóčena cyrkwička:
 Tam su moje wjesela,
 Tam, tam dže mi myslička.

Hdžež tam rěka pluskoce
 Přez te hona domowne,
 Hdžež do hatka, do rěčki
 Swěća jasne hwězdźički:
 Tam su moje wjesela,
 Tam mje čehnje, tam chcu ja.

Hdžež tam kwětki pisane
 Pyša luki domjace,
 Hdžež tam naše polo je,
 Žito so tam zmahuje:
 Tam su moje wjesela,
 Tam, tam dže mi myslička.

* K ruskemu hłosej (hl. Tow. Spěwnik, str. 11.)

Hdžež mje wita narodny
 Dom a towarš zradowny,
 Hdžež tam znate holiča
 K wěncam rutu šćipaja:
 Tam su moje wjesela,
 Tam mje čehnje, tam chcu ja!

(Wokoło 1845.)

Serbska reja.*

(Druhi wěnc serbskich spěwow, str. 19.)

~~***~~
 Hdžež ta kwětka wonja,
 Tam te pčolki zwonja,
 Zlětuja te mjetele;
 Hdžež te mysle steja,
 Tam te wóčka džeja,
 Nózka pućik nam'kać wě.

Hdžež so keřčik šěri,
 Šwórčo žołma ćěri,
 Syłobik rad zaspěwa;
 Hdžež so z winkom klinka,
 Pódla rjana Minka,
 Tam knjez hóľčik přikhad ma.

Hdyž to slónčko hrěje,
 Tež so kwětka směje,
 Barbne wóčko wotamknje;

* K narodnemu hlasej (hl. Tow. Spěwnik, str. 118).

Lička różowate,
Ručki lilijate,
To knjez hólčik lubuje.

Ranko słónčko stawa,
Hwěžkuje so trawa
Z rosu złota, slěborna;
Rjeńši pjeršćen krasny,
Z dejmantami jasny
Holču młodźenc zawdawa.

Ryba hraje w wodźi,
Po džećelku khodźi
Běła wowcka skaćicy;
Hdžež te spěwy klinča,
Truny k reji zynča,
Aj, tam statok wuzwolmy!

(Wokoło 1845.)

Božemje lubej.*

(Tydź. Now. 1846, 43.)

Budź božmje, moja lubčička:
Ja dyrbjū ćahnyć,
Wot tebje stanyć,
Na prečki hić.

* Tutón spěw bu wot K. A. Kocora komponowany a na spěwan-
skim swjedenju 5. oktobra 1849 w Budyšinje spěwany.

Mi zawdaj bělu ručičku:
Ja dyrbjú druhdze,
To žel či budže,
Ty njeplakaj.

Ja chcu, ja du na cuzy kraj:
Měj ty so rjenje,
Jeli zo ženje
Wjac' njepríndu.

Widziš ty hród tam na horje?
Nimo toh' hroda
Tam běži woda,
Kaž slěborna.

Kaž so ta woda njestaja,
Tak njecham wostać,
A ty mje dostać
Nětk njemóžeš.

Hdyž budža twoje lubosća
Kaž woda čista,
To dyrbiš wěsta
Ty moja być.

(28. 12. 1845.)



Zbožopřeca staršim k nowemu lětu.

I.

☙ kak wulka bě ta hnada,
Kiž nas dotal zakhowa,

Duž tež džensa kóždy žada,
Zo by dale z nami šla,
Zo by wšitkich zwarnowała,
Z nowa nam wšo dobre dała.

Duž tež džens ja z lětom nowym
Chcu z tej próstwu k Bohu hić:
Wón chcył ze žiwjenjom strowym
Waj', o staršej, zwjeselić,
Wamaj wšitko dobre nadać,
Na Waj' próstwy z hnadu hladać.

Bóh chcył wšemu złemu haćić
Po domje a na polu,
Waju lubosć ke mni plăćić
Ze wšej lubej dobrotu,
Hač mi něhdy přinđu časy,
Zo mój džak wšo plăći zasy.

II.

Ja, lubaj staršej, postupju
Džens před Waj' z nowej lubosću,
Hdyž nowe lěto ponowi
Tu lubosć w mojej wutrobi.

Bóh Wamaj strowosć, čerstwosć daj
A zrudźbje k Wamaj wobaraj;
Kaž nowe lěto tudy je,
Njeh nowa hnada z Wamaj dže.

Móc čłowśka ničo njemóže,
Duž Bóh njech Waju pomoc je,
Bóh žohnuj z nowym zbožom Was,
Kaž zas' je přišoł nowy čas.

A dokelž Waju lubosć mje
Hač dotal krasnje kublaše,
Duž při tym lěta spočatku
Mój wutrobny džak wobnowju.

Tón pak, kiž wšitkich zbóžnik je,
Njech při Was je a wostanje,
Wón žohnuj mje a staršej Waj'
A daj nam wšěm tón zbóžny raj!

~~~~~

### III.

**B**ožu hnadu, wjele zboža,  
Lubaj staršej najlubšej,  
Přeju Wamaj stan'ši z loža  
K nowoh' lěta spočatkej.

Strowosć, čerstwosć, žohnowanje  
Na čěle a na duši  
Daj Bóh Wamaj kóžde ranje,  
Hač so lěto dokónči.

(1846.)

— \* —



# Lubinski hród.\*

(Druhi wěnc serbakich spěwow, str. 6.)

~~W~~ěm powěsć staru zastarsku  
 Wo kralowskim tam hrodźisku  
 Na Lubinskej tam horje;  
 A tež wot krala serbskeho  
 Pod skału zahrjebaneho  
 Na čornej horje Žmórcu.  
 Hač woła sokoł Prašiski,  
 Kral serbski jeho njeslyši,  
 Wón njeskónčne spi spanje.

Mu džije so wo Serbowstwje,  
 Wo starym rjanym kralestwje  
 W tak lubym pyšnym sonje;  
 Wón widzi Serbow bydlišća,  
 Jich lěsy, rěki, holišća  
 A pěkne wašnja wótcow,  
 Swu pychu złotu kralowsku,  
 Swój lud a Serbow swobodu.  
 Tu pyšny són so skónči.

A ze rženjom duž wuhlada  
 Kral staroh' čornoh' rapaka,  
 Tón rapa wjele trašnje:  
 Hdyž Sprewja pónđe přez Lubin,  
 Na Žmórcu stać b'dže Budyšin,  
 B'dže wěrnosć twój són wěšćić.

---

\* Tutón spěw bu wot K. A. Kocora za 2. spěwanski swjedźeń 1846 komponowany.

A kral bjez sona dale spi,  
Hród njewohlada Lubinski,  
Hród svojich sylnych wótcow.

Na Jana w nocy dwanaćich  
Hród steji w šmrěkach Lubinskih  
Pozłotnje błyskotajo;  
So wrota same wotewrja,  
Na krala nutřkhód čakaja, —  
Kral leži w ćmowym Žmórcu.  
A sokoł bórzy zawoła,  
So hroda błyskot zrozhubja —  
Kral nochce nihdy stanyć.

(W februaru 1846.)



### Honjeŕski spěw.\*

(Druhi wěnc serbskich spěwow, str. 21.)

~~Wón~~ Wón, won na hońtwu wjeselu,  
Nimrodscy mužojo!  
Won, won na holu zelenu  
Z tej třělbu na ramjo!  
Trara, trara, trara —  
Te różki zaklinča,  
A hola wotmołwja:  
Trara, trara, trara!

---

\* Tutón spěw bu wot K. A. Kocora za 2. spěwanaki swjeděn 1846  
komponowany. (Hlós hl. Tow. Spěwnik, str. 54.)

Tam liški, swinje, jeleny\*  
 So z lěhwow zhrabaja,  
 Tu leća sornik, zajacy  
 Do smjertnoh' wołoja.  
     Hawhaw, hawhaw, hawhaw —  
     Te psyki šćowkaja,  
     A hola wotmołwja:  
     Hawhaw, hawhaw, hawhaw!


Dziwona dzerži z nami žně  
 Po lěsu, po polu,  
 A wołoj rani do smjerće  
 Tu spěšnu džiwinu.  
     Prispras, rjesras, prispras —  
     Te buškwje łuskaja,  
     A hola wotmołwja:  
     Prispras, rjesras, prispras!

Mi wšitcy khwalće honjerstwo  
 A drastu zelenu;  
 To kralowske je rjemjesło:  
 Duž pójće na hońtwu!  
     Halo, haho, halo —  
     Hač doł a hory rža,  
     A hola wotmołwja:  
     Halo, haho, halo!

(W februaru 1846.)

---

\* W holansk-jej parěci za: jelenje.



### Jednota.\*

(Druhi wěnc serbskich spěwow, str. 3.)

**R**osćće tučne palmy měra,  
Zemi serbskej dajće škity,  
Zo so bratska haji swěra  
A duch dobry, płomjenity.  
Lubosć njesmě hinyć mutna,  
Slěborne su naše rěki,  
Zelene su khójny, šmrěki.  
Duž tak serbski:

Lubujmy so, hladajmy so,  
Bratrujmy so, njehańmy so,  
Lubujmy, hladajmy so,  
Potom bratrujmy so.

Hamjeń, daj to, miły Wótče,  
Njezapomń na nas,  
Na swój serbski lud,  
Knježe Božo w njebiesach!

Dónž so njepowróći zemja,  
Sakska ruta njech njezwjadnje,  
Dónž so njebiesa njezlemja,  
Pruski worjoł njech njepadnje;  
A štóž z prawdu derje měni,  
Štóž so serbskoh' mjena přima,  
Woběmaj njech slawa! hrima,  
A tak wšitcy:

---

\* K znatemu husitskemu hlósej (hl. Tow. Spěwnik, str. 5)

Lubujmy so, hladajmy so,  
 Bratrujmy so, njeħańmy so,  
 Lubujmy, hladajmy so,  
 Potom bratrujmy so.  
 Hamjeń, daj to, miły Wótče,  
 Njezapomń na nas,  
 Na swój serbski lud,  
 Knježe Božo w njebiesach! (1846.)



### Štyri róže.\*

(Druhi wěnc serbskich spěwow, str. 8.)

So bratřa k blidu sydajće,  
 Hlós dobry ze mnu zanjescće!  
 We žiłach z mocu młodźenskej  
 Nam zlóštna hišće žołmi krej,  
 Duž złota róža wjesela  
 Budź k našom' wěncu šćipana.  
 Róže so šćipaja,  
 Prjedy hač wukćěja;  
 Spěw budź nam přenja róžička  
 Do wěncu našoh' wjesela.

Za swobodnosć mi sapajće,  
 Ta duchej prawe slónco je!  
 So wić a sukać, pokhileć,  
 So sliny ližo pokorjeć —

---

\* Tutón spěw bu wot K. A. Kocora za 2. spěwanski swjedźeń 1846  
 komponowany.

To wostajmy tym bitym psam  
 A mjehkim kupnym wotročkam.  
 Swoboda złočana,  
 Lilija krasniša!  
 To budź nam druha róžička  
 Do wěncu našoh' wjesela.

Kraj wótcny, mjeno serbowske,  
 To króna wšitkich krónow je!  
 Tyranow zub njech zakřipja,  
 Njech błyski skały šćěpaja:  
 Tu krónu chcemy lubować  
 A krej a kubło za nju dać.  
 Lubosć ta wótcínska  
 Hori so sylniša:  
 To budź nam třeća róžička  
 We wěncu našoh' wjesela.

A lubosći a přecelstwu  
 A krutom' duchej dobremu  
 Tež karan, bratřa, pozběhńće  
 A swjatym čućam woprujće!  
 Štóž zaniči te płomjenja,  
 Tón žadlawc budź nam z daloka.  
 Lubosć a přecelstwo  
 Kćěwanja wěčneho:  
 To budź nam štwórta róžička  
 We wěncu našoh' wjesela!

(1846.)

# Spěwarjo putnicy.\*

(Druhi wěno serbskich spěwow, str. 24.)

**S**pěwarjo, krej radosciwa,  
Krasnje pućuja,  
Něma dróha klinči žiwa,  
Hona posł'chaja.

Spěwy zwjeseluja,  
Čežu polóža,  
Nohu pospěchuja,  
Pućik porjeńša.

Njestrachuj so próšna noha  
Tamle zańć do korčmički,  
Či ničo njeb'dže, tupka wboha,  
Hólcy, mamy sadžaki?

Wo pjenjez so njestaramy,  
To nam hłowu njełamje,  
Hdyž korčmarjej praj'\*\* zaspěwamy,  
Smužkow skerje zabudže.

Spěwy přewažuja  
Złoto, slěboro,  
Spěwam wotamkuja  
Wšitke duše so.

---

\* Tutón spěw bu wot K. A. Kocora za 2. spěwanski swjedžen 1846 komponowany.

\*\* Parěenje za: prawje.

Slónčko krasne! wóčko jasne  
Druhdy zandzelej,  
Zacpij smalić, ličko palić  
Z pruhu žehliwej.

Ćmowy haj a lěsy haća  
Pruhu palatu,  
Klinčo, brinčo, z khlódkom płaća  
Rjanu pēsničku.

Kak hdyž chcedža padać  
Wody njebieske?  
Aj, to zamysł mamy hladać  
Durje korčmańske.

Hory tež nam steja  
Z potom z napřeća!  
Aj, čím lóže džeja  
Nózki do doła.

Hdžež ta prawa radosć knježi,  
Tam wšak wšitko derje dže,  
Samo čert tam z měrom leži  
A so njehibje.

Na kłobuk kwětku natyknjemy,  
Pře wšě hory z lohka džemy,  
Wjedra hněw tež přewinjemy,  
Lubosć z nami dže.



Tra la, la, la, la, la, la, la,  
 Najrjeńše holiča  
 Rad wśudže porjedža  
 Nam piwa, winka dosć!

(1846.)

—\*—  
**Khude pacholo.\***

**K**róždy keřčík, wobnožka  
 Statok je za ptačika;  
 Khude sym ja pacholo,  
 Njewěśće mi bydleněčko?  
     Wotamkn, holčo, wutrobu  
     K statokej mi słódkemu!

Ptačik khudy na hałzy  
 Žórli wśak hlós troštniwy;  
 Chceś mje zacpić, holičo,  
 Zo sym khude pacholo?  
     Myslička je zradowna,  
     Sprawna moja wutroba.

W hajku, w lěsku, pod liścom  
 Hnězdzi ptačik spokojom,  
 Z runjećom so towaři  
 Bohaty na lubosći;  
     Moje złoto, slěboro  
     W twojim wóčku blyśći so.

---

\* Tuta pěseń je wobšěrny variant sola w „Serbskim kwasu“  
 2. dźělba č. 15 (hl. zwjazk II, str. 186).

Ptačik leći daloko,  
 Slónčko swěći šěroko —  
 Hdžež ja přińdu, přebywam,  
 Nihdže statok njenam'kam:  
 Tebi k stronje, holička,\*  
 Moje zbože statok ma!

(W oktobru 1846.)

\* 2. recens.: Wodnjo khlěb sej zaslužu,  
 W nocy měř mam pod hlōwu.



### Honjeŕski spěw.\*

(Pjaty wěnc serbskich spěwow, str. 22.)

**P**o polu, po zelenej holi  
 Knjez hajnik khodźenje ma,  
 Po horach, po hłubokim doli  
 Wón třěla, kaž jemu so zda.  
 Wón zaspěwa: lalala la —  
 A kralowske radosće ma.

Do slónca, do swětleho ranja  
 Knjez hajnik z pjerja so ma,  
 Haj prjedy, hač z lěnjeho spanja  
 So tysacy wukhramosća.  
 Wón zaspěwa: lalala la —  
 A kralowske radosće ma.

\* Tutón spěw bu wot K. A. Kocora za serbski spěwanski swjedšeń  
 5. oktobra 1849 w Budyšinje komponowany a wot E. Pjekarja do něm-  
 skeho (Fünfter Kranz, s. 19) přeloženy.

Štož prysnje, to žiwjenje zhubi  
A pjenjez do móšnje dže,  
Trzech dobry a hońtwa so lubi,  
Knjez hajnik muž widžený je.

Wón zaspěwa: lalala la —  
A kralowske radosće ma.

So wóčko haj někotre krasne  
Na hajńka posměwkuje,  
Wón znaje wšě hwězdzički jasne  
A na hońtwu nimo tam dže.

Wón zaspěwa: lalala la —  
A kralowske wjesele ma.

(23. | 11. 1846.)



### Žnjeński spěw.\*

(Tydź. Now. 1847, 17.)

**O**žewjaty dzeń lipa kće,  
Žnjeńcy, kosu klepajće!

Swjaty Jano,  
Róžow nano,  
Štož ty kwětkow wostaji,  
Pyš mi žnjeńcow kłobuki.

Žnjeńcy! z kosu na ramjo,  
Do pola won spěwajó!

---

\* Tutón spěw bu wot Zejlerja z počahom na „Žně“ (hl. swjazk II, str. 93) pěsnjeny, ale potom do nich njepřiwzaty. Spěw je tež komponowany wot K. A. Kocora (hlós hl. Tow. Spěwnik, str. 32).

Žnjeńcař znaty,  
Jakub swjaty,  
Z pruhow slóněnych přiwoła:  
Syćće Bože bohatstwa!

Kosa brinči, zašćerči,  
Čežke stwjelco połoži.  
Tajke klinki,  
Lube zynki  
Klinča krasnje po polu,  
Kaž nam zwony njedźelu.

Wěnc tež wijće, žnjeńcařki,  
K česći žnjow najpyšniši;  
Pozłoćenje,  
Zybolenje  
Mjeze kłosy zaplećće,  
Zwjazk njech židźenišćo je.

Je snop potom na přatři,  
Truna, pišćel wocući;  
Zradowanja,  
Džakowanja  
Napjelnja wšě wutroby,  
Snopy, přatr a komory.

(W novembru 1846.)



# Wjesoła rejka.\*

Hłós: Hdžež ta kwětka wonja.

~~\*\*\*~~ Hdžež so piwko trubi,  
 Tam so hólcam lubi,  
 Tam so synu rady — juch!  
     Hdžež so z winkom klinka,  
     Pódla rjana Minka,  
     Tam su wšě jich žady — juch!

W wóčku pruhi jasne,  
 Plomjo njewuhasne,  
 W ličkach róže kćějo — aj!  
     Tajke holčo rodža,  
     Za tajkej so młodža,  
     Tajku bjeru smějo — aj!

Město škličkow, lžičkow  
 Jenó wjele spičkow\*\*,  
 To by přeco było — jo!  
     Kubleško bjez dołha  
     Přeco měć tež móhła,  
     Tež to by mi tyło — jo!

Na přidawku dušna,  
 Lepa, mudra, wušna:  
 Była moja radosć — hi!  
     Tajke holčo rodžu,  
     Za tajkejle khodžu,  
     Za tajkej mam žadosć — hi! (1846.)

\* Tutón spěw bu wot Zejlerja z počahom na pěseń „Serbaki kwas“  
 (hl. zwjask II, str. 167) pěsnjeny, ale potom do njeje njepřiwzaty.

\*\* T. j. cankow.



### Rak a človjek.

**K**laj, rak je zwěrjo wodowe,  
Tak rjepuchate zatrašne,  
Kaž skoro nihdže žane;  
Štož tajkich pawkow pojedł je,  
Tón trašnu lačnosť začuje  
A pije wjac', hač khmane.

Haj, raki to su waki,  
Kiž wodu žlokaja;  
Hdy bychy piwko pili,  
To bychy dolha měli  
Tak tolsće, jako ja.

Haj, raki to su waki,  
Kiž toča do brjoha;  
Hdy bychy butru měli,  
To njebychu so drěli  
Ze skórčičku, kaž ja.

(1846.)



### Młóckowski spěw.

(Tydź. Now. 1847, 9.)

**K**adyž počina pod keřkom roscí tam hrib,  
Dha zaščerča we bróžni cypički: klip,  
Klip, klap, klip,  
Klipy, klapy, klipy,  
Klipy, klapy, klipy,  
Klip, klap, klip! buch!

Hdyž zhubjuje lisće we haju tam buk,  
Dha klinči we bróžni tak cypičkow puk:

Pik, pak, puk,  
Piky, paky, puky,  
Piky, paky, puky,  
Pik, pak, puk! buch!

Hdyž wrobel so přimołwja: „Bur mój wujk je!“  
Dha stwjelco pod cypami zašćerkuje —

Šćer, dwer, šćer,  
Šćery, dwery, šćery,  
Šćery, dwery, šćery,  
Šćer, dwer, šćer! buch!

Kak rjany je burej tón bróžnjacy zuk,  
Hdyž cypički ronja tam klósku a truk:

Puk, pak, puk,  
Puky, paky, pučky,  
Puky, paky, puky,  
Puk, pak, puk! buch!

(28. 12. 1846.)

### Nalěće a ptački.\*

(Tydź. Now. 1847, 23.)

Što to hwizda, woła, spěwa,  
Što to šćerči, fifoli,  
Hdyž so jasne njebjo směwa  
A dych čehnje nalětni?

\* Spěw ma hlós wot kantora Wolfa z Budyšina; přir. „Spěwy za pěkne džěći“, II.

W haju, hatach, polu, holi  
Zraduje so ptačina,  
Swobodności, swojej woli  
Po ćésnosćach zawyska.

Posylń, nalěćo, mje k wěri,  
K nowej mocy, lubosći;  
Twoja rjanosć njech mje ćěri  
Khwalić Boha z ptačkami!

(1847.)



### Wobkedźba holičam.\*

(Tydź. Now. 1847, 36.)

**R**oztał, zašoł běly sněh,  
Kiž nam zemju wodźel bě;  
Ha što wón tu po sebi  
Ludžom rjane wostaji?  
Brjóžki ruto-zelene,  
Młode pupki różowe.

Zašoł, wušoł hólčik je,  
Kiž tu holčku lub'waše;  
Ha što tón tu po sebi  
Holču rjane wostaji?  
Lute krasne slubjenja,  
Njebudža-li mjerzanja.

---

\* Tutón spěw chcyše Zejler při předčětanju „Serbskeho kwasa“  
(hl. zwjazk II, str. 167 sl.) jako solo do njeho zaplesć, je pak jón  
skónčnje wuwostajił.



Kćenja bële, čerwjene  
 A tež pupki różowe —  
 Nihdy wšě so njeradža,  
 Njeznaješ to, holička?  
 Pacholo najswěrnije  
 Kusčičk falšne přeco je!

(W januaru 1847.)



### **Příkhad ptačkow w nalěcu.\***

(Tydź. Now. 1847, 87.)

**P**ře wšě hona, haje,  
 Wulke, małe kraje,  
 Hdžež so hałzy šěrja,  
 Pola stwjelco ćěrja:  
 Tam so k bydlu maju,  
 Tam tež zaspěwaju  
 Z nalěcom tu ptačata.

Škowrončk, pólnik přeni,  
 So zmuži zahe  
 Na brózdy nahe;  
 Tež snadny kóšt  
 Da jemu lóšt,  
 A bórzy hrónčko gěrluje.

Fijom, fi, fi! wita štom  
 Škórc w čornej sukni swětłej,

---

\* Tuta pěsen je wobšěrny variant přénjeho chora lyriskeje pěsnje  
 „Nalěće“ (hl. zwjazk II, str. 9 sl.).

Z nowa wobćechnje swój dom  
A swjeći dobyće.

Zwjeselnosćow źórleško,  
O swobodnosć a nalěčo,  
We waju pruhach miłych  
Lóšt, móc a lubosć womłodža!

Mróčel slónčko zastupa,  
A wětřík přeco njemajka!  
Duž ty widličkata  
W dworje huslowata  
Hladaj so šće lastojčka.

Zyba kruće wěri,  
Spěwa w dobrym měři  
Na pupkatej hałozy.  
Ćmi so abo swita,  
Na ladach kibita  
Stražu lěta wołajcy.

Syłobik tež přileći,  
Fifolak najrjeniši;  
Kajki žadny hósć,  
Jemu žana złósć  
Nihdy so stać njedyrbi!

Hladaj tu a posl'chaj tam,  
Dži za huna, dži do lěsa —  
Z radosću swój hlós  
Hwizda čorny kós,  
Dobry čichim husćinam.

Sknadž tón knjez  
 Z hordom wjes  
 Spušcił je a burski dwór.  
 „Slódki khléb,  
 Złota škla“,  
 Spěwa wón, „je swoboda.“  
 Štom a kwětka kćěje,  
 Rjany wěnc je kraj,  
 Kak so wšitko směje,  
 Kaž sam Boži raj!  
 Pój do žitow pocpula,  
 Njech jim krupy nješkodža.  
 Starosciwe myślički  
 Zaspěwajće šěrački!  
 Kajka radosć, kajki čas!  
 Spěwy rža, kaž serbski kwas.  
 Witaj, witaj młode nalěčo!  
 Witajće spěwarjo!

(1847.)

— \* —  
**Serbske holičo.\***

(Tydź. Now. 1847, 91.)

**H**olička serbowska,  
 Kwětka ty młódníwa,  
 Přecelnosć, njewinosć krasni će,  
 Z lubosću wóčko će wuhladnje!

---

\* Tutón spěw, kiž mějese z woprědka zapoložne solo w 8. dźělbje „Serbskeho kwasa“ srjedź 8. a 9. kruha (hl. zwjazk II, str. 199) być, je wot K. A. Kocora komponowany. (Hłos hl. Tow. Spěwnik, str. 70.)

Rózička lubozna,  
Holička serbowska,  
Sława ci!

Holička serbowska,  
Pčółka ty sprócniwa,  
Podobność poniżnej' fijałki —  
Myslička tebi so přikhili!  
Fijałka poniżna,  
Holička serbowska,  
Sława ci!

Holička serbowska,  
Swěrna ty tujawka,  
Hwěžki so zabłyśća do żołmy,  
Twoje mi znamjo do wutroby!  
Tujawka, jandželko,  
Serbowske holičo,  
Sława ci!

(1847.)

— \* —  
**Smilność.**

(Tydź. Now. 1847, 92.)

**P**řišoł prošeř pod wokno,  
Wo kus khlěba prošeše;  
Na njeho pak džěcatko  
„Wobradź Bóh!“ won wołaše.

Duž tam swoje džěcatko  
Njesmilne nan swarješe:

Khlěba kusk za khudeho  
Nam we włózach narosće.

„Dzens naš všědny khlěb daj nam!“  
Tež my Boha prosymy;  
Duž tym bėdnym prošerjam  
Bože dary wudžělmy.

Na to wozny\* džěcatko  
Skibku khlěba wotkranu:  
„Na, maš! wbohi prošerjo;  
My 'šće mamy pokrutu.“

(W juniju 1847.)

\* Dialektiscy za: WZŠ.

### Njetrěbna starosć.

(Tydź. Now. 1847, 144.)

Hlós: Štoha či naši tež dšělaja.

„~~Ha~~loza, lisćičko zelene,  
Podaj mi jabłučko čerwjene,  
Jabłučko žolte a čerwjene.“

Hałoz, lisćičko hnuwa so,  
Dele so kuliło jabłučko,  
Jabłučko rjane, kaž holičo.

Holičo jabłučko spopadže,  
Pěknemu hólčikej dawaše;  
Woběmaj ličko so barbješe.

Na ha'zy ptačik tam spěwaše,  
Šelma tón mały so směwaše,  
Šelma tón mały tak zynčeše:

„Najlěpje sama přec' nam'kała  
Pučik a sćežku je wodžička,  
Holičo k jablučkej pachola!“

(9. [8. 1847.]

— \* —  
**Nazyma.\***

(Tydź. Now. 1847, 152.)

**S**o zloći hižo nazymnje  
Na płodach bohate!  
Duž wocuć khwalba, wjesele  
A čuće džakowne.

Hlaj, kak so blyšći zahroda  
Ze sadom ličkatym,  
Ta ha'za z płodom zhibnjena  
„Pój!“ woła, „pój, tu sym!“

Tež worjeh, bóz, pjeńk winowy  
Štož móža přinjesu,  
Lěs dawa hriby, jahody,  
Hat słódnju rybičku.

Přatr, pinca, łubja poj'daja,  
Što pola darjachu,  
Kaž całta běrny zesłódža —  
Khlěb khudych ludźi su.

---

\* Podobny spěw po započatku namaka so w zwjazku II, str. 126.

Njeh khwali rjane nalěće,  
Štóz kwětku lubo ma,  
My pozběhajmy nazymnje,  
Kiž plód na blido da!

(9. 8. 1847.)



### Brězyčka přede wsu.\*

(Tydź. Now. 1847, 196.)

**P**od bělej brězyčku  
Na hórcy přede wsu  
Tam smój dobru nóc sej dałoj,  
Pjeršćen jasny přeměňajoj;  
Ta běla brězyčka  
Je sobu zdychnyła.

Pod bělej brězyčku  
Na hórcy přede wsu  
Je wón poručil mje Bohu  
A je čahnył prečku drohu;  
Ta běla brězyčka  
Je ze mnu plakała.

Pod bělu brězyčku  
Najradšo nětko du,  
Stajnje wutroba z njej ryči,  
Kóždy lisćik trošt mi syči;  
Ta běla brězyčka  
Je moja troštarčka.

\* Tutón spěw bu wot K. A. Kocora za spěwanski swjedžen 5. okt. 1849 w Budyšinje komponowany (hlós hl. Tow. Spěwnik, str. 57) a wot E. Pjekarja do němskeho (Fünfter Kranz, s. 12) přeloženy.

Pod bělu brězyčku  
 Najradšo nětko du,  
 Pod njej zamknýc wóčko žadam,  
 Jeli zas' joh' njewohladam;  
 Ta běla brězyčka  
 Mój row njech přikrywa!

(9. 11. 1847.)



### Wotmysl.

**D**yrbi so wuknýt na swěći,  
 Kaž kaza žiwjenje:  
 Duž nawukímý być zradowni  
 A přemóc tyšnosće;  
     Štó wě, kak bórzy ronja  
     So sylzy po licu —  
     Štó wě, kak bórzy zwonja  
     Nam zwony k swjatoku.

Dyrbi so w swěće brěmjo njesć,  
 Kaž wotsudžene je:  
 Duž nawukímý jo mužscy njesć,  
 Kaž ramjo ryčerske;  
     Hlaj, polóžny dzeń swita,\*  
     Te palmy blizko su,  
     A slódke myto wita  
     Tych sylnych na kóncu.

---

\* 2. recens.: Po čmě a nocy swita  
 Dzeń jasny, růžowy,  
 A slódke myto wita  
 Tych sylnych po prócy.



Dyrbi nas čezic staroba  
 Na mučnym kiješku:  
 Duž wobkhowajmy do rowa  
 Sej mysl młodžensku;  
     Tu lubosc wěcnje młodu\*  
     Khód létow njezlemi,  
     A Acherontsku wodu  
     Duch lóštne přeleti.

Dyrbi nam w swěće zbože kčěc  
 W tej krótkej hospodži:  
 Duž nawukímy so lubo měc  
 We swěrnej lubosci;  
     Tak čerpajmy a pijmy  
     Te žórła njewiny  
     A wěncy sebi wijmy  
     Z njesmjertnej' zaslužby!

(18. 12. 1847.)

---

\* 2. recens.: Přez płomjo mysl młodu.



### Čehodla nic?\*

(Tydž. Now. 1848, 12.)

Jasne slónčko pruhi sće  
 Z wóčkom khroblým na zemju,  
 Swětle hwězki z njebjaja dele  
 Na cyły swět hladaju:

---

\* Tutón spěw bu wot K. A. Kocora komponowany (hlós hl. Tow. Spěwnik, str. 72).

Prajće, ludžo, čehodla  
Njesměł kuknyc ja ji do wóčka,  
Tej rjanej holičcy?

Róže za wšě wóčka kćěja  
Na łucy a zahrodźi,  
Módre njebjesa so směja  
Do nich w lutej lubosći:  
Prajće, ludžo, čehodla  
Njesměł hladać ja ji na lička,  
Tej rjanej holičcy?

Žołma z brjohom šwórčo ryči,  
Wětrik šuči z lisćičkom,  
Polej stwjelco hrajo syči,  
Hałžka šepce ze štomom:  
Prajće, ludžo, čehodla  
Njesměł popowjedać słowčička  
Z tej rjanej holičku?

Měsačk zemju přewodźuje,  
Zemja wokoł' slónca dže,  
Wšudže wšo so towařšuje,  
Hdžež tež wóčko pohladnje:  
Prajće, ludžo, čehodla  
Njesměł stupić kročel pućika  
Z tej rjanej holičku?

[Zły swět nihdy nima měra,  
Wšitko na złósc wobroća,

Njewiność a swjata swěra  
 Su jom' cuze začuća:  
 Prajće, ludžo, čehodla  
 Čłowjek na swět hišće posłucha  
 Z toh' raja wuhnaty?]

(22. 12. 1847 a kóno w l. 1857.)



### Přaza a ženŭta.

(Tydź. Now. 1848, 20.)

Hłos: Dobry wječor, maćefka.

Wjerće! wjerće! kolesko,  
 Rjana přelča\* spěchuj so;  
 Holadra, hopsasa —  
 Kajka je to bórčeńca!

Wjacy předžeš pišćelow,  
 Wjacy maš ty bjerjerjow;  
 Holadra, hopsasa atd.

Cybaš kudžel čiscišu,  
 Bohatši je na puću;  
 Holadra, hopsasa atd.

Ćeńšu nitku napředžeš,  
 Šwižnišeho dostanješ;  
 Holadra, hopsasa atd.

Kedźbuj, zo so nješkowri,  
 To budže ćim pěkniši;  
 Holadra, hopsasa atd.

\* To je: předliča.

Hladša nič so zyboli,  
Rjeňši budže mjez woči;  
Holadra, hopsasa atd.

Twjerdšu nitku nawiwaš,  
Swěrníšeho namakaš;  
Holadra, hopsasa atd.

Dlěšu nitku sčahuješ,  
Zróstnišeho wuzwoleš;\*  
Holadra, hopsasa atd.

Rjeňše motaš předženo,  
Rjeňše jeho wašničko;  
Holadra, hopsasa atd.

Wjacy štukow namotaš,  
Bohatša so wudawaš;  
Holadra, hopsasa atd.

Spěšnišo du koleska,  
Zaže braška zakłapa;  
Holadra, hopsasa atd.

Wjeré mi wjeré to kolesko,  
Rjana přelča spěchuj so;  
Holadra, hopsasa —  
Kajka je to bórčeńca!

(14. I. 1848.)

---

\* Variant: Wjacy wozow powjezeš.



# **Swjateje Marine sylzy.\***

(Tydź. Now. 1848, 87.)

~~Marija~~ Marija pod křižom tyšniwe

Sylzy je ronila blyščate,

Z kóždeje róžička lubozna

Pod jeje nohu je zakčěla;

Prénje te róžički běle

Dla njewiny syna su kčěle.

Běla ty zahroda róžowa,

Blyščo tam na horje Golgatha,

Podaj mi jenu tu róžičku,

Tyknyc' ju sebi na wutrobu;

Tebi, o róžička běla,

So poswjeca wutroba cyla.

Druhi splah róžow so pozběha

Pod křižom z mlódného trawnika,

Rjeńši hač raniše zerja je,

Šarlat a purpur so khowaše;

Sapata lubosć jón jasni,

W krejčerwjnym blyšču so krasni.

Čerwjena zahroda róžowa,

Blyščo tam na horje Golgatha,

Podaj mi jenu tu róžičku,

Z Božej' krwju lubosće barbjenu.

Wutroba za tobu hlada,

O róža, a nosyc' će žada.

---

\* Tutón spěw bu wot K. A. Kocora za spěwanaki swjedźeń w Smječ-kecach (18. junija 1848) komponowany (hlós hl. Tow. Spěwnik, str. 136).

Třeće tam róže so zybola,  
 Módrinu njebiesku přewyša,  
 Z wočka jim miłosć a přećelstwo  
 Rjenje a luboznje směwa so;  
 Maćerna lubosć a swěra  
 Do barby jich módrej so čěra.  
 Módra ty zahroda růžowa,  
 Blyško tam na horje Golgatha,  
 Podaj mi jenu tu róžičku,  
 Tyknyć ju sebi na wutrobu.  
 Róžička, módrinka luba,  
 Wzmi cyle mje do twojoh' sluba!

(W febr. 1848.)

### Towařšny spěw.

(Tydź. Now. 1848, 131.)

**S**pěw towařšny a wutrobný  
 So dušam sprawnym lubi,  
 Spěw přećel je, duž česćimy  
 Jón w našim bratskim slubi;  
 Haj, wěrje, swěrje, sprawnosći,  
 Hdžež tež swój trón sej založi,  
 Tej plać najprěńša slawa.

Štóž wotewri ert řečniwy  
 Za swobodnosć a wěrnosć,  
 Štóž njezaprije lud narodny  
 A jemu skhowa swěrnosć:  
 Tym dale palmy lamamy,  
 Jich mjenu karan swjećimy,  
 Tych krónuj stajna slawa.

Tež tebi, krajo wótcowski,  
Ty rjany, luby, sprawny,  
Nam wutroba so wotewri  
A přeje kćew ci sławny,  
Tež tebi, k twojim krycíznam,  
Hač k Božim hwězdny njebiesam,  
Klinč z poľnej' duše sława.

A dokelž lubość, přečelstwo  
Swět porno rajej stwari  
A do žiwjenja wšédneho  
Kćew njezachodny dari:  
Duž tež tym, kiž do žiwjenja  
Wěnc njebieski nam plečeja,  
Klinč zdobnje luba sława.

A kotrymž slóncu hasnyło  
A mučnych trawnik kryje,  
A wusywa jich swěrneho  
Plód naša ruka žněje:  
Tež tym we džaknej luboći  
Do čicheje jich komorki  
Njeh klinči naša sława!

[Čerń róže znaty bratřik je,  
Jej' same hałžki plódža;  
Swój přichod nichtó njeznaje,  
Nas hwězdy wšelko wodža.  
Duž k zbožu rjanoh' přichoda  
A sprawnosći bjez wopluska  
Klinč z jenym ertom sława!]

(17. | 3. 1848.)



**Bosćljowe nócne mjerzanje**  
 abo  
**Stražowanje sadu a wjesni hólcy.**

(Tydź. Now. 1848, 189.)

**A. Spěw wjesnych hólcow.**

~~1848~~  
 A nóc, ta nóc tak ćišinko  
 Swój měr nam poskića,  
 Wšo spi, je mučne k měrej šło,  
 Spěw naš pak wocuća;  
     Swětle hwězdy, módre njebjesa  
     Z miłym wóčkom k zemi hladaja,  
     Jasny wodźer hwězdam prjedy dže,  
     Rozswětluje hona njebjeske.

Naš spěw, naš spěw nas zwjeseli,  
 A zynk nóc roznjese;  
 Štó wě čas nam'kać rjeniši  
 Za duše nuterne?  
     Stražnik spěwa, wjesku překhodža,  
     Złóstyň ludźi rukam wobara,  
     Bóh pak wróća strach a njezbože,  
     Jeho khwala naše kěrluše.

Jow hatk, o hlaj, kak jasnu jstwu  
 Je skićil hwězdźičkam,  
 Tu kić, tam sad při měsačku  
 So blyšći k njebjesam.  
     Złote płody, wy so krasniće,  
     Kóždy štomik poľny darow je,  
     Sy ty zemja takle bohata —  
     Štó b'dža dawać hakle njebjesa?



O nóc, twój spěw a swětlna,  
 Twój měr tak rjany je;  
 Hdže je, hdže je ta zahroda,  
 Kiž porno hwězdam kće?  
 Lěnik přespi nócne rjanosće,  
 Skupy česći złota blyšćenje;  
 Hwězdny wječor křewi wutrobu,  
 Wjedže k Bohu mysl čućiwu! —



#### B. Bosćijowy spěw za płotom w zahrodze.

Aha, aha! ja słyšu žno,  
 Mój sad wam w hłowje tči.  
 Haj, haj! to by so hodziło,  
 Wšo byšće zedrěli.  
 Slowki, krušwy, knjejske jabłuka  
 Lětsa huste přez płót wisaja;  
 Měsačk swěći — pěknje widzieć je,  
 Tajku składnosć wy sej zhladaće.

Bij djas, bij djas! ja mlóću was,  
 Hač rjap wam ropoce.  
 Nó nó, ja chcu wam tyknyć pras,  
 Wy wjelki šijate.

Sedma kaznja, twoje hrimanja  
 Tajkich khadlow nihdy njestróža;  
 Njej' to dušu w našich časach złě?  
 Něhdy njebě tajke laženje.

Tu maš, tu maš! přec' bliže du,  
Haj, ja was roztorham.  
Hola! što je? ja zawinu  
Wam šiju hawronam.

To so wěri, vaše wšitko je,  
Kóždy wohryzk wšudže pytnjeće,  
Hišće spěwa banda zežrana;  
Jastwo, hela budže waša mzda!

Ce ce, ce ce! ja pušću psa,  
Hač dom so nimaće;  
Oho, ja mam tež wotročka,  
Wón z flintu hnydom dže.

Krasne kusy, su to pačerje,  
Njej' was hańba prosće do šije?  
Puknyć móhl so z hněwom na blaku,  
Maš-li holcu abo zahrodu!

(W měrcu 1848.)

NB. Zejleř je po rukopisu tutón spěw tak pěsnił, so stajnje na  
rjadk spěwa A rjadk spěwa B slěduje, štož je jara komiske, po tajkim:

A 1 — B 1, A 2 — B 2, A 3 — B 3 atd.

### Slónco, swoboda.

(Tydź. Now. 1848, 211.)

„Slónco, slónco chcu ja měć!“  
Woła slónčna róža,  
„Kak ja dyrbju rosć a kćěć,  
Kaž to róže móža?“

Prawje maš, o róžica,  
Sy tež k temu stworjena.

A ty ducho čłowjeski,  
Na čo leći tebi?  
Njejsy różam k runości,  
Praj, što přeješ sebi?  
Ja će słyšu zašumić  
A mi wótrę wotmołwić:

„Swobodu, mi swobodu  
Město slónca dajće,  
Putu, spřahu a robotu  
Z razom rozlamajće;  
Štož je z Boha rodžene,  
Dyrbi tež być swobodne!“

(22. 7. 1848.)

### Lubosć a njewinosć.

(Tydź. Now. 1848, 337.)

**K**ak rjany to pućik a žiwjenje je,  
Hdžež lubosći njewinosć po boku dže!  
Tam lóžcy so khodźi  
A wjesele słodži,  
A jednota twari a žohnuje dom,  
A rjenješo tam zakčěwa kwětka a štom.

Kak rjany to pućik a žiwjenje je,  
Hdžež lubosći njewinosć po boku dže!  
Tam Eden so jasni  
A hišće so krasni,  
Tam žiwjenja zahroda kčějata je,  
A njebo so blyšći čím lubozniše.

Kak rjany to pućik a žiwjenje je,  
Hdžež lubosći njewinosć po boku dže!  
Tam jazyk sam spěwa,  
A wóčko so směwa,  
A sćerpnosć a spokojnosć sydło tam ma,  
A próca a džěło je rukomaj hra.

Kak rjany to pućik a žiwjenje je,  
Hdžež lubosći njewinosć po boku dže!  
Duž zwolmy tu khodźić  
A z nimaj so wodźić,  
Tak zbože naš přebytk je wěncowało,  
A jandželjo z njebyes k nam towarša so.

(4. 10. 1848.)

### Serbske barby.

(Tydź. Now. 1848, 289.)

Hłos: Naše Serbstwo z procha stawa.

**B**ratřa, dajće město spěwej,  
Slawa! barbje wyskajće,  
Módrej, čerwjenej a bělej,  
Kajkuž Serbstwo lubuje;  
Twjerdźizna njebyeska  
Sama k nej so póznawa.

Firmament so módri krasny  
W fijalkowej módrini,  
Jeho barba njewuhasny  
Přećelow slub poswjeći;  
Přećelstwo, bratrowstwo  
W našej barbje hordži so.

Młody dzień, hdyž ranje swita  
 Z różowatej kročelu,  
 Z naszej barbu zemju wita  
 Z lubosću we wobliću;  
     Lubosća wuznawa  
     Naša barba čerwjena.

Bělu drastu njewinosće  
 Jasny dzień so wobleka,  
 Z bėłych liljow khwalba rosće  
 Twojej barbje, Łužica!  
     Njewina wuzwola  
     Twoju barbu, Łužica!

Módra, čerwjena a běła,  
 Haj, to krasna barba je;  
 Komuž wutroba so zhrěla  
 Za čuća je wótčinske:  
     Zawyskaj, zaklinkaj,  
     Sława serbskej barbje praj!

(20. 10. 1848.)



### Dompuć.

(Kuć. Jutr. 1850, 232.)

Hlós: Steh' ich in finstrer Mitternacht.

✱✱✱ Hdyž wječor pozdže domoj du  
 A hwězdy jasne wuhladnu,  
 Ja rjeknu: Kajke dejmanty  
 We krónje serbskej' Łužicy!

Duž myślička so pozběha,  
We wutrobje hlós zawoła:  
Tón, kiž te hwězdy stajił je,  
Twój škit, o krajo, wostanje.

A swěći mēsačk slēborny  
Mi domoj k mojej komorcy,  
Ja spomnju swojich přecelow,  
Jich swěry a jich lubosćow.

A ćahnu nimo mróćalki,  
A šumi rěka po doli,  
Ja myslu: Jědźće božemje;  
Swój pućik kóždy lubuje.

Kaž różno, tak tež hromadu  
Wšě puće, dróhi w swěće du,  
Z tym troštom chcemy pućować  
A rjanu dobru nóc sej dać!

(26. 10. 1848.)

— \* —

### Žiwjenje — dróhowanje.

(Tydź. Now. 1850, 114.)

Hlós: Serbska zemja, ja mam ćahnýć.

Žiwjenje je dróhowanje,  
Naše lěta mile su;  
Wot kolebki hač do rowa  
Z kóždym dnjom je dróha nowa  
Po šěrokim swěće tu.

Póndže k wječoru, k połnocy  
 Dróha ta, kiž zbože da,  
 Póndže k połdnju abo k ranju —  
 Maćerka při kolebanju  
 Žanemu njej' spěwała.

Tehodla, o dróhowarjo,  
 Džeržmy dobre towařstwo;  
 Přez to puća dalokosće,  
 Raćiny a wobćežnosće  
 Přewinu čím lóže so.

Zawdajmy sej ruku swěrnú,  
 Lubosć njech nam porno dže,  
 Tak so krasnja rjane puće,  
 Dwójcy slódko zboža čuće  
 Dróhu našu krónuje.

Rěka něhdy: tu je mjeza,  
 Poslednja ta hospoda —  
 To je kóždy derje pobyl,  
 Je tež mučny, wón je dobył,  
 Tak kónc dobry dróha ma!

(3. 11. 1848.)



### Moja radosć.

(Zahrodka kwětkojta II, str. 9.)

**D**o haja, lěsa, na hory  
 Lóšt mócný čěri mje,  
 Tam do čicheje samoty,  
 Hdžež wotzynk doma je.

Tam mjehki moch mi přiwiwa  
A slódné jahody,  
A haľzow třěcha lisčata  
Khlódk skići wokřewny.

Kraj wokolny so přescera,  
Hdyž steju na hori,  
Kaž rjana plachta pisana,  
A wóčko zwjeseli.

Haj, w lěsu, haju, na horach  
Tam bydla wjesela,  
Tam hnězdža ptački w haľozach  
A rjenje spěwaja.

(8. [11. 1848.]

— \* —

**Pučowanski spěw.**

(Tydź. Now. 1849, 377.)

**P**řez hory, doły, po holi  
Mój puć so přewija,  
A njejsu wšudžom\* róžički,  
Kiž wóčko wokřewja:  
To mje wšak nikak njemyli,  
Mi róže kćěja w wutrobi.

A čahnu dróhi puscínske,  
A njebjó čorni so,

---

\* Variant: z boka.



Hdyž njewjedro hlós pozběhnje:  
 Dži z puća, pacholo!  
 To mje wšak nikak njemyli,  
 Ja wěm, zo so zas' wujasni.

A mača mrócel z deščikom  
 Mi drastu pućownu,  
 Je hospoda tež bližši štom,  
 Kiž kiwa pod třěchu:  
 To mje wšak nikak njemyli,  
 Wšak slónčko zaso wusuši.

A dycha zyma wětrojta  
 A pomha mjećelej,  
 To spěšny stup mje wohrěwa  
 A lóštna młoda krej;  
 Haj, wšo mje nikak njezrudži,  
 Ja wěm, zo so zas' woćopli.

Mój kij a moja wjeselosć  
 To towaršej staj dwaj,  
 Kiž mojich pućow wobćežnosć  
 Njesć mócnje pomhataj;  
 Mje ničo nikak njezrudži,  
 Mój puć so rjenje doskónči.\*

(26. [2. 1849.)

---

\* 1. recens.: Tak spěwajo a hwizdajo  
 Puć khodži lóštna pacholo.



# **Dobra nóc — tysac króc.\***

(Kuć. Jutrnička 1849, 75.)

**B**ože slónčko k domu džěše,  
Kwětka wóčko zandžela,  
Cyła zemja mučna běše,  
Žołma w rěcy pluskota:

Dobra nóc

Tysac króc!

Luby lubu přewodžeše  
Přez tu holu zelenu,  
Wón ji ruku poskićeše  
Ze zrudneju wutrobu:

Dobra nóc

Tysac króc!

Słyšeć nazdala so daštaj  
Syłobik a čorny kós,  
Sobuželnaj zanoš'waštaj  
Jimaj na puć tajki hlós:

Dobra nóc

Tysac króc!

Rjane holčo zrudne běše,  
Wóčko sylzu źórleše,  
Boži wětr po lěsu džěše,  
Z ćicha takle šućeše:

Dobra nóc

Tysac króc!

---

\* Tutón spěw bu wot K. A. Kocora za 8. spěwanaki swjedźeń  
w Budyšinje (6. okt. 1849) jako tenorsolo komponowany (hlós hl. Tow.  
Spěwnik, str. 133).

Kiž so lubo w swěće maja,  
Džělenja so njezminu,  
Slódkje božemje sej praja  
A z tym słowčkom różno du:  
Dobra nóc  
Tysac króć!

(5. | 3. 1849.)



### Won do pola.

(Kuč. Jutrnička 1850, 196.)

Hłos C. G. A. Bergta: Hinab ins Thal.

~~Won~~ Won do pola, won do pola!  
Škowronč tam zahe žno\* spěwa,  
Módrise njebjo so směwa,  
Kwětka a lilija kćěwa —  
Wonka je radosć a lóšt!

Won do pola, won do pola!  
W polu je zahroda Boža  
Rjanosće poľna a zboža,  
Trawník či pócěľa loža —  
Wonka je radosć a lóšt!

Won do pola, won do pola!  
Strowiše wětro tam duwa,  
Žito a trawičku hnuwa,  
Wóčko we wjeselach pluwa —  
Wonka je radosć a lóšt!

---

\* Ludowe za: hižo resp. juž.

Won do pola, won do pola!  
 Kóždy dzeń kiwa ci z nowa,  
 Kóžde to stwjelco će woła,  
 Rěčka će wabi do doła —  
 Wonka je radosć a lóšt!

(10./4. 1849.)

— \* —  
 Lěsny spěw.

Hrós C. G. A. Bergta: Auf den Bergen ist's schön.

W lěsu lubi so mi!  
 Samota swjatočna  
 W lěsu mje powita,  
 W lěsu lubi so mi,  
 Mochowej tam zahrodźi.  
 W lěsu lubi so mi!  
 Stołpate sahaja  
 Štomy tam do njebja,  
 W lěsu lubi so mi,  
 Dže so tam, kaž w cichej jstwi.  
 W lěsu lubi so mi!  
 Ptačatka fifola,  
 Hołbiki zakurča,  
 W lěsu lubi so mi,  
 Wotzynk daločo tam rži.  
 W lěsu lubi so mi!  
 Nam'kaš tam jahody,  
 Khlódkojte hałozy,  
 W lěsu lubi so mi,  
 Zelenej tam drjewini!

(10./4. 1849.)

# **Towaršny spěw młodeho Serbstwa.\***

(Čorný kós a drózna II, 16.)

Hlós: Ha hděha je mój rysy kón.

~~N~~Njeh kćěje naše towarstwo  
We wěncu różowym!  
To je to prawe bratrowstwo  
We slubje nadobnym.

Njeh kćěje naše młóđenstwo  
We duchu swobodnym  
A kóžde lube znajomstwo  
Hač k lětam šědźiwym!

Njeh kćěja naše wědženstwa  
Za přichod lubozny,  
Zo Łužičanow přecelstwa  
Su kamjeń błyšćaty!

Njeh kćěje naše Serbowstwo  
We wjes'lych Łužicach;  
Ty cyle Serbow krajowstwo,  
So zraduj w spěwanjach!

Njeh kćěje cyle Słowjanstwo,  
A štož nas lubuje;  
Njeh kćěje naše dostojnstwo  
A mjeno narodne!

(W haprylu 1849.)

---

\* Tutón a slědujcy spěw buštaj wot H. Zejlerja za 10. založenski swjedźeń (10. hapr. 1849) gymnasiálneho serbskeho towarstwa w Budyšinje (Societas Slavica Budissina) pěsnjenaj a tam spěwanaj.

# Piwny spěw.\*

(Čorny kós a drózna II, 15.)

~~My~~  
My sydamy so k blidu,  
My piwa lačni smy.  
Štóz přecelstwo chce z nami měć,  
Tón njesmě žadyn šelma być,  
Kiž dobre piwo zacpi.

My sedžimy tu k radže  
A takle sudžimy:  
Njeh woda wjerći kolesa,  
My pak na naše spuščadla  
Sej pušćić chcemy piwa.

Hdže je tón w bělej fali,  
Kiž piwo naliwa?  
Wuj zwólny, běłofalaty  
Je džensa muž nam witany:  
My chcemy karančk wupić.

Mój towaršo, mój bratře,  
Sy ty sej zažehlił?  
My trubku chcemy wukurić,  
Do mrócelow so zawalić  
A karančk pódla wupić.

Na palenc khory leži  
Tón wowrótnjeny swět;

---

\* Hlós k tutemu spěwej je wot basnika sameho wumysleny a mjez serbskim studentstwom jara lubowany (hl. na kónce).

Naš rozym lěpje rozymi,  
Što lěpši krej, móc posylni:  
My pijemy swój karančk.

Štóz nazdala nas widži,  
Je polny zawisće,  
Zo smy při našej worćizni  
Tak bratrowscy a wjeseli  
A prózdnimy swój karančk.

Kaž dolho stejeć budže  
Swět lačny šěroki,  
Njeh khmjel a ječmjěń radži so,  
A mudri, dušni\* pacholjo  
Njeh strowi karančk pija!

(W haprylu 1849.)

\* Variant: serbscy.



### Wječorny spěw.\*

(Kuč. Jutrniška 1850, 180.)

**D**ěžen a próca nimo je,  
Mučne stawy, wotpočńće;  
Na pućik do komorki  
Nóc te swěčki zaswěći.

Slódki pokoj přikhadža,  
Jandželjo so hotuja  
Z njebjes dele na zemju  
Stražu dzeržec při ložu.

\* Hlós k tutemu spěwej je basnik sam wumyslił (hl. na kóncu).

Wšitcy dobri na swěci\*,  
Wšitcy moji najlubši,  
Njeh was kryje Boža móc —  
Spiće derje, dobra nóc!

(10. 7. 1849.)

\* Dialektiscey za: swěće.

### Róža a ptačik.\*

(Kuć. Jutrnička 1849, 188.)

**P**ola Khróscic při puću  
Róžička je kćěla,  
Blyščila so na černju  
Čerwjena a běla.

Na černik tam přileći  
Ptačatko a spěwa:  
[„Nimaš žanu sotřičku  
Runja twojoh' kćěwa?“

„„Radšo chcu ja přećela!““  
Róža k njemu praji.  
Duž ji ptačik zaspěwa,  
Pódla swój dom staji.

Rjenšo ptačik fifoli  
A so na nju směje,

\* Tutón spěw bu wot K. A. Kocora w l. 1860 za měšany chor  
komponowany (hlěs hl. Tow. Spěwnik, str. 140).



W rjeńšej róža jasności  
Porno njemu kćěje.]

Dlěše hrónčko wumysli  
Ptačatko a džěla,  
Lubšo je we wutrobi  
Róža jeho měla.

Zymski wětřík přilecí,  
Wótry zahwizdaše;  
Ptačatko so postróži,  
Róža zblědowaše.

Ptačik zrudnje zaspěwa;  
Što te hłosy praja? \*  
„Dobra nóc, ty najrjeńša,  
Hdyž ja dyrbjú z kraja!“

Róža sylzy wuroni,  
Što te wuznawaja?  
„Dobra nóc, ty najrjeńši,  
Hdyž ty dyrbiš z kraja!“

[Zymske wětry čahaja,  
Černik wobduwaja;  
Róža hłowčku pokhila —  
Ptačik čehnje z kraja.]

\* \* \*

---

\* 2. recens.: Ptačik hrónčka ponowja,  
Što te wuznawaja?

Lubosc hidzi dželenjo\*  
 A so jeho stroža —  
 Ptačik je to pacholo,  
 Holičo ta róža.

(1849.)

\* Dialektiscey za: dželenje.

Wšudže doma.

(Tydź. Now. 1849, 281.)

~~Wšudže~~ kajkim kraju, w kotrym swěće  
 Budže moja hospoda,  
 W kotrym hrodže, w kajkej hěće,  
 To mje ničo njestara;  
 Njeje tu, dha je tam —  
 Dom je, hdžež so dobro mam!

W Pruskej, Sakskej so mi lubi,  
 Bajersku tež njezacpju;  
 Hdžež pak mi so lěpje slubi,  
 Tam sej statok wuzwolu;  
 Njeje tu, dha je tam atd.

K Rusam, k Polakam a Čecham  
 Móhl drje tež so nastajić,  
 Zwjazać pak so nihdže njecham,  
 Nochce zbože ze mnu hić;  
 Njeje tu, dha je tam atd.

Pola Dunaja, po Rajna  
 Była dobra hospoda,

Ale budže hěta stajna,  
Hdžež du k wodže wjesela?\*

Njeje tu, dha je tam atd.

Je hdžež je; mi je wšo prawje,  
Cyły swět mój statok je,  
A štož moju mysl znaje,  
Wuzwola to najlěpše;

Njeje tu, dha je tam —

Dom je, hdžež so dobro mam!

(1849.)

\* Variant: Njeměł-li tam wjesela?



### Hwězda lubeju.

**S**wěćila so hwězdzička  
Z njebjes dele blyščata;  
Blyščila so do wody,  
Do přerowčka, do žołmy.  
„Što tu pytaš, hwězdzička?“  
Žołma džeše slěborna,  
„Dži a swěc a zybol so\*  
Holiču přez woknješko.“

Swěćila so hwězdzička  
Z njebjes dele blyščata;  
Do hajka so swěćeše,  
Přez halozy zhladuje.

\* 2. recens.: Ptačatko tu piješe,  
Zlećilo na kerjašk je.

„Što tu pytaš, hwězdzička?“  
 Ha! za džeše zelena,  
 „Widzach jenu sorničku,\*  
 Ta je wušla na pastwu.“

Swěciła so hwězdzička  
 Z njebjes dele błyścata,  
 Do komorki holiču  
 Sćełe pruhu jasniju.

„Što tu pytaš?“ zakurči  
 Běły hołbik na wokni.  
 „Što tu widziš, hwězdzička  
 Přez wohnješko błyścata?“

„„Khore holčo widžu ja,  
 Jemu k hłowje jandžela,  
 Lubeho na wutrobi  
 W hórkej, wulkej tyšnosći,  
 K noham nana, maćerku  
 Bohu skorzić zrudobu,  
 Bratřikow a sotřički  
 Widžu z boka plakaći.““

Swěciła so hwězdzička  
 Štwórtu nócku jasnija;  
 W čestnych wěncach lubymaj\*\*  
 Wotamka so Boži raj;

---

\* 2. recens.: „Holičo tu paseše,  
 Dawno hižo domoj je.“

\*\* 2. recens.: Z jandželemy lećeštaj  
 Wobej duši w Boži raj.

Pišćele a kěrłuše  
Zynča same wjesele,  
Wšitke hwěžki po boku  
K wěrowanju swěćachu!

(24. 1. 1850.)



### Lěсны zuk.

(Kuč. Jutrnička 1850, 180.)

**Š**to zaklinči zynk lubozny  
Přez holu zelenu?  
Hajńk duje rózku swóju slěbornu  
Po haju, po lěsu: Trara, trara!

Hlós duje něžny přiwabny\*  
A pódla mysleše:  
O domje mój, ty haľ'zójty,  
Kak lubuju ja će! Trara, trara!

Duž stany luba nadobna  
A napřečo jom' dže —  
Wón hišće rjeńšo zapiska,  
Zo hola brinčeše: Haha, haha!

(W febr. 1850.)

---

\* 1. recens.: Wón duješe hlós wjesely  
A k sebi praješe:  
O domje mój, ty zeleny,  
Kak lubuju ja će! Trara, trara!



## Wjeselće so džěci!

(Tydź. Now. 1880, 170.)

Po hłosu: Freuet euch des Lebens.

Wjeselće so džěci,  
 Dónž młodosc kćěje wam,  
 Pleće sej wěncy  
 K tym starym dnjam.  
 Hlaj, róže\* přeco njerostu,  
 Te młode lěta nimo du,  
 A starosće so přibliža,  
 A róžowy čas zańdže.

Wjeselće so džěci atd.  
 Štóz wuknje rjane spěwańčko  
 A z časom Boha boji so  
 A čini ludžom dobrotu,  
 Sej pleće wěnc najrjeńši.

Wjeselće so džěci atd.  
 Štóz wutrobu ma bjez falša  
 A pilnej\*\* rucy do džěla  
 A k Bohu wěru, nadźiju,  
 Tom' stajnje róže kćěja.

Wjeselće so džěci atd.  
 A bychu wšitke róžički  
 Po cylej zemi zwjadnyli\*\*\*,

---

\* Variant: kwětki.

\*\* Variant: strowej.

\*\*\* Z holanskeje podrěče za: zwjadnyłe.

To tola lubosć, njewinosć  
We wutrobje přec' kćěje.

(W haprylu 1850.)



### Trojake barby.

(Kuč. Jutrnička 1850, 246.)

Hłós: Steji ta woda lěto tam.

Štoha so běli nazdala  
Kaž běla lilija — hadyha,  
Kaž jasna róžička?

To holičowe čolo je,  
Haj rjeńše, jasniše — hedyhe,  
Hač běle, židžane.

Štoha so módri nazdala  
Kaž módra lilija — hadyha,  
Kaž njezapomnička?

To holičowe wóčko je,  
Haj rjeńše, jasniše — hedyhe,  
Hač njebjo nalětne.

Što čerwjeni so nazdala  
Kaž zerja wot ranja — hadyha,  
Kaž róža purpurska?

To holičowe ličko je,  
Haj rjeńše, čerwjeńše — hedyhe,  
Hač róže zaronске.

A tele rjane barby tři  
Mam lubo před wšěmi — hidyhi,  
Te nošu w wutrobi.

Te nosy moje holičo,  
A we tych hordži so — hodyho,  
Tež naše Serbowstwo!

(22. 5. 1850.)



### Tři hwězdy.

(Zahrodka kwětkojta II, 36.)

~~1994~~  
\* Tři tam hwězdy jasne, rjane  
Na njebjesach blyšća so,  
K zemi z wóčkom zwobročane  
Derje widža kóždeho.

Prěnja sprawnym ludžom swěći,  
Boži měr jim daruje,  
Praji: Lube čłówske džěci,  
Bóh waš swěrný přećel je.\*

Smějkatate postrowjenje  
Druha swěrnym při kiwa,  
Woła: Waše wobydlenje  
Budža jasne njebjesa.

Swětlesko to rjane třeće  
Dobroćiwych khwalić wě:  
Jasnu krónu za nich pleće,  
Za jich skutki lubosće.

---

\* Variant: Něhdy ke mni přindžeće.



Sprawy, swěrne, dobroćiwy  
Wostać chcu ja z wutrobu,  
Dónž pod slóncom budu žiwy  
A te hwězdy njehasnu.

(9. 12. 1850.)

### Božemje.

(Kuč. Jutrnička 1850, 311.)

Hłós: Khatyržinka swěrna moja.

**L**ubša moja Khatyržinka,  
Wěš ty, što ci prajić mam?  
„Božemje“ najrjeńše,  
Hdyž naj' pućik, hdyž naj' šćežka  
Na tu khwilu różno dže.

Widžiš tamle keřčak so hnuwać,  
Njeslyšiš tu wosycu?  
„Božemje“ šwórkoce,  
Hdyž naj' pućik atd.

Posłuchaj! što ptačik spěwa  
Pod lisćom na hałozy?  
„Božemje“ sćahuje,  
Hdyž naj' pućik atd.

Kuk, kuk, kak tón měsačk swěći!  
Što wón na naj' zhladuje?  
„Božemje“ pokiwnje,  
Hdyž naj' pućik atd.

Přez polo tón wětřik lecí:  
Što tón naju wobduwa?  
„Božemje“ zaduwje,  
Hdyž naj' pućik atd.

W dole běži křiwa rěčka;  
Što ta šwórći, klukota?  
„Božemje“ pluskoce,  
Hdyž naj' pućik atd.

Spominać wšak chcemoj na so,  
Daj mi na to ručičku! —  
Božemje najrjeńše,  
Hdyž naj' pućik, hdyž naj' šćežka  
Na tu khwilu rózno dže.

(1850.)



### Polna róža.\*

**R**óža polna čerwjena,  
Kak ty rjenje wonješ!  
Štó ci tajke dychi da,  
Z kotrymiž nas křewiš?

Róža polna čerwjena,  
Kak sy ty tak rjana!  
Štó ci tajku pychu da,  
We kotrejž so hordžiš?

---

\* Tutón spěw bu wot Zejlerja z počahom na „Nalěčo“ (hl. zwjazk II, str. 45) pěsnjeny, ale potom do njeho njeprizwaty.

Róža poľna čerwjena,  
Kajku brón ty nosyš?  
Kalačk tebje wobara,  
Žiwu chce će zdźeržeć.

Róža różow kralowa,  
Hdy ty kćěješ rjana?  
Hdy nas twój kćew zwjesela?  
Na swjateho Jana!

(1850.)



### Wjesele młodych.\*

(Kuč. Jutrnička 1850, 315.)

**W**jenej rucy Hanku,  
W druhej rucy khanku  
A či hercy pódla:  
To je žiwjenje!  
    Hančička zejhrawa,  
    Rjana kaž ta róžička;  
    Pórčate, židźane  
    Banty zlětuja!  
Piwko, winko, poľna khanka,  
K temu reja wjesoła,  
Trubka, lubka, rjana Hanka:  
To je radosć hólčika!  
    Z trubčičku, z lubčičku  
    Hólčik młody rejuje,  
    Luboznej, najrjeńšej  
    Swojej připije.

---

\* Tutón spěw bu jako reja (pólka) wot K. A. Kocora komponowany (hlós hl. Tow. Spěwnik, str. 120).

Tajke rjane Hanki,  
K temu poľne khanki,  
Slěbora dosć w móšni:  
To su krasnosće!  
Piskajće, džělajće,  
Hercy, za tu našu mzdu;  
Rejku mi, štučku ji  
Hrajće najrjeńšu!  
Z młodosću dóńž ličko kćěje,  
Leći nóżka na rejku,  
Žiwjenje so na nas směje;  
Zawyskajmy z radosću!  
Z trubčičku, z lubčičku  
Hólčik rejku poskoči,  
Rozbroji pjenježki,  
Wšitko po česći!

(1850.)

— \* —  
**Pastyřski spěw.\***

(Zahrodka kwětkojta II, 52.)

Hłós: Ja pak tam stejach na horach.

**D**omo, domoj-ho stadleško,  
Přez holu, přez polo.

[Chcu ći na dompuć zaspěwać  
A hódnje zapraskać.

---

\* Tutón spěw chcyše basnik z woprědka jako „Kruwarjowy spěw“ (solo) do lyriskeje pěsnje „Podlěćo“ zapołožiť, je pak pozdźišo na jeho město druhi spěsnił a tam zapołožił (přir. zwjazk II, str. 76).

Domo, domoj-ho stadleško,  
Do domu měrneho.]

Ptačk w haju swój dom wobćechnje,  
Domček Boží slónco dže.

Domo, domoj-ho rjadownja,  
Naš swjatosk přikhadža.\*

Hdyž klinča zwony wječorne,\*\*  
Pod třechu kóždy chce.

[Domo, domoj-ho stadleško,  
Do hródže před korto.]

Směrsk leći, čas je domoj hnać,  
Wšěm ludžom chce so spać.

Domo, domoj-ho kruwički,  
Dom blečk je najrjeńši.

[Hdyž skhadža měsačk, njebjesačk,  
Je dom juž kóždy ptačk.]

(Wokoło 1850.)

---

\* 1. recens.: Hdyž rosa přikhadža.

\*\* 1. recens.: Nětk sorna z lěsa nóżkuje,  
Sej pastwu pytać dže.



### Radne towarstwo.

~~W~~  
~~W~~šy nadobnje smy wjeseli  
Při piwje a při winje,  
Naš je swět cyły šěroki  
Při piwje a při winje;

My džělamy politiku,  
Kaž sydk so wjerći z mutelu,  
Při piwje a při winje.

Chce štó hdže žane dostojnstwo  
Při piwje a při winje,  
To jemu damy zadarmo  
Při piwje a při winje;  
A chce štó něhdže dróhować,  
Puć wěmy jemu wukazać  
Při piwje a při winje.

My nadobnje smy wjeseli  
Při piwje a při winje,  
My wěmy zahnać mjerzaki  
Při piwje a při winje;  
Je štó hdže rady potřebny,  
Najlěpje jemu radžimy  
Při piwje a při winje.

My nadobnje smy wjeseli  
Při piwje a při winje,  
To naša mudrość wučini  
Při piwje a při winje;  
A čišći koho kwakula,  
My wěmy, kak so polóža  
Při piwje a při winje.

(Wokoło 1850.)



Nóc.\*

**O** wokřewjerka miła,  
Nóc měrna, pokojna,  
Kiž k nam sy postupila  
A zemju přikryla —

Ty mocy posylňuješ  
Nam k prócy žiwjeńskej  
A njebo zaswěćuješ  
We pyše najrjeńšej.

O přecelnica sprócnych  
A mučnych čłowjekow,  
Ty přindžeš z rukow wótcnych  
A sy dar njebiesow.

Što tebi khwalbu dawa,  
O nóc, a wita će?  
Je zwěrina, kiž stawa  
A z lěhwa wuběhnje?

O ně, ta zmysla nima  
Za twoje rjanosće,  
Tu smjertna hroza jima  
A hloda čwilenje.

Štóž wóčko k njeboju nosy  
A Boha w wutrobi,  
Tež tebje widzieć prosy  
We twojej krasnosći.

---

\* To je podložk spěwa, kiž bu wot basnika předzěłany w l. 1856  
do lyriskeje pěnje „Podlěčo“ přijaty (přir. zwjask II, str. 60).

O přecelnica sprócnych,  
Štó tebję wupósła?  
Ty přindžeš z rukow wótcnych  
A krasniš njebjesa.

Maš łuki lilijate  
Ze swětlom kćějace:  
To swjedźenje su swjate  
A pisma njebjeske.

(Wokoło 1860.)

— \* —  
Kwasny spěw.\*

**S**o wjesel njewjesta  
Při twojim lubym rjanym  
Na wěčne wuzwolany,  
Čěpc tebi přisteji,  
Bě přisudženy cí;  
Najlěpšeho maš dostać  
A jeho luba wostać,  
To jara<sup>3</sup> rjenje je,  
Duž hosćo wyskajće!

So wjesel njewjesta  
Ty z ličkom różowatym  
A z wóčkom smějkatym  
We česći knježniskej  
Na pući najrjeńšej;

---

\* Tutón spěw bu wot Zejlerja z pohladom na kwasne spěwy do „Podlěca“ zaplećene (hl. swjazk II, str. 79 all.) pěsnjeny, ale potom do nich njeprěwzaty.



My wjezemy će k zbožu  
Džens dostać hnadu Božu,  
Zo wěčnje zbožowna  
Ty budžeš mandželska.

So wjesel njewjesta  
A čestny nawoženja,  
Kaž rózow zybojenja  
Džeń kóždy nad wamaj  
Kaž džensa zakčěwaj;  
Kaž janski swjedzeń jasny  
We połnych rózach krasny,  
Tak njech waj' lubosc kće  
A zbože porno dže. (Wokoło 1850.)



### Žnjećaŕski spěw.\*

Što lubšo a radšo so wita  
Hač lipow wonjaty kčěw,  
Hdyž na polu běla so žita  
A wocuća radosć a spěw?

Što zelene haje a hola  
Waš khlódk nam poskićeće?  
Won čehnjemy nimo do pola,  
Njech slónco tež hori a škrje.

---

\* Tutón spěw mějese z wopředka quartettsolo za „Žně“ (druhi dźěl, č. 8) być; na jeho město bu pak pozdźišo druhi přijaty (hl. zwjazk II, str. 109).

Ze złoteho hrodu sam hlada  
Kral na nas posmėwajcy,  
Khlėb z našeje ruki sej žada,  
Kiž dawa klós žohnowany.

Bóh bohate přikrył je blida,  
Te z kosu rumujemy —  
Wěnc rjeńši hač złoto a žida  
Na hrabje je powěšeny.

Njeh dolha a horca je reja,  
Kiž lambora nawjeduje,  
Njeh na čole krjepjele steja,  
Do žnjow pak so z radosću dže!

(Wokoło 1850.)



### **Slónčko so khowa.\***

~~Wot~~  
~~Wot~~ orjo swětla jasne,  
Bože slónčko ty,  
O kak rjane, krasne  
W złotej pyše sy.

Za tobu ja hladam,  
Hdyž džeš w Boži dom,  
Boha česćić žadam  
Z dobnym kėrlušom.

(Wokoło 1850.)

---

\* Tutón spėwők drje bu z pohladom na „Lěće“ (hl. zwjazk II, str. 116) pėsanjeny, ale do njeho njepřiwzaty.



# **Dobra rada za hólcow.\***

(Čorný kós a drózna II, 13.)

**S**tóž so mysle ženić ma,  
Tón njech swěru kedźbu da,  
Zo by sej wón tajku wzał,  
Zo so njeby při njej kał.

Hdyž sej wozmješ tajkulej,  
Tajku jara młodušku:  
Młoda ta ma horcu krej,  
Tej tež kóždy prawy njej’.

Hdyž sej wozmješ tajkulej,  
Tajku rjanu čerwjenu:  
To maš zaso haru z njej,  
Zo ci laža druzy k njej.

Hdyž sej wozmješ tajkulej,  
Tajku jara móličku:  
To so dyrbiš khileć k njej,  
Hdyž chceš něšto šepnyć jej.

Hdyž sej wozmješ tajkulej,  
Tajku dolhu nohatu:  
To dyrbiš sej rěbl kłasc,  
Jeli chceš ju trochu zmjasć.

---

\* Podložk tuteho spěwa, kiž je po přikładze: „Dobra rada za holcy“ (hl. zwjazk I, str. 130) džělany, njeje wot Zejlerja, ale někoho njeznateho pšenjny, kaž móžeš hižo z podstatjeneju dweju strofow l. recens. spóznać. Zejleř pak je spěw tak předžělať, kajkiž horjeka stejí.

Hdyž sej wozmješ tajkulej,  
Tajku staru zmoršćenu:  
Ta ci lazy po dworje  
Kaž stolětně šerjenje.

Hdyž sej wozmješ tajkulej,  
Tajku čornu mazanu:  
Radži so ci něhdy kał,  
Šerjenje maš do kału.

Hdyž sej wozmješ tajkulej,  
Tajku jara hubatu:  
Njetrjebaš ty w domje psa,  
Wšak maš žonu za psyka.

Hdyž sej wozmješ tajkulej,\*  
Tajku nuznu khudžinku:  
To ci wšudžom faluje,  
Kóždy so će zdaluje.

Hdyž sej wozmješ tajkulej,\*\*  
Tajku jara bohatsu:  
To wšak so ji njedźiwaj,  
Kholowy ji z dobrym daj.

---

\* 1. recens.: Jara khudej' njebej sej,  
Njekrydnješ ty ničo z njej:  
Bohatsu sej dyrbiš wzać,  
Jelizo chceš při njej trać.

\*\* 1. recens.: Bohata ci njedźěla,  
To maš knjeni do loža;  
Na tajku najbóle twar,  
Kiž je dobra hospoza.

Čestnu, lesnu, šik'wanu,  
Pěknú, bohaborjaznu:  
Tajkulej sej dyrbiš wzać,  
Při tej so ty njeb'džeš kać.

(Wokoło 1850.)

**Zemjan abo bur.**

(Zahrodka kwětkojta II, 40.)

~~N~~

Naposledku wšo

W swěće jene jo,

Hač sy zemjan abo bur:

Zemjan k wjele rad by wjacy wzał,

To a wono by tež burik brał.

Naposledku wšo

W swěće jene jo,

Hač sy zemjan abo bur.

Naposledku wšo atd.

W hordym hrodže zemjan bydło ma,

Nizka hěta hospodu tež da.

Naposledku wšo atd.

Naposledku wšo atd.

Zemjan khodži w židže, somoći,

Rubjenc bura tež njewohidži.

Naposledku wšo atd.

Naposledku wšo atd.

Na mošku knjez zemjan mjehcy spi,

Bur so krasnje wuspi na słomi.

Naposledku wšo atd.

Naposledku wšo atd.  
 Zemjan najěsć jeno móže so,  
 Najědź wunoša tež burowstwo.  
 Naposledku wšo atd.

Naposledku wšo atd.  
 Zemjan skónčnje dyrbi ze swěta,  
 Kaž so k burej smjerć tež namaka.  
 Naposledku wšo atd.

(Wokoło 1850.)



### Wšo jene.

~~N~~aposledku wšo  
 W swěće jene jo:  
 Nosyć rubjenc za židu;  
 Židženišćo lěpšich nječini,  
 Rubjenc bura tež njewohidži.

Naposledku wšo  
 W swěće jene jo:  
 Hěta nizka abo hród;  
 Hdžež sym strowy, tam mi derje je,  
 Wulki hród mje z horja njetorhnje.

Naposledku wšo  
 W swěće jene jo:  
 Wulke město — mała wjes;  
 W wulkich městach lud a knježa mru,  
 W małej wjesy tež tón pućik du.

(Wokoło 1850.)



# Jězba žiwjenja.

(Tydź. Now. 1851, 47.)

**P**omalku a w dobrym měri,  
 Přeco w runej, rjanej ćěri  
 Sparnje dže wóz žiwjenja.  
 Džensa maznje klepotajo,  
 Jutře zaskak, ridrowajo\* —  
 To je jězba pěkniša.

Chceš so hněwać njedótkliwy  
 Na puć wobužny a křiwy,  
 Chceš so hóršić na wjedro? \*\*  
 Přez to snadź w najwjetšim blóci  
 So twój rjany wozyk zwróci,  
 Powjetši so hubjenstwo.

Njerunu Bóh zemju stwori,  
 Přetož „jenak“ — ducha mori,  
 Hory, doły dyrbiš měć.

Džensa bludźiš w pustej holi,  
 Jutře ćěriš w rjanym poli —  
 To je sól, tak dyrbiš jěć.

Rano koľbas, wječor kože,  
 Džensa nuzu, jutře zbože —  
 Takle husto pleće so.

Njemóřc na to wotměnjenje,  
 Styskanje a zwjeselenje,  
 Wzmi tón stork tež za lubo.

(W januaru 1851.)

\* W někotrych stronach za lěpše: ridrujo.

\*\* 1. recens.: Njechaš wažić, skhroblic so?

# Pohlad k njebju.

(Zahrodka kwětkojta II, str. 86.)

Wěš mi te módre wysokosće,  
Hdžež morja hwězdow skhadžeja  
A do čmy našej' zachodnosće  
Ze swětłym wóčkom zabłyšća?  
So přesadz k nim ze zeńskej' čmy  
A čakaj swětła sčěrpliwu.

Wěš kónc mi tamnej' wysokosće  
A ličbu swětow na njebju,  
Kiž nam do našej' cuzobnosće  
Kaž rjeńše domy kiwaju?  
So přesadz k nim a spokoj so,  
Tam kónc ma naše podružstwo.

Wěš mi te jasne wysokosće  
Zad' njewjedrow a mróčenja,  
Kiž k nam do plačnej' krajownosće  
Kaž čichi Zoar zhladuja?  
So přesadz k nim, štož zdychuje:  
Tam plač a skórzba womjelknje.

O lubše, rjeńše wysokosće,  
Wy syły swětow krasniše,  
Wy domy našej' njesmjertnosće  
A zbóžne sydla njebieske:  
K wam čehnje mje, k wam pozběha  
So z lóžkim křídłom myślička!

(19. 5. 1861.)





### Njezapomnička.

(Tydž. Now. 1851, 188.)

Po hłosn Reisigera.

**N**a našich honach młódných

Kće rjana róžička,

Ma jasne miłe wóčka,

Kaž módre njebjesa.

Nic wjele prajić njewě,

A wšo, štož powjeda,

Je stajnje přec' to jene:

Njepušć mje z pomjatka!

Hdyž módrej wóčcy widžu

So lubje smějatej,

Ja spominam na kwětku

Na łucy zelenej —

Duž rěč tež mi so staji,

A jenož wutroba

Tak z mjelča tyšnje praji:

Njepušć mje z pomjatka!

(1851.)



### Sakski wótčinski spěw.

**B**óh žohnuj sakski kraj

A jemu zbože daj

Najrjeniše;

Přez kumšt a wědomstwo,

Pluh, wiki, rudnistwo

Kćěj Sakska, kubłaj so,

Dónž zemja je!

Bóh zohnuj lud a kraj  
A kralej strowje daj,  
Kiž je nam wótc;  
Knjež, Bjedrich Augusto,  
Naš lóšt a hordženjo\*,  
Knjež dolho, zraduj so,  
Měj česć a móc!

Mječ, ramjo ryčerske  
Će, kralo, škituje,  
Trón zastupi;  
Ta móc pak sylniša  
Přez miłosć dobyta  
Će, kralo, wobdawa  
Naš najlubši.

Duž sławu wótčinsku  
Serb kóždy we kraju  
Njech wunjese:  
Bóh z tobu, Saksonska,  
Na česćach bohata,  
Pod rutu zbožowna,  
Kćěj na wěčne!

(25. | 2. 1852.)

---

\* Dialektiscey za: hordženje.



### Spominanje na lubyh.

(Čorný kós a drózna II, 24.)

Hlós: Přadla je Marja kudželku.

Štó by měl křídla myslički  
A byl, hdžež wona je!

Štó mje k tym lubym přesadzi  
Na hona domowske?

[Mi twoje wóčko, slónčko, daj,  
Kiž swěćíš po swěće!  
Hdže hladał bych, so njeprašaj\*,  
To steji w wutrobje.]

Wy hwězki\*\* módrych njebiesow,  
Přez dejmant jasniše,  
O swěće do wšěch štomikow  
Mi wjeski lubeje!

Dži, měsačko, dži ćišinko  
Na moje město tam,  
Swěć do woknješka znateho,  
Ty wěš, što prajić dam!

Praj hrónčko jim najkrasniše  
Wot mojej' lubosće:  
Njeh kóžda pruha słowčko je  
A rjane strowjenje!

(4./6. 1882.)

\* Starša dialektiska twórba za: njeprašaj.

\*\* Skróćene ze: hwězdzički.



**Lubosć k narodnemu krajeju.**

(Tydź. Now. 1853, 840.)

Wot wšitkich krajow na swěći,  
Kiž Bóh Knjez žohnuje,

Najbóle khwalu lužiski,  
Te hona serbowski:  
Hdžež młody sym był tujany  
A z rjanym bantom powity.

Tón kraj, wón khlěb a potrjebu  
Da rukam džělawym  
A pjelni bróžen\*, komoru  
Haj z darom bohatym.  
Tam lubosć blido přikrywa,\*\*  
A spěw a radosć korjeń da.

A był-li něhdže płódnši  
Kraj rjeńši pod slóncom:  
Wón lépsi lud pak nježiwi  
Ze swojim zornješkom,  
A z druhim horjom wobćeža\*\*\*  
Snadž wutrobu a ramjenja.

Duž k tebi, krajo narodny,  
Mam cyle wutrobu.†  
A štóž jo měni wótčinscy,  
Ma mysl porunu,††

---

\* 1. recens.: pincu (t. j. piwnicu).

\*\* 1. recens.: Tam w swój čas móžu po prócy  
Być po serbsku tež wjesoly.

\*\*\* 1. recens.: A wašnje a řeč serbowski  
Pak nihdže přez próh njestupa.

† 1. recens.: Sym swěrný do smjerće.

†† 1. recens.: Je runej' lubosće.

A žada być tam domjacy,  
Hdžež ruka serbska\* hospozy.

(22. 6. 1852.)

\* 1. recens.: holčo serbske; w Zahr.: serbska pilnosć.



### Wótčinski spěw.\*

(Zahrodka kwětkojta II, str. 21.)

**S**ława tebi, kralo sławny,  
Našich krajow\*\* wótče miły,  
W błyšču khwalobnosće zjawny,  
Kraluj mócnje, dołho žiwy,  
Hdžež twój worjoł křidła šeri,  
Přebywa kraj w złotym měri,  
Kóžde kćenje płody ćeri,  
Lud ma radosć.

Postańmy a zaspěwajmy,  
Sławu kralej zawyskajmy,  
Lubujmy, joh' posł'chajmy,  
Jom' strowje popřejmy!  
Žohnuj, kiž ty słonco wodziš,  
Žohnuj, škituj kraj,\*\*\*  
Měr a strowje daj  
Nam a wótcej krajnemu.

\* Tutón spěw, w rukopisu „Pruskich Serbow wótčinski spěw“ mjenowany, bu pěsnjeny k znatemu husitskemu hlówej z 15. lěstotka, po kotrymž naš wot J. E. Smolerja pěsnjeny wótčinski spěw „Nje-pušćmy nadźiju rjanu!“ spěwamy (hlós hl. Tow. Spěwnik, str. 5).

\*\* W rukopisu: Pruskej' zemje.

\*\*\* W rukopisu: Žohnuj pruski kraj,  
Kralej zbože daj  
Wjerchej Bjedrich-Wilhelmej.

Postańmy a zaspěwajmy,  
Sławu kralej zawyskajmy,  
Lubujmy, joh' posl'chajmy,  
Jom' strowje popřejmy!

Čeś a prawo přisporjować  
Džerži mječ wón w krutej dłóni,  
Zwjeselić a wozbožować:  
Dejmanty su w jeho króni;  
Wšitkich, tež w najnižšej hěći,  
Mjenuje wón swoje džěći,  
Lubosć jeho wóčko swěći —  
Duž my Serbjo:

Postańmy a zaspěwajmy atd.  
Žohnuj, kiž ty slónco wodžiš atd.

Postańmy a zaspěwajmy atd.

(7. [8. 1852.]

Pruski wótcinski spěw.

**B**óh z tobu! Prusowska,  
Na česćach bohata,  
Bóh žohnuj će!  
Knjež, Bjedrich Wilhelmo,  
Naš lóšt a hordženjo,  
Knjež doľho, zraduj so,  
Naš krajny wótc!

Brón, ramjo ryćeřske  
Trón kruće škituje,  
Jón wobtwjerdža;

Móc pak ta sylniša:  
Lubosć a dowěra  
Će, kralo, wobdawa  
Naš najlubši.

Duž spěwa zradujo\*  
Wšo pruske Serbowstwo  
A wobzamka:  
Bóh mócnje přikrywaj  
A žohnuj lud a kraj  
A kralej zbože daj  
Najkrasniše!

(16. 8. 1862.)

---

\* 1. recens.: Rosć lubosć wótčinska,  
Kćěj swójba kralowa,  
Měj česć a móc.



## Pastyřskej spěwaj.

### I.

(Zahrodka kwětkojta II, 12.)

~~W~~ždyž dzeń swita,  
Swój skót pastyr wita,  
Rano zapraska;  
Na pastwišćo młódne  
Ćeri stadło hlódne,  
Wodźi do pola.  
Porno ptačkam, zlětowačkam,  
Spěwa do swěta.

Spěwa hrónčko:  
 Aj, ty Bože slónčko,  
 Kajku rjanosć maš!  
 Žita čěrja w poli,  
 Na hórkach, po doli,  
 Hdyž ty wohrěwaš,  
 Trawy żadne rostu radne  
 Za tón skoćik naš.

Skotu, ludžom  
 Luba zemja wsudžom  
 Dary přinjese;  
 Mróćel hrima, kapa,  
 Trašne błyski sapa,  
 Ale žohnuje;  
 Zhotowane blido rjane  
 Kóžde hono je!

(16. | 8. 1852.)

II.

**K**óžde ranje,  
 Hdyž je nimo spanje,  
 Čěrju swój skót won.  
 Hdyž mi škowrončk spěwa,  
 Wowcka sahi džěla,  
 Spěwam přez wuhon:  
 Bóh je miły, dobroćiwý,  
 Mócnje zdžerži swět.



Trawna hola,  
Žito, pšenčné pola,  
Slónco čopliše,  
Měsačk wječor miły,  
Pluskot wodow žiwy,  
Kwětki, wino, sad,  
Zwjeselować, wuzběhować  
Wy nas dyrbiće.

Dešč a rosa  
K porodźenju kłosa  
Wšudže hojitaj.  
Mile wětry duja,  
Čoło wokhlódžuja,  
Zeleny je kraj.  
Mróčel kapa, blyski sapa,  
Zjewi Božu móc.

O kak mócný,  
Miły, krasny, wótcny  
Bóh knjez swěta je!  
Slónco, zemja, radło,  
Pastyr, kral a stadło,  
Wšitko pod nim je.  
Česmy jeho najwjětšeho,  
Khwalmy jeho móc!

(1862.)



# Won! won!

Spěw k šulskemu swjedženjej.

(Zahrodka kwětkojta II, 10.)

Hłos: Frisch auf zum frohen Jagen.

Won, won na wjes'lu hraju  
 Ze spěwom po puću!  
 Wšak wosebny dzeń w kraju  
 Nam kiwa k wjeselu;  
 Štóz běše pěkny, ródny,  
 Pój sobu smějicy,  
 Wón wjesela je hódny  
 A towarš witany.

Po wětře khorhoj hraje,  
 So wěncy pisanja —  
 Štóz widži nas a znaje,  
 So z nami zwjesela;  
 Swět šěroki a rjany  
 Bóh k wjes'lu stworil je;  
 Spěw ducy zanošany  
 Nam radosć pozběhnje.

Tak čěhůmy won do swěta,  
 Do stwórby zelenej',  
 Hdžež ptačik spěwa, lěta  
 Po ha'zy lisčatej;  
 Wšak hišće młoda noha  
 Nas nosy po swěće  
 A radosć njeje droha  
 We Božej zahrodze!

[Duž božemje či praju,  
Ty wjeska přečelna,  
Hdyž dróhařski kij staju  
Na pučik do swěta.  
Budž božmje, lubši nano  
A mači lub'wana;  
Je wječor abo rano,  
K wam leči myslička!]

(10.|12. 1852.)



### Dobra rada.

(Tydž. Now. 1852, 143.)

Chcu městaško či powědźić,  
Do teho dyrbiš hromadźić  
Sej čiste złoto, parlički,  
Tak wjele, hač je móžno či.

To městaško je wutroba,  
Do kotrejž čłowjek hromadža;  
To čiste złoto, parlički  
Su bójske wučby w bibliji.

Hdyž přindže nuza, strachota  
A tyšnosť jara čwileřska,  
Sej pomhać móžeš z parlemi,  
A bližšemu ze złotými.

(1852.)



### Pčolka.

(Tydž. Now. 1852, 158.)

~~W~~Włała pčolka, štó praji či,  
Hdže su kwětki zakčeli?  
Štó tam blido či zhotowa  
A či slódnú pastwu da?  
Wěš mi, štó spomni na tebje? —  
Bóh je, kiž činił wšitko je! (1852.)



### Róžička a jandžel.

(Tydž. Now. 1852, 292.)

~~K~~Kće jara rjana róžička —  
Njej' žana rjeńša zawěsće —  
Na ličku młodoh' holiča,  
Hdyž čini a so rěči zlě.

Ta rosće, kće a přibywa  
Na dziwne waśnje we sebi,  
Tam, hdžež je rjana pobožna  
A čista mysl w wutrobi.

Hlaj, jandžel Boži pěstoni  
Tak dziwnu, rjanu róžičku,  
Hdyž kćeje w našej młodosći  
Na strowym, hladkim wobliču.

Njeh njezwjadnje wam róžička,  
Njeh jeje jandžel njespjechnje;

Tu žana pycha zločana  
Wam njeda tajke zdebjenje.

A towaršcy tak pyšacej —  
Tón jandžel a ta róžička —  
Kiž was tak rjenje debitej,  
Stej: pócciwosć a njewina! (1862.)



### Próstwa wo lubosć.

Předžělk narodneje pěsnički.

(Serb. Now. 1864, 37.)

**H**ančička, lubčička, jandželko mój,  
Staj wutrobu na mnje a ke mni ty pój.

Slěborne hwěžki po njebjesach du:  
Tak jasny mój pjeršćen ci zawdać ja chcu.

Wzmi sej mje za muža, ja chcu być twój,  
Hančička, lubčička, jandželko mój.

Slónčko so zloći, hdyž jasny dzeń dze,  
A róžička praji: Ja lubuju će!

Hančička, slónčko a jandželko mój,  
Mój budžemoj swojej, duž ke mni ty pój! (1862.)



# W lěsu.

(Zahrodka kwětkojta II, 10.)

~~W~~  
~~W~~

Wój lóšt

Je hola zelena, tón lěs;

Tam wotzynk rži

W tej khlódnej drjewini,

Tam różki a spěwy tak zaklinča,

A hola ta ćichowna wotmołwja:

Trara, trara, trara!

Tón swět,

Tón cyły wulki swět, tón swět

Je naša jstwa,

Naš dom a hospoda;

Wšo klinči, hdyž ducy sej spěwamy,

Lěs brinči a doły a skaliny:

Halo, halo, halo!

(5. | 9. 1853.)



# Khwalba burstwa.

(Serb. Now. 1854, 222.)

~~W~~  
~~W~~

Wój nan je bur a serbski je,

To na wočach jom' widziće,

Muž kruty, sprawny, hódny —

Za wopon płuh a brónu ma

A z konjomaj kraj wobdžěla,

Hač kiwa wječor khlódny.

Ze zlotom, slěbrom, parlemi  
Bur njeħordži so po dwori,  
Te da wón knježim nosyć —  
Za bant a hwězdu po boku  
Wón bróžen radšo kopatu  
Wot Boha zechce prosyć.

A džěla tež džen cylički  
Na lacy, polu, w zahrodži,  
Što tón kus prócy wadži? —  
Herc tuni domach — lastojčka  
A wonkach — škowrončk, pocpula  
Jom' zaspěwaju radži.

A rano, hdyž džen zaswita  
A zerja barbja njeħjesa,  
So złoći lěs a hora —  
Je hižo kapon wocućil,  
Džen jasny, krasny připojdžil\*;  
Won! won! wy ludžo z dwora!

Duž měšćenjo wy pyšniši,  
Do wašich murjow zawrjeni,  
Wy sće mi ludžo wbozy —  
My burja smy lud wjesoły,  
Wětr čisty wonkach srěbamy  
Na krutej, strowej nozy.

(17. 9. 1853.)

---

\* Z ludu, skrótsene za: připowědžil.



# Spěw předlčow.

(Serb. Now. 1854, 13.)

Hlós: Přadla je Marija kudželku.

Wawij sej kudželku, holička,  
Kudželku slěbornu;  
Nimo je swjatoch' Měrcina,  
Na přazu předlče du.

Sprawuj sej bórčate kolesko  
Z běleju piščelu,  
Do přazy kaže šeptanko,\*  
Sněh běly před khěžu.

Tepće a poswěćće, Šolčicy\*\*,  
Tym předlčam Łazowskim\*\*,  
Po ćmje a w zymje přinđžemy,  
Po puću dalokim.

Wobwite naše su kudžele\*\*\*  
Z čerwjonym bančíkom:

---

\* 1. recens.: Hušk wonkach je, sněh rjapoce  
Na bróždy zmjerznjeny.

\*\* Móže so z druhim mjenom přeměnić, za tym hač akładnosć žada.  
Přisp. basnika.

\*\*\* W 1. recensiji skónča so spěw z tutymaj hrónčkomaj:

Wobwij sej kudželku, holička,  
Z čerwjonym bančíkom,  
Zo ručka k přazy radosć ma  
A cyba z wjeselom.

Spěchuj so předlča ty młoduška  
Při kachlach přehrětych,  
Zo plótno by sej napřadla,  
Nići tych slěbornych.



To je ta barba lubosće,  
Z tej džemy won a dom.

Kopate předžemy pišćele,  
Nitku kaž židžanu,  
Plat budže bělic so kaž sněh,  
Ležo na trawniku.

Předžemy radostnje w jasnej jstwi  
Pri ćopłych kachličkach;  
Wjelk wuje mjez tym po holi,  
Wětr howri w hałozach!

(4. 11. 1853.)



### Khwalba spěwanja.

(Zahrodka kwětkojta II, str. 88.)

**S**pěw žiwjenje nam krasni,  
Da radosć wutrobi,  
Nam ćmowe puće jasni,  
Křiž, starosć polóži.

Duž rjenje zaspěwajmy  
Česć krajej wótcnemu  
A lube Serbstwo stajmy  
Tež jemu po boku.

Budź krajnom' wótcej sława,  
Kiž nas tak lubuje  
A prócu sebi dawa,  
Zo nam so derje dže.

Spěw swjećmy zemi rjaněj,  
Kiž luby khlěb nam da,  
By-li tež z prócu žanej  
Nas pódla ćežiła.

Na dalšu drohu sława!  
Leć w přědku nadźija,  
Zo hladka ćěr a prawa  
Nas stajnje zwjesela.

(Wokoło 1853.)



### Wužiwanje žiwjenja.\*

(Serb. Now. 1854, 21.)

Po hłosu: Freut euch des Lebens.

~~W~~iwjenja radosć,  
Hdyž kiwa, wužijće,  
Šćipajće róže,  
Dónž žana kće!

Hlaj, kwětki stajnje njerostu,  
Wšak młode lěta nimo du,  
A starosće so přibliža,  
A różowy čas zańdže.

Žiwjenja radosć atd.  
Štóž wóstam, černjam z puća dže  
A njepräćelej wodawje,

---

\* Strofy 1, 3, 5 a 6 teholec spěwa buchu wot H. Zejlerja hišo w Tydź. Now. 1850, 170 wozjewjene (hl. str. 132 tuteho zwjazka); tu smy spěw předźělany a rozmnožený, kajkiž bu wot basnika do Serb. Now. 1854, 21 podaty, z nowa wocěšćeli.

Mu kóždy próšk so njekhmuri,  
Tom' złote róže kćēja.

Žiwjenja radosć atd.  
Štóž bjez falša ma wutrobu  
A njezawistnu, spokojnu —  
A pilnej rucy do džěla,  
Tom' złote róže kćēja.

Žiwjenja radosć atd.  
Štóž na pućiku žiwjenja  
Je swěrnoh' nam'kał přecěla,  
Kiž sobu plače, směje so,  
Tom' złote róže kćēja.

Žiwjenja radosć atd.  
Štóž móže rjane spěwančko,  
Čeść waži, Boha boji so,  
A čini ludžom debrotu,  
Tom' złote róže kćēja.

Žiwjenja radosć,  
Hdyž kiwa, wužijće,  
Šćipajće róže,  
Dónž žana kće!  
A bychu wšitke róžički  
Po cylej zemi zwjadnyli,  
To tola lubosć, njewinosć  
We wutrobje přec' kćėje.

(1864.)



# Serbska wutroba.

(Serb. Now. 1854, 117.)

**P**rawa serbska wutroba  
Spěw a lubosć w česći ma,\*  
Dónž ju krej tu přežołmi,  
Žiwjenja so wjeseli.

Prawa serbska wutroba  
Pozłotk falšny zaciwa,  
Njetwari na lžu a lesć  
Swoju khwalbu, swoju česć.

Prawa serbska wutroba  
Ponižna je fijalka,\*\*  
K mócnym pak so njelišći,  
Swědomje sej njerani.

Prawa serbska wutroba  
Runu šćežku lubo ma,  
Haj je haj! a ně je ně!  
Pola njej' bjez bojosće.

Duž, o serbska wutroba,  
Wostań sprawna, wjesola,  
Njepušć lubosć, nadžiju,  
Wěru, swěru z khrobłosću!

(1854.)

---

\* 1. recens.: Hidži, štož je njeprawda,  
A dónž slónčko jasni so,  
Česći lubosć, přećelstwo.

\*\* 1. recens.: K nohomaj so njewala.

## Spokoj.

(Serb. Now. 1854, 173.)

Hlós: Zerja wy, zerja wy.

**P**o zymi, po zymi  
Rostu rjane fijalki,  
Krasnje róže zaso kćěja,  
Džećece so w polu směja,  
Škowrončk spěwa nad nimi —  
Tehodla, tehodla  
Wutroba budź měrniša.

Trašna nóc, trašna nóc  
Z jasnym ranjom zhubi móc,  
A je čésno tež na ranju,  
Khlódno budže na směrkanju,  
Rjany wječor zloći so —  
Spokoj so, spokoj so,  
Horjo zańdže njeskoro.

Dowěr so, dowěr so,  
Nimo čehnje njewjedro,  
Radosć do zrudoby wije  
Tón, kiž kwětku z deščom zbije,  
Wón ju zaso pozběhnje —  
Po zrudźbi, po zrudźbi  
Zradowny dzeń zaswěći.

[Po zymi, po zymi  
Rostu rjane fijalki,

K troštej njech mi škowroněk spěwa,  
 K wjes'lu kóžda kwětka kćěwa,  
 Hač mój puć so dokonja —  
 Tehodla, tehodla  
 Bohu wšitko podam ja.] (5. | 8. 1854.)



### Spěw pruskeje krajneje wobory.

(Hudźba wot K. Karowa.)

**S**tańće, wobornicy,  
 Za brón přimajće,  
 K bitwje stejće wšitcy,  
 Njepřećel tu je.  
 Halo, halo, halo,  
 Hura, hura, halo!

Jako cuze puta  
 Chcychmy rozłamać,  
 Wobora je kruta  
 Přišla připomhać.  
 Halo, halo, halo atd.

Dobre skutki sprawne  
 Wona wuwjedže,  
 Snopy žnjala sławne  
 Z pola česće je.  
 Halo, halo, halo atd.

«Wostać ma ta sława!»  
 To sej polubće,

Stejće jako skała,  
Kaž law přimajće.  
Halo, halo, halo atd.

Dom, dwór wobskituje  
W polu wobora,  
Hdžež tam třělba wuje,  
Bubon wrjeskota.  
Halo, halo, halo atd.

Křiž je naša pocha\*,  
Towařš do pola,  
Satan samón twocha,  
Hdyž jón wuhlada.  
Halo, halo, halo atd.

Čłowśka móc je mało,  
Bóh nas podpjeraj  
Za krala a prawo  
A za wótcny kraj!  
Halo, halo, halo,  
Hura, hura, halo!

(2./6. 1854.)

\* Dialektisoy za: pycha.

### Slěborny měsáčk.

(Serb. Now. 1854, 350.)

Hłos: Ha hdžeha je mój ryzý kón.

**S**o wjeze měsáčk po njebju  
Tak čiše, spokojom,  
Wón rady hlada na zemju  
Ze swětlým wobličom.

Wón čehnje z čahom njebjeskim  
 Tam jasných hwězdžičkow,  
 Jim prjedy dže a swěći jim  
 A kuka z mróčelow.

„Njej’ slónčko złote na njebju“,  
 Wón woła, „ja tu sym  
 A pućik ludžom pojasnju  
 Ze swětłom slěbornym.“

[Wón woła: „Hlaj, kak přirostu  
 Mi różki slěborne:  
 Tak róže, kiž džens pupki su,  
 Maš bórzy rozwite.“]

„Ja zańdu, přińdu směwajo“,  
 Wón praji, „na khwilu,  
 Kaž różno du tež přećeljo  
 A so zas’ nam’kaju.

A kryje druhdy mróčel mje,\*\*  
 Ja swěću spokojny:  
 Wšak zbože tež čím slódše je  
 Po mróčnej khwilčičcy.“

---

\* 1. recens.: Kaž přikhadžam a wuběhnu  
 Swój pućik čichownje:  
 Tak přećeljo tež różno du  
 A přińdu hromadže.

\*\* 1. recens.: A sym hdy kryty z mróčelu,  
 Ja čakam spokojom:  
 Štóz njespušći trošt, nadžiju,  
 Njej’ zbity pod njebjom.



O njebjesačko slěborny,  
Rad wěrić tebi chcu —  
A spokojny a wjesoły  
Na tebje pohladnu.

(11./7. 1854.)



### Wužohnowanje.

(Serb. Now. 1855, 237.)

НѠс: ПреѠ, преѠ, преѠ! ты најреѠша лубка.

Wrjós, wrjós, wrjós,  
Wrjós na holi kćěje,  
Zahroda so  
Z nalikami směje.

Wrjós, wrjós, wrjós  
Wowcki rade maju,  
Naliki pak  
Za mnje zakćěwaju.

Kćěj, kćěj, kćěj,  
Holičo ty rjane,  
Twojoh' runja  
Njezda so mi žane.

[Stup, stup, stup,  
Rjane holčo, bliže,  
Žanej' knježny hnadnej'  
Njestejši mi niže.]

Pój, pój, pój,  
Pój sem róža prawa,  
Pój, mi wotpij,  
Twojej česći sława!

[Skoč, skoč, skoč,  
Poskoč ze mnu rejku  
Serbski, pólski  
Didlom, didlomdejku.]

Pij, pij, pij,  
Pij, hdyž winko kiwa,  
Pij jo strowa,  
Mnohe lětka žiwa.

[Mjelč, mjelč, mjelč,  
Róže mjetel pyta,  
Z křidlom falšnym  
K wšitkim rjenje lěta.

Što, što, što,  
Što twój rot mje stróža?  
Twoje ličko  
Je wšak moja róža.]

Ju-, ju-, ju-,  
Jutře božmje praju,  
Měj so rjenje,  
Róža, kiž će znaju.

Ju-, ju-, ju-,  
Jutře maju spanýc  
Moje wjes'la,  
Jutře dyrbju ćahnýc —  
Preč! preč! preč!

(W juliju 1854.)

**Rjana róža.**

Ćeńka,  
Rjana róža,  
Jědla šwižna, ćeńka.

Khata,  
Módre wóčko,  
Róža zybolata.

Mańka,  
Rjana róža,  
Reje lubowańka.

Hańžka rjana,  
Rjeńša hać ty  
Njeje nihdze žana.

(W juliju 1854.)

**Nalětni wětrik.**

(Serb. Now. 1855, 117.)

Hlós: Dobry wječor, maćeńka.

Ćeći wětr wot wječora,  
Brjóžki, łuki přepjercha,  
Zu zu zu, wu wu wu —  
Stawaj, stawaj, trawička!

Do zahrody přičehnje:  
Róže, kwětki, wocuće,  
Zu zu zu, wu wu wu —  
Wěnašk holčo lubuje.

Třase haľžki na štomí,  
Zo jim lisće wuskoči,  
Zu zu zu, wu wu wu —  
Pyšće domy z mejemi.


Ptački spěwać namoľwja  
W hajach, lěsach, přez pola,  
Zu zu zu, wu wu wu —  
Pčołam lubi kćenička.

[Z rubišćemi, z bantami  
Hraje holcam na hłowi,  
Zu zu zu, wu wu wu —  
Potom ruče wuleći.

Z hólcami so pokluwa,  
Pošepce jim do wucha,  
Zu zu zu, wu wu wu —  
Wokoľ lička poskaka.]

Aj, ty miľy wětřičko,  
Lětaj přeco wokoľo,  
Zu zu zu, wu wu wu —  
Hač je zestawało wšo!

(W septembru 1854.)



**Mlóckowski spěw.\***

**S**tawajće, mlóckojo, přimajće brón,  
Zernička z khorhowju dže,  
Kapon je trubił a bubnował kón,  
Bitwy so njestrachujće;  
Měra brón wosebna cypički su,  
Čěrja hlód z kraja, hdyž klepotaju:  
    Buch, buch, buch! klip, klap, klip!  
    Wrjes, wrjes, wrjes! šlip, šlap, šlip!

Na huno z cypami! zawoła klós,  
Wurońće zornjatko mi,  
Cypičkow zynki su lubozny hlós,  
Runjež wón njekumštnje rži;  
Cypički wosebne huslički su,  
Tykanc a pokrutu wupiskaju:  
    Buch, buch, buch! klip, klap, klip!  
    Wrjes, wrjes, wrjes! šlip, šlap, šlip!

Dawaju mlóckojo do bitwy so,  
Zaklinči sylna jich brón:  
Zorna so wjeseli bitwaŕskeho  
Howjado, wowca a kón;  
Kokoška z husycu k wrotam tež dže,  
Hołbik tam wjesoły přilětuje.  
    Buch, buch, buch! klip, klap, klip!  
    Wrjes, wrjes, wrjes! šlip, šlap, šlip!

---

\* Tutón spěw snadź je z počahom na njedokónčenu lyriku pěseň „Zyma“ pěsnjený. (Přir. zwjazk II, str. 157.) Dale přir. podobny spěw na str. 92 tuteho zwjazka.

Zaslyši zyma hdže cypičkow puk,  
 Přileći njemdra: Što to?  
 Witaj k nam! zawoła klóska a truk,  
 Tebje mlóck njestróži so;  
 Cypički wosebne kachlički su,  
 Špodžiwnje hrěja a bobotaju:  
     Buch, buch, buch! klip, klap, klip!  
     Wrjes, wrjes, wrjes! šlip, šlap, šlip!

Horje a dele duž klepotajće,  
 Runjež by rozleli pót;  
 Wroběl so přimołwja: Bur mój wujk je!  
 Khwali was\* pjerjowy skót;  
 Cypički wobćežne šwihače su,  
 Płaća pót, prócu pak z bohatej mzdu.  
     Buch, buch, buch! klip, klap, klip!  
     Wrjes, wrjes, wrjes! šlip, šlap, šlip!

(W septembru 1854.)

\* 1. recens.: Radosć ma.

### Róža a ruta.

(Serb. Now. 1854, 341.)

Hłós: Wáitke, wáitke naše.

**R**óža, róža rjana čerwjena,  
 Z jasnym ranjom zakčěła,  
 Rady tebje wušćipnu,  
 Město dam ći — wutrobu.

Ruta, ruta mlódna zelena,  
Z rjanej myrtu sotříčka,  
Rady tebje wuśćipnu  
K čestnom' wěncej kwasnemu.

Róža, róža polna čerwjena,  
Rosa tebje napowa,  
Słónčne pruhi koša će,  
Swjećena či lubosć je.

Štóz tu róžu sebi namaka,  
Sotříčku ji rutu da:  
Temu kćěja lubosća,  
Čestny dzeń a wjesela.

Štóz tu rutu budže plahować,  
K towařstwu ji róžu dać:  
Teho budže najrjeńša  
Wokošować holička.

(W oktobru 1854.)

### Spušćenje lubosće.

(Serb. Now. 1854, 396.)

Hłós: Hanka, o ty brune wóčko.

**Z**yma, zyma! huška laška!  
Pjerje saja mróčele —  
Sněh tu by a žadyn braška,  
Prajće, njej' to mjerzanje?!

Był mi toleś kóžda španka,  
Kroš mi kóžda pazdžerka:  
Dawno w wěncu moja Hanka  
Njewjesta by pobyła.

Škličku, lžičku lédma mamoj,  
Khěžka rosće na holi,  
Rad so židkej' muki wzdamoj,  
Hdyž naj' wosrjedk nježiwi.

Božmje, Hanka rjana, młoda,  
Božmje naju lubosći,\*  
Do hribow je tebje škoda,  
K nuzy časa dosć je mi.\*\*

Nalěto, hdyž sněhi taja  
A so łuki zelenja:  
Wojacy mi zapiskaja  
A ja čahnu do pola.

[Tam chcu spytać tebje zabyć,  
Rjane džěčo, we bitwje,  
Rubać, třělec, trošta nabyć  
W trašnym kulow njewjedrje.]

(5. | 10. 1854.)

\* 1. recens.: Dawaj so ty do službow.

\*\* 1. recens.: Ja pak chcu do wojakow.



# Wojerske pacholo.\*

(Serb. Now. 1854, 375.)

Hlós: Ha što dha muže činja.

Čeść pacholu a sława  
We pyše wojerskej!  
Kral k čeśći jeho staji,  
„Služ mi, mój syno!“ praji  
A brónje jemu da — dy-ha,  
A rjenje zwobleka.

A pacholo dom spuśći  
A nanka, maćerku —  
Wón so wot wśitkich džěli,  
Kiž su joh' lubo měli,  
Jim ruku zawdawa — dy-ha,  
A stupi do wójska.

Wón wučehnje tak stroštny  
A ducy zaspěwa —  
A běše tež hdže žana  
Za njeho kwětka rjana,  
Tej božmje lube da — dy-ha,  
[Ju doma zwostaja.]

[Njeh přińdu twjerde časy,  
Tež te wón přewinje;  
Džens hiśće studžeń srěba  
A kusa skórku khlěba,

---

\* Hróńčka 1, 2, 3 a 5 tuteho spěwa z wuwzaćom jich poslednich rjadkow je basnik zapletl do III. sceny započateho melodramata „Hanka“ (hl. swjazk II, str. 325.)



A jutře pječeń ma — dy-ha,  
A winko naliwa.]

Trompejta, bubon klinči,  
Wón čehnje do pola;  
Za wótcny kraj wón stupi,  
Čeść, dobyće jom' kupi  
We bitwje, we wohnju — dy-hu,  
Ze žiwjenjom a krwju.

[A su tež puće wšelke,  
Wón dobrej' mysle je;  
Džens steji wonkach w polu  
A tepce łuku, rolu,  
A jutře pod třěchu — dy-hu,  
So wuspi na mošku.]

Nic njepřećel najhórši  
Tón jeho njestróži;  
Wón steji jako skała  
A přimnje z mocu lawa,  
Hač ma wěnc dobyća — dy-ha,  
[Za sławne wíćežstwa.]

[Ma holičo po boku,  
Wón lubość rozymi;  
To rěka: runu smuhu  
Džens tule, jutře druhu!  
Žort, wjesele ma być — dy-hyć,  
A dyrbjal rěpu ryć!

Džens jow a jutře druhdže,  
Wón přepoloži so;  
Duž rěka: božmje rjana!  
Měj džak! ty lubowana,  
Ta swěra wojerska — dy-ha,  
Je kwětka zachodna.] (18. 10. 1854.)



### Nadžija dobywačka.

(Serb. Now. 1855, 157.)

Hlós: Hišće Serbstwo njezhubjene.

Hišće nadžija je žiwa,  
Naša zepjera,  
Naša přecelnica miła,  
Z njebjes rodžena:  
Njewjedro njech zahrima,  
Tuhi njech nas wobdawaju,  
Kruće džeržmy k nadžiji,  
Wona njepuści!

Hišće nadžija je žiwa,  
Žiwjenje nam da,  
Jejny trošt a swětło kiwa,  
Ducha pozběha:  
Njewjedro njech zahrima atd.

Hišće nadžija je žiwa,  
Kiž nas přikrywa,  
By tež lódž nam rozlemiła  
Žołma wichorna:  
Njewjedro njech zahrima atd.

Hišće nadźija je žiwa,  
Dónž su njebjesa,  
Dónž je zemju zelenila  
Žana trawička:

Njewjedro njech zahrima,  
Tuhi njech nas wobdawaju,  
Kruće dżeržmy k nadźiji,  
Wona njepušći!

(25. 10. 1854.)



### Žiwjenje — dróhowanje.\*

(Serb. Now. 1856, 278.)

✱ Žiwjenje je dolha rejža,  
Přewiwanje po swěći;  
W rjanych wozach jědu knježa,  
Kiž jim pjenjez natwari,\*\*  
Khudy spušća so na nohi,  
Jeho puć tón njej' tak drohi;  
Swój džěl horja, wjesela  
Kóždy ducy namaka.

Přećelnu sej ruku dajće,  
Dróharjo, a zaspěwajće:  
Khwalena budź róžička,  
Kiž nam ducy zakćěwa!

\* Po myslach a słowach z dźěla podobny, po sřjadowanju a wob-  
žěrnošći hrónčkow pak wšelaki spěw staji na str. 14 tuteho zwjaska.

\*\* 1. recens.: Dokelž maju sadźaki.

Přez mladosće čiche wrota  
 Kóždy stupi do swěta,  
 Nadźija ta hwězda zlota  
 Wjedže wšech, dže do přědka;  
 Strowosć, radosć pódla džetej,  
 Z růžemi puć posćeletej,  
 Z lóžkim křidlom myslička  
 Pře wšě hory zejhrawa.  
 Přecelnu sej ruku dajće atd.

Lěta leća, hraje spanu,  
 Wutroby so jenoća;  
 Stup so dže, stup konje čahnu  
 Raćinow a horow dla.  
 Starosće puć woblétuja,  
 Plačne dešće přepaduja;  
 Krasne róže při puću,  
 Ale jeno k troštej ktu.  
 Přecelnu sej ruku dajće atd.

Puć so dli, a běła włóska\*  
 Připowjeda starobu,  
 Stuleni kaž radna klóska  
 Wšitcy pomaľšo tež du;

---

\* 1. recens.: Puć so dli, a běle włóski  
 Swědky dolhej' dróhi su,  
 Stuleni kaž radne klóski  
 Wšitcy čahnu, slabšo du.

Sprócný kóždy k hwězdám hlada,  
Wobstatk hospodny tam žada,\*  
Hač so k rowej přibliža,  
A zwón dróhu wuzwonja.  
Přečelnu sej ruku dajće,  
Dróharjo, a zaspěwajće:  
Khwalena budź róžička,  
Kiž nam ducy zakčěwa!

(29. 11. 1854.)

\* 1. recens.: Hospodu tam mučny žada.



### Swjatosok.\*

Čiichi wječor khwata k zemi,  
Slónco wjerški pozłóca,  
Džělačerja z kěrlušemi  
Škowrončik z pola přewodža:  
Dobra nóć — tysac króć!

Sprócný dróhar nimo haja  
Do wsy dže, puć dokonja,  
Ptački zynča, zaspěwaja  
Jemu ducy přez lisća:  
Dobra nóć — tysac króć!

\* Tutón spěw bu wot H. Zejlerja z wopředka do lyriskeje pěsnje „Žně“ stajeny a w 2. rozmnoženym wudawku teje sameje w Časopisu Mać. Serb. 1855, str. 12 sl. sobu wočišćany; w 3. wudawku „Žnjow“ z l. 1860 pak bu na jeho město druhi spěw přijaty (hl. swjazk II, str. 116).

Směrki leća, pola zdrěmnu,  
Mučnej zemi chce so spać,  
Hwězdy čahnu nócku čěmnu  
Rozswětlec a přiwołać:  
Dobra nóc — tysac króc!

Měsačk z jasnej kuka kromu  
Přez lěs a so powyší;  
Wowčer piska, wjedže k domu  
Běle wołmy nošěrki:  
Dobra nóc — tysac króc!

(10. | 12. 1854.)



### Spokojnosť.

~~K~~ak zbožowny sym žiwy  
We khlódku wjesčički,  
Hdžež Bóh Knjez dobroćiwy  
Mój khlěb mi wobradži.

Mje džakna brózda žiwi,  
Mje zboži spokojnosť,  
A smy-li strowi, čili\*,  
To mamy kubła dosć.

(1854.)

\* Dialektiske po wopačnej analogiji za: čili.



## Pocpula.

### I.

**S**lyšiš tam ze žita pocpule hlós?  
 Bohu česć! :: nimo je zyma a mróz!\*  
 W zelenych polach so přelétuje,  
 Róstny čas :: za plody připojduje.  
 Z lóštom a radosću zawoła zas':  
 Bohu džak :: dajće za plódnivy čas.

Na směrkach rano žno zaslyšiš ju:  
 Pomhaj Bóh :: wšitkim k najlěpšemu dnju.  
 Swěći pak slónco, to zraduje so,  
 Wotrěse :: pjerka a rozčehnje so.  
 K njebjesam z wóčkomaj popohladnje:  
 Bohu džak, :: kiž mi tón pokoj dał je.

Blyšći so rosa hdy khlódnowata,  
 Huška mje, :: zawoła dyrkotaca.  
 Prosy na slónčku so rozšěriwši:  
 Wudžěl kusk :: twojeje ćoploty mi!  
 Běži do pěska a zahrjeba so,  
 Twjerdy zahłk\*\*! :: praji a lehnje tam so.

Přindže žnjeńc z kosu, to njebojazna  
 Njerěz mje! :: zawoła potulena.  
 Z nahich duž polow přeč dyrbi so dać,  
 Nihdže skhow :: njem'že wjac' wunamakać.  
 Skorži: Ach, zornjotka tudy wšě su,  
 Žel mi je! :: lećić na rolu nětk cheu.

\* 2. recens.: — radny ja wěšću wam klós.

\*\* To je skróćene ze: zahłowk.

Su-li pak pólne so minyle žně,  
 Twjerdy čas! .: zawoła wona; ach zlé!  
 K lépsému krajej duž nastaji so,\*  
 Dokeliž .: zyma jow přibliža so.  
 Prjedy hač wučehnje, praji pak 'šće:  
 Božemje .: krajo, Bóh přikrywaj će!  
 (1854.)

## II.

(Serb. Now. 1854, 197.)

**P**osl'chaj, što klinči tam lubozny hlós!  
 Boži dar .: pocpula woła, je klós!  
 Pod stwjelcom zelenym dom a kryw ma,\*\*  
 Lubować Boha će napomina:  
 Luby Bóh .: miły a smilny wótc je!

Zaso nam praji jej' hrónčkaty hlós:  
 Bohu česć! .: Myto wón dawa přez klós.  
 Widžiš po prócy na polu twój khlěb,\*\*\*  
 Witaj jón z hnućom, twój žiwjeński trěb.  
 Bohu džak .: dawaj, wón skubla tu će!

\* 2. recens.: Zyma so bliži, duž nastaji so  
 Přez hory .: do kraja ćoplišeho.

\*\* 1. recens.: Klóskaty zahon ji dom a kryw da;  
 Posl'charjow při žitach napomina:  
 Lubo měj .: Boha; wón dary ěi da!

\*\*\* 1. recens.: Widžiš na poli tam plody a khlěb,  
 Wuhladaž z hnućom twój žiwjeński trěb!  
 Džakuj so .: Bohu; wón skubljuje će!



Stróža-li Bóhl'byknjez z njewjedrom će,  
Boha proš,\* :; hona zo přelutuje.  
Chce-li so přichod či hrožaty zdać,  
Pocpula móže će potroštować.  
Dowěř so :; Bohu, wšak wóćec je twój!

(1854.)

\* 1. recens.: Modl so.

### Zrudne holičo.

Po hłosu: Muss ich denn :; zum Städtle hinaus.

~~K~~ak je mi :; tak styskniwje, styskniwje,  
Zo Jank mje njecha měć;  
Ja nošu jeho w wutrobi,  
A wón pak wo mnje njerodži;  
Kak je mi :; tak styskniwje,  
Zo Jank mje njecha měć.

Zańdženu :; tu njedželku, njedželku  
W korčmje hercy piskachu;  
Ja džěch za Jankom do reje,  
Wón pak mje widzieć njechaše;  
Kak je mi :; tak styskniwje,  
Zo Jank mje njecha měć.

Jako ja :; nětk wot zady, wot zady  
Mjelčo k njemu přistupich:  
To wón so na mnje wobroći  
A woči na mnje wuwali;  
Kak je mi :; tak styskniwje,  
Zo Jank mje njecha měć.

To je mje :, tak zrudžilo, zrudžilo,  
 Zo swět mi luby njej',  
 Ja džěch do swojej' komorki  
 A plakach w mojej zrudobi;  
     Kak je mi :, tak styskniwje,  
     Zo Jank mje njecha mēc.

Nazajtra :, wón jědžeše, jědžeše  
 Nimo woknow na polo,  
 Ja wołach: Janko, kak je so  
 Ći wčera w korčmje lubiło,  
     Ale wón :, tak činješe,  
     Kaž by mje njesłyšał.

To je mje :, tak zrudžilo, zrudžilo,  
 Zo swět mi luby njej';  
 Wón zechce wěsće do so hić  
 A wjele za mnu pokhodzić,  
     Ale nětk :, wšo nimo je,  
     Ja Janka njecham mēc!

(2. | 1. 1855.)

— \* —  
**Žołma a žiwjenje.**

**P**uć žiwjenja je źorło,  
 Kiž z horow k dołam dže  
 A přeběhnje kraj rjany  
 A hona pusćinske.

Kaž mjez lučkami lóštnje  
 So žołma slěborni:

**Tak złoty lóšt a hraja  
Dzeń džěsća wokřewi.**

Kaž přez koło a kamjeń  
 Lóšt žolmje skočić je:  
 Tak troštnje, khroble młodženc  
 Přez kraj a morja dže.

Kaž zliwki žołmu zmuća,  
Pak žołmy wobćeža:  
Tak prudži muža starosć  
A brěmjo žiwjenja.

**Kaž w swojim času žołma  
Do morja doběhnje:  
Tak šědziwce mučny, sprócny  
Běh skónči, k wótcam dže.**

(7.2. 1855.)



### Dželeňski spěw.

(Zahrodka kwětkojta II, str. 56.)

**Hłós: Ja z wutrobu, z ruku.**

**N**ětk zawdawam ruku  
O najlubši wam,  
So podać preč a čahnyć  
Ja nětko mysle mam.

Budź přecelna wjeska  
A luby mój dom,  
Budź z Bohom w dobrym měrje  
Pod slóncom, měsáčkom.

Nětk mějtaj so staršej  
Tu najrjenišo,  
Budž bratře, sotra božmje  
A wšitcy přeceljo.

Mje přislušnosť woła  
A dyrbjenja móc,  
Wšak slónco tež puć khodži  
A hwězdy du přez nóc.

Wšak rěka tež k morju  
Wot źórleška dže,  
A ptačk a mrócel čehnje  
Tež dróhi wšelake.

Duž božemje wšitkim  
Nětk wutrobne dam,  
Hač hwězdy rjeńše, jasne  
Mje zaso wjedu k wam!

(11. | 3. 1855.)

### Wojerske pacholo.\*

(Čorny kós a drózna II, 17.)

Wojerske to pacholo  
Česća kral a wjerchojo;  
Schönstes Fräulein Kikebusch —  
Wojak to je čestny muž.

\* Tutón spěw, kotryž chcyše basnik jako solo z chorom do pěsnje „Hanka“ (přir. zwjazk II, str. 311) zaplešć, bu wot K. A. Kocora komponowany (hlós hl. Tow. Spěwnik, str. 45).

Óichu ma přec' myslíčku  
Ze starosću njeznatu;  
Schönstes Fräulein Kikebusch —  
Wojak wjesoly je muž.

[Z hordom nosy kralowu  
Čestnu brón a sukničku;  
Schönstes Fräulein Kikebusch —  
Wojak to je hordy muž.

Po trompejće, buboni  
Khodži, wusnje, wocući;  
Schönstes Fräulein Kikebusch —  
Wojak to je žiwy muž.]

Rjeńšo, hdyž paradu ma,  
Njeblyšći so zernička;  
Schönstes Fräulein Kikebusch —  
Wojak to je rjany muž.

[Džensa jow a jutře tam  
Je wšo jene wojakam;  
Schönstes Fräulein Kikebusch —  
Wojak to je wšudže muž.]

Čehnje z brónju do pola,  
Njestróži so satana;  
Schönstes Fräulein Kikebusch —  
Wojak to je khrobly muž.

[Khrobło sapa zmužity,  
Lawej zuby wurazy;  
Schönstes Fräulein Kikebusch —  
Wojak to je mócny muž.]

Ma što rjane po boku,  
Rozymi wón dobrotu;  
Schönstes Fräulein Kikebusch —  
Wojak to je mudry muž.

[Jehnjo je při holiču,  
Wjelk, hdyž rěka: na wójnu!  
Schönstes Fräulein Kikebusch —  
Wojak to je lesny muž.]

Džensa rěka: wino chcu!\*

Jutře srěba studničku;  
Schönstes Fräulein Kikebusch —  
Wojak spokojny je muž.

[Džensa wjedže zrudobu,  
Jutře skače w wjeselu;  
Schönstes Fräulein Kikebusch —  
Wojak to je dziwny muž.]

Hdžež wón rozpolaži so,  
Je knjez a dže pře wšitko;

---

\* Variant: Džens ma skórku z wodźičku,  
Jutře winko z pječenju.

Schönstes Fräulein Kikebusch —  
Wojak to je cyły muž.

[Za krála a wótceny kraj  
Da wón žiwjenje, haj, haj;  
Schönstes Fräulein Kikebusch —  
Wojak to je šwarny muž.]

Prińdže z wójska domoj zas',  
Chce nan hotować jom' kwas;  
Schönstes Fräulein Kikebusch —  
Wojak to je krasny muž. (3. 8. 1855.)



### Spokojna myslička.

(Serb. Now. 1855, 350.)

~~Wyše~~  
Wyše kóždej' hlowy\*  
Slónčko zaswěći,  
So na pućik émowy  
Měsačk slěborni:  
Myslička duž spokoj so,  
K njebjju pozběhn křidleško.

\* 1. recens.: Wyše kóždej' hlowy  
Ranje zaswita,  
Tež na pućik émowy  
Swětło přesčera:

A wšém hrónčkam přidawa so refrain:

Duž o tyšna wutroba  
Dowěr so na njebjesa.

Wyše kóždaj' khěžki,  
 Wóčkej kóždemu,  
 Zybola so hwěžki,  
 Hdyž je wječor tu:  
 Myslička duž spokoj so,  
 K njebju pozběhn křidleško.

[Wyše wšitkich horow  
 Slónco postanje,  
 Sće do wšěch dworow  
 Pruhi žiwjeńske:  
 Myslička duž spokoj so,  
 K njebju pozběhn křidleško.]

Wyše wšitkich honow  
 Čahnu mróče,le,  
 Krjepja wot wšěch stronow  
 Měle křewjenje:  
 Myslička duž spokoj so,  
 K njebju pozběhn křidleško.]

Wyše wšitkich swětow  
 Jena lubosć je,  
 Kiž wot wěčnych lětow\*  
 Wšitkich žohnuje:  
 Myslička duž spokoj so,  
 K njebju pozběhn křidleško.

(4. | 8. 1855.)

---

\* 1. recens.: Kiž do wěčnych hětow  
 Swój lud powjedže.



## Khuda syrotka a jejna mać.

(Zahrodka kwětkojta II, 55.)

Hrós: Štóz so mysle ženić ma.

~~XXX~~  
urostła bě trawička  
Na zelenej łucy,  
Nimo wětrik pjerchota,  
Wopraša ju ducy:

Trawička ty zelena,  
Štó će žiwieć budže?  
„Krjepjelka ta njebieska,  
Kotraž pada wšudže.“

Maći, duž so njestaraj,  
Štó naj' žiwieć budže —  
Luby Bóh a ruka naj'\*  
Skubła tu a druhdže.

Trawičkow tak wjele je,  
Krejpkow hišće wjacy —  
Spěwać, džělać spokojnje,  
To su khudych šacy!

(7. | 8. 1855.)

---

\* W rukopisu: Brózda, Bóh a ruka naj',  
Smój tu abo druhdže.



# Poroki.

(Čorný kós a drózna II, 18.)

Leć, leć mjetel ty lóžka,  
Mje, mje njeblazniš wjac',  
Leć, leć wokoło róžka,  
Pytaj sej druhdže swój šac —  
Haj, haj, haj, haj,  
Pytaj sej druhdže swój šac.

Nětk, nětk barbu ja twoju,  
Rěč, rěč lesnu tež wěm,  
Zo, zo wutrobu swoju  
Předawaš njedroho wšěm —  
Haj, haj, haj, haj,  
Předawaš njedroho wšěm.

[By, by lětsa mi było,  
Kaž, kaž loni mi bě,  
Mi, mi skakać so chcyło,  
Runjež był do kolen sněh —  
Haj, haj, haj, haj,  
Runjež był do kolen sněh.

Wšě, wšě loni mi ptački  
Lóšt, lóšt spěwale su,  
Nětk, nětk dže mi na plački,  
Kajawku bjeru za mzdu —  
Haj, haj, haj, haj,  
Kajawku bjeru za mzdu.

Tak, tak lubo će mějach,  
 Haj, haj bóle hač so,  
 Přec', přec' k tebi so smějach  
 Kóždy dzeń wutrobnišo —  
     Haj, haj, haj, haj,  
 Kóždy dzeń wutrobnišo.]

Ty, ty raniš mje jara,  
 Ty, ty budžeš so kač,\*  
 To, to falšnosť je stara,  
 Móžach žno dawno ju znač\*\* —  
     Haj, haj, haj, haj,  
 Móžach žno dawno ju znač.

Dži, dži, póscel sej druhdze,  
 Hdžež, hdžež lěpje či je,  
 Běž, běž, dom či to budže,  
 Njeh či pak derje so dže —  
     Haj, haj, haj, haj,  
 Njeh či pak derje so dže!

[Praj, praj mróčalka spěšna,  
 Hdže, hdže čehnješ ty nět',  
 Mje, mje njese přez kraje  
 Do cuzby sylny tón wět' —  
     Haj, haj, haj, haj,  
 Do cuzby sylny tón wět'.\*\*\*

---

\* 1. recens.: Ty, ty činiš mi zlé.

\*\* 1. recens.: Kóždy ju znaje a wě.

\*\*\* 1. recens.: Wzmi však ty sobu tež mje!

Što, što starać so budu,  
 Što, što tyšić so chcu,  
 Njeh, njeh móšeń mam khudu,  
 Pućik swój samotny du —  
 Haj, haj, haj, haj,\*  
 Pućik swój samotny du!]

(10. | 8. 1855.)

\* 1. recens.: Ně, ně, ně, ně,  
 Spokojnosť nima so zlě!



### Nazyma.

(Spěwy za serbske šule I, 15.)

**B**udź, rjane léce, božemje,  
 Kiž złoty klós nam darješe;  
 Nětk dže k nam płowa nazyma,  
 Přez lěs a hona přistupa.

Česć dajće jeje dobroći,  
 Zo česne pruhi wokhlódži  
 A tysac kwětkow zawoła  
 Tych nazymničkow do kćenja.

Ma khutniše tež wobličo,  
 So tola lubje starajo  
 Chce kraj a město zežiwic,  
 Płód z poľnej ruku poskićic.

Ze zymnym dychom pokroči  
 A twjerde časy připojdzí;  
 Duž khwataj wužic, štož ci da,  
 Jej' lubosć krótku khwilu ma.

(1. | 10. 1855.)



**Jasny wječor.\***

(Časopis M. S. 1855, 69.)

**J**enak so tón wječor krasni,  
Hdyž mēsačk slēborny  
So z módrych njebies jasni,  
Nam k službje hotowy;  
Wón jako wóčko nócne  
Ze swětlom kraluje,  
Štož pak chce drěmać sprócne,  
Do spanja kolebje.

Nam k radosći je daty,  
Naš pućik pojasni,  
A jako přecel znaty  
Nam hlada mjez woči;  
A chcyše pruhu haćić  
Kerf, murje, twarjenja,  
To njedawa wón plaćić  
A wyše pokročā.

Wón khodži w zymje, lěči.  
Swoj pućik módrojty,  
Po cyłej zemi swěći  
Přec' jenak přecelny;  
Wšo jeho pruhow čaka,  
Wón rady z kóždym dže,  
Nic pjenježka, nic džaka  
Wón za to njebjerje.

---

\* Tutón a tež slědujcy spěw chcyše drje basnik do lyriskeje pěnje  
„Nazyma“ (hl. zwjask II, str. 119 sl.) přijeć, njeje pak so to stało.

Wšu přeradu wón hidźi  
A słowčka njepraji,  
Štož jeho wóčko widźi  
Tu delkach na zemi;  
Duž budź mi česćowany,  
Ty swěrný přecelo,  
Budź lubje powitany,  
Ty hwězdow wodźerjo!

(W novembru 1855.)

Nazyma.\*

**Z** krótsěj stopu překhodźuje  
Bože slónčko njebjesa,  
Mile pruhi doswěćuje —  
Plód so z polow dobjera.

Ptački mjelča, žana muška  
Nihdže wjacy njezynči,  
Mlha so šěri, wětr huška,  
Lód a mrózy připojdzi.

Prašeš so za kwětku rjanej,  
Pytaš luku kćějatu:  
Ach, nětk njepodeńdžeš žanej',  
Łuki, mjezy płowe su.

Šěre, nahe steja haje  
Swoju pychu swlečene,  
Rjanosć jich ta w pěsku tlaje,  
Lisće w léce mlódnije.

\* Přir. přispomnjenje k předkhaďacej pěśni.

A tak zańdu młode lěta  
 A jich kćew a wjesele,  
 Tak tež spadnje hordo swěta  
 A wšě jeho rjanosće! (28. 11. 1855.)

—\*—

### Pokoj.

**D**uša, starosć zabudź,  
 Wopuść zrudobu,  
 W Božej stwórbje nabudź  
 Mocy k wjeselu!

Hlaj, kak złote ranje  
 Kiwa po nocy,  
 Ptačkow zaspěwanje  
 Rži přez haj a wsy.

Posł'chaj! dži po honach,  
 Hlaj, kak pyšne su,  
 Widziš po wšěch stronach  
 Lubosć njebiesku.

Tón, kiž zemju pyši,  
 Z dešćom wobstara,  
 Tebje widži, słyši  
 A će lubo ma.

Je tež čmowa šćežka,  
 Kiž či tudy da:  
 Na puć, do woknješka  
 Hwěžki zaswěća.

(1855.)

—\*—

# Bratřík we wojakach.

(Serb. Now. 1855, 173.)

**S**tyri brune mój bratřík  
W dworje zapřahuje  
[A do města jědžo  
Křud zawjertuje.

Hdyž slónčko je nizko,  
Wón wupřahuje;]  
Hdyž je zwozyl žně domoj,  
Kralej do služby dže.

Kralej služi wón swěrný,  
Brónje rozymi wjesć;  
Poleć, hoľbiko spěšny,  
Wjele dobroh' jom' njesć.

Khětře, ruče leć k njemu,  
Pohlej, kak so jom' dže,  
Přinjes powjesć, hač w polu  
Abo pod třechu je.

Lipa lisćičko spuści,  
Ale wubiwa zas' —  
A wón piše, ja přinđu,  
K lětu wuńdze mój čas.

[Kak tež dže so tam jemu,  
To wě luby mi Bóh;  
Moje wóčko joh' hlada,  
Wo snje powitam joh'.]



Lube lětko leć nimo,  
 Doľho čakać je zľě,  
 Zo wón skerje dom dóndže,  
 Zaso kiwaju žně.

[Mróćel čaha pod njebjom,  
 Wona tam a sem dže —  
 A mój bratřik po cuzbje,  
 W kraju wšelkim, hdžež je.]

Srjedža horow su doľy,  
 W meji zakčěwa štom:  
 A po džělenju radosć,  
 Hdyž mi přindže wón dom! (1855.)



### Klukluk-ptačatko.

(Serb. Now. 1855, 205.)

Hłos: Přišla mi holčka.

**J**a znaju ptačka, ::  
 Tón džiwnje zaspěwa,  
 Wón spěwa: klukluk, kluklukluk!  
 A jasnej wóčcy ma.

Tón lesny ptačik ::  
 Ma w pincy hnězdžeško  
 A hwizda: klukluk, kluklukluk!  
 Hdyž přindže na swětło.

Hordleško khětre :,  
 Ma winkobarbniwe  
 A kurči: klukluk, kluklukluk!  
 Hdyž wón je próznic chce.

Wón je tak skludny, ,:  
 Zo zleći na blido  
 A woła: klukluk, kluklukluk!  
 So syńce wokoło.

Hdyž wón so khila :,  
 A swój pysk rozdaji,  
 To klinči: klukluk, kluklukluk!  
 A kóždy přistupi.

Šěri wón křidło ,:  
 A póčnje machotać,  
 To z nowa: klukluk, kluklukluk!  
 Wón khwata zaspěwać.

Štóz chce joh' widzeć,  
 Štóz chce joh' slyšeć,  
 Dzerž z nami worciznu —  
 A wupij: klukluk, kluklukluk!  
 Tu škleńčku nalatu!

(1855.)



# Invalida.

(Serb. Now. 1855, 374.)

Hiós: Chcył je knjez hólčik wědžeći.

[Bjez wospjetowanja w přěnim rjadku.]

**P**ri Lipsku džělo horce bě,  
 Tam dzeržeše smjerc krawne žně.  
 Hajda pacholo!  
 Hura towaršo!  
 Što plaći žiwjenje?

Tam wulke šteki rujachu,  
 Karteče, kulki hwizdachu —  
 Hajda pacholo!  
 Hura towaršo!  
 Ja stejach na přědku.

Do wohnja dze naš regiment  
 A krótki bě mój testament,  
 Hajda pacholo!  
 Hura towaršo!  
 Ja přěni na rjadu.

Smjerc blisko džěše pola mje,  
 Mi kula nohu wottorže —  
 Hajda pacholo!  
 Hura towaršo!  
 To bě złe witanje.

Naš regiment tón njecofa,  
 Hač klinčeše: viktoria —  
 Hajda pacholo!  
 Hura towaršo!  
 Ból moju zabych ja.

Radlubje sym tu nohu dał,  
 Naš regiment njej' twochowal —  
 Hajda pacholo!  
 Hura towařšo!  
 Hdžež přědku ja sym stal!

(1855.)



### **Pjenjez a dobra myslička.**

**P**jenjez a dobra myslička  
 Staj dobraj towařšaj  
 Na každu dróhu do swěta  
 Přez morjo a přez kraj.

Pjenjez a dobra myslička  
 To muž a žona staj:  
 Hdyž wona něšto požada,  
 Wón wěsće rjeknje: haj!

Pjenjez a dobra myslička  
 Staj jadro žiwjenja  
 Za bura a za zemjana  
 Hač do poslednjoh' dnja.

Pjenjez a dobra myslička  
 To staj dvě twjerdžiznje:  
 Hdyž jena padnje do blóta,  
 Ju druha pozběhnje.

Pjenjez a dobra myslička  
Dwě žadnej róži stej,  
Kiž lubowanej bjez kónca  
W wšěm času kćějetej.

(1855.)



### Našej Leńcy.\*

**S**pinkaj, złote džěco,  
Skoro budže lěco,  
Džěco budže posłuchać,  
Kak so budža znošować:  
Mižko me, ćelko be,  
Micka mjaw, ćuća blaw,  
Zyba ćink, Leńka spink!

Na zelenym brjóžku  
Z twojej małej nóżku  
Budžeš stejkać, tupotać,  
Wokol' tebje zejhrawać:  
Putka kur, hunčo hur,  
Wroblik őr, hapl'br,  
Zyba pink — Leńka naša spink!

(Wokoło 1855.)

---

\* Tutón rjany kolebkowy spěwčik je H. Zejler swojej najstaršej dźowčičcy Leńcy při kolebanju spěwał.



# Bjesadny spěw.

~~Wšy~~ ~~Wšy~~ chcemy so tu posynyc,  
Tu piwko, winko je,  
A Lumira sej připrosyc,  
Zo harfy zhłosuje.

Wšo ma swój čas, to znate je  
Wot Salomona sym\*,  
Wšo pod slóncom so pominje  
A zaleći kaž dym.

Tež džowka ty z Elysija,  
Wzmi sydło mjez nami,  
Njech twoje škrě so sypaja  
We našej bjesadzi.\*\*

Dżeń kóždy jenak dobry njej'  
A jasny, přihódny,  
Štóž wuzwolic wě prawy sej,  
Tón čini mištyrscy.

Duž klinkmy nětko hromadu  
Ze sławu hrímacej  
Na swěrnú serbsku wutrobu,  
We kotrejž falšnosť njej'.

(Wokoło 1855.)

\* Dialektiske za: sem.

\*\* Variant: Nam k prawej radości.



### Spokojnosť.

Ja spokojnu  
Mam wutrobu,  
To moje zbože je,  
Kiž kóždy dzeń mi kće;  
Ja njechał kejžor być,  
Nic złotych horow měć,  
Dyrbjał tón šac  
Sej z ruki dać.

Ja spokojnu  
Mam wutrobu  
A wjacy nježadám,  
Hač k nuzy potrjebám;  
Mje horde brěmješko  
Njej' nihdy čišćało,  
Ze zawisću  
So njeznaju.

Ja spokojnu  
Mam wutrobu,  
Duž měra njetradám;  
Kaž škowrončk zaspěwám,  
Hdyž skupi zaskiwla,  
So sami čwiluja;  
Mje lakomstwo  
Drje podarmo.

Ja spokojnu  
Mam wutrobu,

Mje čerstwa woda wokřewja,  
Hdyž druhi wino rozliwa,  
A runjež słomjana  
Mje třecha prikrywa,  
Šac najrjeńši  
Mam na swěci.

Šac najrjeńši\*  
Mam w wutrobi:  
Tón woheń njerozškrje,  
Tón žołma njepóžrje,  
Zamk k njemu njetrjebam,  
So směju paducham;  
Wón dosaha  
Hač do rowa.

Što chcu ja wjac',  
Hač tajki šac  
Na pućik žiwjenja  
Přez kraj a přez morja,  
Z nim lóžcy wukupju  
Swět z cylej krasnosću;  
Hač do smjerće  
Mi dosahnje.

(28. [1. 1856.]

\* 1. recens.:

Šac najdróžši  
Mam w wutrobi,  
Tón zamkać njetrjebam,  
So směju paducham.

Njej' to mi kubleško  
Pře wšitko bohatstwo,  
Hdyž žida mje  
Tež njekryje?





# Pučowanski spěw.\*

(Časopis M. S. 1855, 67.)\*\*

Róža słuša do wěncu,  
Na puć spěw so hodźi,  
Ze spěwom lóšt přibjera,  
Radosć hakle słodźi;  
Dónž tu zemja zelena  
Pućowarjow nosy,  
Žada spěwać wutroba,  
Lubosć nam'ka hłosy.

[Žana róža bjez slónca  
Njeby tež tu kćěla:  
Žana dróha bjez spěwa  
Połnu radosć měła.  
Wobuza so njeprida,  
Hdžež spěw zanošuja,  
Přećelnje so njebjesa  
W dušach wujasnjuja.]

Přećelj, duž spěwajmy,  
Našom' pućej sława!\*\*\*  
Spěw budź towař pućowny,  
To su serbske prawa;†

---

\* Tutón spěw bu wot K. A. Kocora w l. 1860 jako měšany chor komponowany a na spěwanskim swjedženju 7. oktobra 1863 w Budyšinje spěwany. (Hłos hl. Tow. Spěwnik, str. 23.)

\*\* Lětnik 1855 Časopisa M. S. bě hakle po jutrach 1856 wušoł.

\*\*\* 1. recens.: Zo nam radosć kćěje.

† 1. recens.: Jeho dar nas zhrěje.


Sama žolma k morju dom  
Z nýmym ertom njeńdže,  
Swoju dróhu z pluskotom  
Daloki kraj přeńdže.

Wšitke ptački z nalěcom  
Z dalokeho kraja  
Pričahnu ze spěwanjom,  
Radosć tudy maja,  
Dónž so haje nježońca,  
Dónž jim hoja časy,  
Hač ze spěwom džělenja  
Wučahuja zasy.

(1. | 2. 1856.)

### Dobre zahrodnistwo.

(Časopis M. S. 1855, 67.)\*

 Čadnu róžu chcu sej płodzić  
Do zahrody žiwjenja,  
Tajke džěło chce so hodzić,  
Z mytom zbóžnym zapłaća;  
A k tej prócy prošu za nju,\*\*  
Dokelž róža z njebjes je:  
Mile njebjo, směj so na nju,  
Zo mi nihdy njepadnje.

\* Přir. přispomnjenje k předkhaďacej pěśni.

\*\* W rukopisu: Sadzić chcu ju do wutroby,  
Město tam tej róži dać,  
Žadyn čas a jeho zloby  
Njedyrbja ji mocy wzać.

Nadžija, ty róža rjana,  
 Tebje měnju, wuzwolu,  
 Hdže tež w swěće kwětka žana  
 Kćěje tebi k runjeću?  
 Wot młodosće hač do rowa  
 Tebje smjertni plahuja,  
 Z kóždym slóncom kćěwaš nowa  
 Z njesmjertneho korjenja.

Kćěj duž kćěj ty złota róža,  
 Hladana wot lubosće;  
 Strachi mje tu mało stróža,  
 Widžu twoje blyšćenje;  
 We tebi so zwjeseluju,  
 K tebi dźerži wutroba,  
 A hdyž swět tež wopuščuju,  
 Kćěješ z mojoh' popjeła.

(14./2. 1856.)



### Hdže zbože rjeńše?

(Časopis M. S. 1855, 70.)\*

**P**raj, z wotkal zbože přikhadźuje  
 A hdže je z domom na swěće?  
 Njej' tam, hdžež poľnje wusypuje  
 Swój dar we złotym bohatstwje?  
 O ně, o ně, tam přimoľwja  
 So wone hakle nazdala.

\* Přir. přispomnjenje k předkhadźacej pěсни.

A bydlí tam, hdžež móc a sława,  
 Kiž čas lětstotkow překroča,  
 We poľnych horščach radosć dawa,  
 A hdžež so króny zybola?

O ně, o ně, tam zawěrna  
 Ma słabe hakle swětlesko.

Njej' česć a staw, njej' złota króna  
 Tu jeho wučinjeny skhow,  
 To snadź je mudrosć Salomona  
 A swětło rjanych wědomstwow?

O ně, o ně, tam swěći drje,  
 Dosć wutrobu pak njehřeje.

Aha, ty měniš winko jasne  
 A spěw při wjes'łym towarstwí,  
 Ty khwališ, strowe lěta krasne,  
 Kiž mladosće són přezloći?

O ně, o ně, tam zelena  
 Njej' hišće zboža haľoza.

Hdžež swjatnicu sej lubosć twari,  
 Hdžež jejne mocy płomjenja,  
 Tam zbože je, tam dary dari  
 Najzbóžnišeho wjesela;

Haj tam, haj tam, hdžež lubosć je,  
 Tam zbože kće najzłocíše!

(5. 4. 1856.)



# **Mój wóteny kraj.\***

(Časopis M. S. 1856, 11.)

Wěš mi mój rjany wóteny kraj?

Wón zloty njej', to nježadaj;

Pod figowcom a palmami

So jeho zemja njekrasni —

O ně, o ně! wón ponižna

Je płódna Boža zahroda.

Wěš mi mój rjany wóteny kraj?

Na mjezow šér jom' njehlada

Za hordym knjejstwom njeleći

A krwawne brónje njewótri —

O ně, o ně! štož khwalbu ma,

Je jeho wulkosć pyтана.

Wěš mi mój rjany wóteny kraj?

Na němski kraj mi njejóda,

Mój kćějata je wobnožka

Na štomje sławnoh' Słowjanstwa —

Haj, to wón je! a njespadnje,

A Łužica so mjenuje.

Ta je, ta je mój wóteny kraj,

Mój serbski dom a zbóžny raj,

A kiž tu rodža kćěć a rosc,

Tym k zbožu je tež wulka dosć —

Kćěj, krajo, kćěj! ty jasniši

Na česćach a na pěknosći!

(18. [8. 1856.]

\* Tutón spěw bu wot E. Frencla komponowany. (Hłos hl. Tow. Spěwnik, str. 15.)

### Njezhubjeny pachoł.

**R**unjež njeměł žane holičo  
K lubosći po stroni,  
Wostanu wšak wjes'le pacholo  
Lětsa tež kaž loni.

Du ze slónčkom džens mi róže spać,  
Aj, što je to wo to?  
Jutře budža rjeńšo zakčěwać,  
Nadžija je złoto.

Njem'žu tež do mojoh' wozyka  
Złote konje přahnyć,  
To mi zbože rjenje pokiwa  
A chce ze mnu čahnyć.

Swěrnny pachoł, dušna myslička,  
Wutroba bjez hidy,  
Witany je wšudže do swěta,  
Zhubjeny njej' nihdy.

(26. 10. 1856.)



### Zastaničko.

**K**wojej' wóčkow mile pruhi  
Hdyž tu na mnje zaswěća:  
To swět krasniši mi druhi  
We wutrobje zeskhadza —  
Něžna duša,  
Slónčko radosće,  
Slyš a dowol  
Moje česćenje!

A mi swět wšón pozłočany  
 Je přez twój směwk lubozny,  
 W zymje, lěće jenak rjany  
 Zeleny a róžojty —  
     Něžna duša,  
     Slónčko radosće,  
     Slyš a dowol  
     Moje česćenje!

Twoje słowčko je dych žiwy,  
 Njebjeske mi mocy dać,\*  
 Póznać dyrbju tajke džiwy  
 A mój džak ci woprować —  
     Něžna duša,  
     Slónčko radosće,  
     Slyš a dowol  
     Moje česćenje!

(25. 11. 1856.)

---

\* Variant: Moje horjo wotehnać.



### Spodobne dopomnjenki.\*

(Časopis M. S. 1856, 5.)

**S**łódke hodžinki wy jasne  
 Młodostneho nalěča,  
 Wobnowće mi waše krasne  
 Wobrazy a hibanja.

---

\* W rukopisu namaka so připisk: Knjeni z Ješkowej k božemu  
 dšěću 1856.

Postupće sem, domy, hona,  
Hdžež bě zbožowny mój swět,  
Hdžež měd džěcaceho sona  
Woptach wjele krasnych lět.

Tunja radosć, njekupjena  
Ze starosću žiwjenja,  
W twójich pruhach zwjeselena  
Wutroba so womłodža.

Hodžinki wy zalećene,  
Róže sće mi edenske,  
W wašim błyšću ponowjene  
Hišće džens mi kćejeće.

Njebjesa so posměwkuja  
Hišće džens mi nad wami,  
Jandželki was wobłětuja,  
Myslička was pozłóci!

(19. 12. 1856.)



### Hwěžki.

(Časopis M. S. 1856, 6.)

Hłós: Doma, doma rjenje je.

**H**wěžki, hwěžki daloce,  
Swěty rjenjej' nadźije,\*  
Kiž wy horje, dele džeće,  
Módre njebjo poswětleće,

---

\* 1. recens.: Bože swětla njebjeske.



K vašej vysokosci mje  
Něhdy jandžel powjedže.

Hwěžki, hwěžki slěborne,  
Po njebjesach rozsyte,  
Lilije wy rjeńše, jasne,\*  
K wam sej žadam džěčo časne,  
Pod wami sym hinity,  
Nad wami sym njesmjertny.

Witaj mi tež blyścata,  
Khryšće, hwězda wutrobna!  
Wyše křižow, wyše rowow  
Swětło twojich sluba słowow  
Krasnje hižo swěći so  
Twoje swětło, zbóžniko!

Rozsylvn pruhi, přecelna  
Rjeńša hwězda wodžeńska!  
Twoju jasność lubujemy,  
Zbóžny puć za tobu džemy,  
Swěć so, naša nadžija,  
Trošt a swětło žiwjenja!

(29. 12. 1856.)

---

\* 1. recens.: Z cémneho my chcemy kraja  
K swěćlosći do Božoh' raja,  
K wam, hdyž wočko haša tu,  
K rjeńšom' swětlej počahnu.



### Rjany swět.

**S**wět Boži rjany je,  
To na wšěch różach widziće,  
Pisana róžička  
To kóžda powjeda.

Swět Boži rjany je,  
To mile slónčko pokaže,  
Wobswěći, zwjeseli  
Swět cyły šěroki.

Swět Boži krasni so,  
To kóžde jasne žórleško  
Běžace pluskoce,  
Pić dawši slěborne.

Swět Boži rjany je,  
Na kóždu kročel widziće,  
Stworjenčku kóždemu  
Bóh čini dobrotu.

(1856.)



### Spokojnosť.

(Časopis M. S. 1856, 7.)

**N**ej spokojnosť za bohatstwo,  
Za Boži dar a šac,  
Čeść ju za žiwe žórleško,  
Kiž njese wšědnje wjac'.

Z njej prińdže zbože do domu  
A tež do wutroby,  
Z njej mysl měrnu, zradownu  
Maš swoje žiwe dny.

Njej' kral a kejžor khudźinka  
Tež w drasće purpurskej,  
Hdyž trón a króna złoćana  
Dosć jemu hišće njej'?

Njej' khudy muž na wjeselu,  
Kiž ma, štož potrjebje,\*  
A nosy so ze zawisću  
A spochi hramuje?

Haj, njepřećel swój najhórši\*\*  
Wón je a žiwy skhnje,  
Wón nima pokoj na swěći,  
Nic měr nic wjesele.

Duž spokojnosć budź bohatstwo,  
Mój złoty dar a šac;  
Chcu česćić ju za źórleško,  
Kiž njese wšědnje wjac'.

(W januaru 1857.)

---

\* 1. recens.: A měł tež wšeho dosć,  
Kiž nosy so ze zawisću  
A žiwi nahrabnosć?

\*\* 1. recens.: Haj, njenasytny najhórši  
Swój njepřećel tu je.



# Młodostne wjesele.\*

(Fužičan 1865, 81.)

Wale bratŕa nadobni,  
Rjenje zaspěwajmy,  
Swoje prawo młodosći  
Z wašnjom pěknym dajmy.

Khrobło, swobodnosć a móc  
K wjesołym puć nanka\*\*,  
Bakchus tež, tón čestny wótc,  
A z nim rjana Hanka.

[Spěw a škleńca wokoł' dže,  
Tak so džens nam lubi,  
Wokřewjenje młodostne  
Późdniši čas hubi.]

Něhdy nam filisterstwo  
Swój stoł zechce stajić,  
Druhe hrónčko pacholo  
Tehdy dyrbi prajić.

Něhdy přindže twjerdy sprah,  
Suchich lět snadź wjele,  
Tehdy młyn drje klepota,  
Ale prózdne mjele.

\* Tutón spěw, kotryž bu, kaž přispomnjenje w rukopisu praji, jako piwny spěw za Lipsčanskich studentow pěsnjeny, ma tež samsny hlós wot basnika (hl. na kóncu) abo móže so spěwać po narodnym hlósu spěwa: Štóz so mysle ženić ma (hlós hl. Tow. Spěwnik, str. 96). Tež slědujce 4 spěwy bě H. Zejler za piwne zabawy Lipsčanskich serbskich studentow spěsnił.

\*\* Po ludu za: namaka.

[Něhdy přińdu mjerzanja,  
Khrobło tež ċi spanje,  
Duž lij džensa z karana  
Zabyće přec' na nje.

Něhdy leži žona ċi  
Na šiji snadž ćežko,  
Spěwa tež: Spi, kurko, spi —  
Komu njej' žno mježko?

Něhdy přińdu starosće,  
Rostu běle włosy,  
Tehd' je přeč kćew młodosće,  
Ronja so ċi kłosy.]

Duž so zdobnje wjeselmy  
Při spěwach a wini,  
Wupyšmy sej młode dny,  
Kaž to mudry ċini. (W haprylu 1857.)

— \* —  
**Towařšny spěw.**

(Časopis M. S. 1858, 15.)

Hłós: Ha što dha muže ċinja.

**D**žeń dobry zjednočuje  
Nas k rjanej bjesadzi\*;  
Zwjazk naš je poswiečeny  
A z wyšším duchom křčeny,  
Kiž lubosć płomjeni.

---

\* Z Budyškeje narěče za: bjesadže.

Duž wutroba smy jena,  
Kiž lubosć żołmuje;  
Bjez jeje rjanoh' ducha  
Je wšitka radosć hłucha  
A kćenje paskorne.

Što tež bjez jeje slónčka  
Tu žiwe wostanje?  
Swět rjany był by, čwóda!  
Kaž něma, čmowa klóda  
A pěski puscínske.

Duž wótčinskemu duchej  
A serbskej lubosći  
Džens woprujmy tak prawu  
Najrjeńšu lubu sławu  
We bratskim towařtwi\*.

Haj, lubosć dyrbi sapać,  
Duch dobry sporić so,  
Kaž luby naš kraj rjany  
Je stajnje wokošany  
Wot wěнца zelenoh'!

(W haprylu 1857.)

---

\* Z Budyšekeje narěče za: towařtwje.

# Lipsčanski studenta.

Hlós: Dobry wječor, maćerka.

~~Wot~~  
~~Wot~~ Rodźenc w swěće sławniši  
 Musow syn je Lipsčanski —  
 Valeri, valera,  
 Musow syn je Lipsčanski.\*

Jako worjoł podslónčny  
 Zwjesela so swobody —  
 Valeri, valera,  
 Zwjesela so swobody.

Wustupi wón na hasu,  
 Wšitke woči za nim du —  
 Valeri, valera atd.

Hdžež wón rozpolaži so,  
 Zhubi so filisterstwo —  
 Valeri, valera atd.

Dobru nosy mysličku  
 Swojej Musy dodanu —\*\*  
 Valeri, valera atd.

Po prócy a drjenicy  
 Korjenic wě prózdniny —  
 Valeri, valera atd.

---

\* W přenim rukopisnym naćisku rěka refrain při kóždym hrónčku:

Valeri, valera —  
 Twój syn, rjana Lužica.

\*\* 1. recens.: Z tyšnosćemi njeznatu —

Chce pak hdy so pomróčić,\*  
To so njeda zamylić —  
Valeri, valera atd.

K pomocy ma po boku  
Karančk, spěw a trubčičku —  
Valeri, valera atd.

Wjesele sej zaspěwje,  
Hač so starosć pominje —  
Valeri, valera atd.

„Kóždy dzeń njej’ kermuša!“  
Praji wón bjez hněwanja —  
Valeri, valera atd.

Kaž so z nim tež přeměni,  
Ničo jeho njestuži —  
Valeri, valera atd.

Wuńdu-li ’mu sadžaki,  
Dołho hišće njezwróci —  
Valeri, valera atd.

Pumpus ma wón bjez měry,  
Dokelž je tak nadobny —  
Valeri, valera atd.

---

\* 1. recens.: Přindže mróčel na čolo,  
Zasmali sej žolteho —  
Valeri, valera atd.



Sam Apollo wobkruća:  
 „Tajki lud mje zwjesela —  
 Valeri, valera,  
 Tajki lud mje zwjesela!“

(W meji 1857.)

### Studentski spěw.\*

(Časopis M. S. 1858, 16.)

**H**adžež prawa zhromadžena  
 Je bratrow jednota,  
 Tam Musa njeskhmurjena  
 Je stajnje přitomna.

So bratřa zjednoćeni  
 Duž nětko posyńće  
 We spěwnych Musow mjeni,  
 Kaž naše prawo je.

Najprěńšu sławu mócnje  
 Njeh žalbowany ma,  
 Kiž z prawdosću a wótcnje  
 Lud a kraj wobhlada.

Tom' runja Lipskej sława  
 A jeho wučerstwu,  
 Dónž Plěsnja wodu dawa,  
 Wón kćěwaj za sobu!

---

\* K tutemu a slědujćemu spěwej je H. Zejler w rukopisu připomnił: Dwaj do hłosa hišće stajomnej a z teho wotpohladanja knjezej Kocorej poručenej a Lipsčanskim studentam poswjećenej spěwaj.

Kraj wótcny, króna přeca,  
A moja Łužica,  
Waj' česći slawa třeca  
A wšěch, kiž serbuja!

A štož je přirosćene  
Nam dale k wutrobje:  
To kćewaj wobzamknjene  
Do slawy štwórteje!

Tak w štworym dźećelowym  
Kćěj slawa łopješku,  
Kćěj w błyšču wšědnje nowym  
Staw kóždy tam a tu! (21. 7. 1857.)



### Gaudeamus.

(Časopis M. S. 1858, 14.)

~~W~~ ~~am~~ „gaudeamus“ poruču,  
O bratřa stari, młodzi,  
To lékařstwo je k žiwjenju,\*  
Kiž cělu, duši słodži;  
Štó wě, kak bórzy po licu  
So z horjom sylzy ronja,  
Štó wě, kak bórzy k swjatoku  
Nam zrudne zwony zwonja?

---

\* W rukopisu: Melanchthon z dobrej rozmyslu  
Je wědzał, što so hodži.

„Sunt“ kćěje džensa nad nami  
 A za sto lět „fuere“,  
 Duž hladajmy, zo wužili  
 Tu khwilku bychmy derje;  
     Ze źórła strowoh' wjesela  
     Duž čěpajmy a pijmy;  
     A dónž nam róže rosćeja,  
     Tu wěncy sebi wijmy!

Nas „vita brevis“ njestróža,  
 Nic blědej' smjerće kosa,  
 Hdyž jeno polo žiwjenja  
 Je poľne dobroh' kłosa;  
     Džeń rjeńši něhdy różowy  
     Přez čěmny row nam swita,  
     A slódke myto po prócy  
     Tam sylnych, swěrných wita.

Duž „vivat, vivant“ lubujo,  
 Dónž hoji, zawyskamy,  
 Ja měnju rjane, dobre wšo,  
 Štož zetkamy a mamy;  
     Khód lětow ducha njezlemi,  
     Nic lubosć wěčnje młodu,  
     Z tym „vivo“ lohcy přeleći  
     Duch Acherontsku wodu!

(W septembru 1857.)



# Njeswěrný luby.

(Čorný kós a drósna I, 24.)

Hlós: Ja tam widěach wrobla lečo.

Ma zahrodže pčolki bórča,  
Doma moja maćerka;  
Mało sym ji lenu plěła,  
Mólčke břemjo přinjesla.

„Njeswař, njeswař, luba maći,  
Hdyž je deščika so šło;  
Postejala sym pod lipu,  
Spěwaše tam ptačatko.“

„„Njelži, njelži, džowka moja,  
Znaju twoje ptačatko  
Po křidleškach, po pjeričku —  
Znaju lesne spěwančko.

Z hołbjom kurča, z lišku měnja,  
Złote hory nalubja;  
Do jich wohnja woda běži,  
Hrajki su jich lubosća.““

Šwórči woda po přerowčku,  
Njese z khwatom pjeričko:  
Moja mać je prawje měła,  
Pjeričko bě pacholo.

Z wětrom, z wodu je mi wušoł,  
Hdyž sym khuda služobna;  
Měla kubło, wjele pjenjez,  
By zas' přišoł nazajtra.

Přelézł by najwyšše hory,  
Čorne řeki přepluwał,  
Z lastojčkami by so wrócił  
A mi jasny pjeršćen dał. (1857.)

— \* —  
**Tři slónčka.\***

Po znatym hłosu.

~~N~~an Noah bě wińcar a žimaše kić,  
Bóh dari ji dary, nas rozwjeselić;  
Duž pjelńće pokale, njech řečniwje rža:  
Bóh žohnuj tu brěčku do džensnišoh' dnja!

A z płomjenja kićow so narodźi spěw,  
Wón wocuć a kraluj, budź wjesela kćew;  
Spěw krajan je serbski a njebieska móc,  
Wón zahanja čerta a zrudžinow nóc.

Najrjeńše to třeće je edenski kwět,  
Je lubosc, kiž krasni a wozboža swět;  
Tón z nami so towarš, kiž město ji da  
A řeka ji sotra a přecela ma.

Spěw, lubosc a winko, tři slónčka to su,  
Kaž dolho te swěća, su jandželjo tu;  
Či pućik nam časny rad wobwěncuja  
A bjesadu serbsku tež njewopušća.

(W septembru 1858.)

\* Tutón spěw za zwjeseliny Budyšskeje Serbskeje Bjesady 9. novembra 1858 pšenjny bu na papjerku čišćany a tehdy při Bjesadźinej swjedźeńskej hosćinje spěwany.

# Mysl srjedź zymy.

(Serb. Now. 1858, 125.)

**H**dyż budźa štomy zelene  
 A škórcy hwizdać wjesołe:  
 Tehd' sněhi wjacy njekřipja  
 A wokna brodu njenoša,  
 A ćěсны stysk je přetraty,  
 Viktoria sej spěwamy.

A wonja hakle kćeničko,  
 Zo pčołki cydźa bohatstwo:  
 Tehd' zeleny brjóžk, zahroda  
 Pod sepjemi wjac' njestona,  
 My spěwamy: k nam witajće,  
 Wy rjeńše časy nalětnje!

Hdyž kukaju zas' kokule,  
 A rosa z nowa hwěžkuje:  
 Tehd' žołma putow swobodna  
 Čołm pisany zas' koleba,  
 My womłodźimy z wjeselom  
 A z posylnjacym nadźećom.

A móžemy zas' w trawje spać:  
 Tehd' dyrbi wona wěsće tkać  
 Nam nowe sony zelene,  
 Do lutyh kwětkow powite,  
 My pónđžemy zas' na hory,  
 Na wokřewjace wuhlady.

A přińdže potom swjaty Jan,  
 Wšěch rjanych różow miły nan:  
 Tehd' mamy zemju njewjestu  
 A spěwamy kaž na kwasu,  
 My chcemy lětej wěnašk dać  
 A jeho wobwod žohnować. (1858.)



### Bjesadna radosć a lubosć.\*

Hrós: Khatyržinka swěrna moja.

[~~XXX~~ Myskaj džensa w lubym wěncu,  
 Serbowska ty bjesada!

Aj, aj, aj! kóždy praj:  
 Hdže je žana wěncowana  
 Zwjeselenša hodžinka?

Nowe džens ci prawo damy,  
 Džowka ty z Elisija.

Aj, aj, aj! kóždy praj:  
 W twojim slubi so nam lubi,  
 Wutroby so womłodža.

---

\* Tutón spěw, najprjedy na wosebitym łopjenu ćišćany a w Fiedlerjowym „Towařinym Spěwniku“ (str. 116) z nowa woděšćany, bu wot H. Zejlerja za založenjski swjedžen Budyšekeje Serbskeje Bjesady (7. febr. 1859) pěsnjeny, započina pak so tam z 3. hrónčkom, kotrež takle rěka:

Ponow z nami sluba prawo  
 Džensa radosć jasniša;  
 Aj, aj, aj! kóždy praj:  
 W twojim slubi nam so lubi,  
 Džowka ty z Elisija!

Hrónčka 1—3 a 7 su ze zawostajeneho rukopisa.

Ponoŭ z nami slub a rozswěć  
Njebjesa nam serbowski.

Aj, aj, aj! kóždy praj:  
Ach ty jasne njebo krasne,  
Twoje slónčko wokřewja!]

Sypaj škrě, ty hwězda serbska,  
Žohnuj swjedzeń Bjesadzi;

Aj, aj, aj! kóždy praj:  
Njech so swěći w zymje, lěci  
Kóždy dzień kaž džensniši!

Witaj do wěncu tež lubość,  
Róža serbskej' zahrodki;

Aj, aj, aj! kóždy praj:  
Dlěje rjeńšo, zyboleńšo  
Krasność twoja zaswěći.

Wostań bójstwa poľna sotra,  
Duch a žiwjel Bjesady;

Aj, aj, aj! kóždy praj:  
Radość jasni, lubość krasni  
Bjesadu, štom zeleny.

[Radość, lubość, wamaj sława  
A wšěm, kiž tu serbuja!

Aj, aj, aj! kóždy praj:  
To je prawa naša sława  
W krónje serbskoh' žiwjenja.]

(W februaru 1859.)





### Khwalba pohonča.\*

~~W~~ajzróstniši jědlenka štomik je,  
W lěsu knježi zelenym:  
A pohonč mi pacholo wjeselše  
W cyłym swěće kulojnym.

Nic krónu, nic sceptar wón njerodźi,  
Knjejstwo ćežke kralowske, —  
Hdyž derje jom' steja, du brunački,  
Jemu česć a radosć kće.

Hi hotoh, hi hotoh! wón zapraska,  
Pušći konjow spěšneju;  
Přez hory, přez doły wóz klepota,  
Pleska scísnyje z radosću.

„K nam witaj, k nam witaj, mój pohončo!“  
Woła kóžda korčmařka  
A słužić jom' pokhwata směwajo,  
Piwo, winko naliwa.

Daj, holičo rjane, mi ručičku,  
W módrej fali pohončej,  
Če z klinkotom, z wyskanjom powjezu  
W wěncu, w borće wěr'wanskej.

A widziš mi pacholo žane hdže,  
Kotrež spěwa, zahwizda —  
To nadobny pohonč, pak rajtar je,  
Kotryž konja lubo ma.

(16. 5. 1859.)

---

\* Přir. pohončowu pěśničku, zwj. III, str. 60.

# **Sława kulejnemu kralej.\***

Juchaja, juchaja!  
Wjes cyła njech spěwa  
A prawu daj sławu  
Tom' kulejnom' kralej!

Hoheja, hoheja!  
Za znamjo na ramjo  
Duž wzmimy a džimy  
Do reje z nim sławnej'!

(1859.)

---

\* Zejleŕ chcyše z woprědka tutón spěwěk do operetty „Jakub a Khata“ přijec.

# **Wuznaće horliwego wótcinstwa.**

~~K~~áž něhdy w Kołobřegu knjezyk,  
Muž njenahladny, postany  
A džeše: To mi nichtó njezyk\*  
Wo přepodaću twjerdžizny;  
Ta dyrbi našom' kralej wostać,  
Hdže hewak hłowu połoži,  
Tu Bonapart wšak njesmě dostać,  
Ta je naš wuček posledni.  
Po słabej mocy swěru stara  
Tak Nettelbek so z dowěru,  
A hlaj, hač njepřećel tež jara  
Móc napina na twjerdžiznu,

---

\* Po ludu za: njezykni resp. njezukni.

Přec' wona tola knježna wosta,  
Kak wulki dźiw! — a njepadže,  
Přez Gneisenaua pomoc dosta,  
Kiž doruna, štož brachuje:

Tak, lube Serbstwo, ja so starach  
Po słabej mocy za tebe;  
Njej' dosć na mojich snadnych darach,  
Kiž lubosć k tebi źórleše?  
Njech tež so přemóc na nas měři,  
Ja wostanu waš njehnuty,  
A jako mje, was wšitkich ćeri  
Tež runy duch, tak horliwy.  
Duž sława wam! wy Serbstwa stawy,  
Zo kóždy by muž kruty stał,  
We tutym duchu žiwy, prawy  
B'dže kóždy sławny Gneisenau!

(20. 9. 1860.)



### Božemje wotkhađaceho lěta.

(Lužičan 1860, 81.)

**R**unjež k kóncej khwatam, nochcu so rudzić,  
Zo přeč dyrbbju wot tudy,  
Što tež tupy šědźiwce zamóžu zbudzić,  
Duž chcu čahnýć njetyšny;  
Štož što dobre wusyl je,  
Z radosću plód k lětu žnje —  
To je moje božemje!

Ale zachodnosće džěci wy moje,  
 Hdyž sće k rowu njesli mje,  
 Kiž wy nazhonišće kóžde to swoje,  
 Jene pak mi njezmylće:  
     Džak za horjo zańdžene,  
     Džak za dobre wužite —  
     To je moje božemje!

Žnjeńcy pilni a wy serbowske pola,  
 Hdžež klós rosće złočany,\*  
 Hórki, doły, haj a zelena hola,  
 Hdžež spěw słyšach někotry:  
     Bóh was žohnuj z miłosće,  
     Daj tež k lětu wjesele —  
     To je moje božemje!

Božmje přiwołam tež z hory do doła  
 Synko „Łužičano“\*\* ci,  
 Twoje lube znamjo wutroba khowa,  
 Z teje njezhubiš so mi;  
     Jako róže saronske  
     Twój kćew njech so rozwije —  
     To je moje božemje! (W novembru 1860.)

---

\* 1. recens.: Hdžež snop płódžach zornity.

\*\* Basnik měni časopis „Łužičan“, kiž runje swój přěni lětnik skónči.



Njeh přeco je, kaž chce.

**K**a póndu tež přez hory, dolý  
A dyrbju-li pót rozliwać,  
To njecham być ja swojej' hlowy  
A chcu sej něšto lubić dać;  
Njeh přeco je, kaž chce,  
Wšak w swěće wšo je njecyle.

Njeh nimam bohatstwo a šacy,  
Kaž wulki Mogul wobsedzi,  
Zo jeno njewostanu tčacy  
Bjez přecelow we khudobi;  
Njeh přeco je, kaž chce,  
Wšo měc tež njeje radžene.

Poćmiwa-li so njebjo druhdy,  
Chce trašić mje džen wichorny,  
Štó wě, štó za lěto je khudy,  
Štó wjesoły a bohaty?  
Njeh přeco je, kaž chce,  
Štož spočatk ma, njej' njeskónčne.

(1860.)



**Přeslapanje.**

**J**a pasech něhdy zrudobu,  
Mi zlě a ćežko bě,  
Duž džech na holu zelenu,  
Tam slyšach wołanje:  
Kukuk!

„Z tym létkom“, myslach při sebi,  
 „Khód mój so dokonja!“  
 So swěći hišće slónčko mi  
 A kuka kokula:  
 Kukuk!

Duž w holi «hut, hut» zběhny so  
 Hlós džiwny nazdala  
 A z kokulinym na přemo  
 Mi zynči do wucha:  
 Huhut! kukuk!

A prjedy hač so wohladam,  
 So w haľzach skhróskota  
 A smějo stejí Hanka tam  
 A wonječko mi da:  
 Huhut!

Ja stejach, kaž był w njebiesach —  
 Preč mjez tym Hanka bě,  
 A z wjes'lom ničo njeslyšach  
 Hač stajnje klinčenje:  
 Huhut! kukuk!

(1860.)

— \* —  
**Studentski spěw.**

(Tow. Spěwnik, str. 105.)

Po znatym narodnym hlósu.

~~W~~šitke, wšitke moje šěsnaki  
 Su mi z móšnje zlětali\*,

\* Po holanskej narěči za: zlětale.

Štož jeno tón jedyn nic,  
Tón wot lubej' najlubšej'.

Wšitke, wšitke moje kroški su  
Wopušćili móšničku,  
Štož jeno tón jedyn nic,  
Tón za listonošerja.

Wšitke, wšitke moje pjenježki  
Su so tež mi minyli,  
Štož jeno tón jedyn nic,  
Tón, kiž mam za prošerja.

Wšitcy, wšitcy moji dolžnicy  
Čakaju na pjenjezy,  
Štož jeno tón jedyn nic,  
Tón, kiž piše do wuhnja.

(1860.)

— \* —  
**Rozmyslenje.**

(Lužičan 1860, 66.)

Po znatym narodnym hłosu.

~~Wšitke~~ Wšitke, wšitke moje šěsnaki  
Z móšnje su mi zlětali —  
A štó je wšě rozehna  
Hač ta lohka myslička?

Wšitke, wšitke moje wosmaki  
Ze zaka su skočili —  
A štó je wšě zwupušća  
Hač ta lohka myslička?

Wšitke, wšitke moje slěborny  
Skulachu so přez porsty —  
A štó je wšě wuhwizda  
Hač ta lohka myslička?

Ale, ale lohka myslička,  
Kak ty klukaš pachoła —  
Pozdže hlada za ložom,  
Stawa z kočim mjerzanjom.

Božmje, božmje dam ci wot džensa,  
Rozpušćena myslička,  
K našim domoj nětko chcu,  
Twój kamjel wjac' njebudu!

(1860.)



### Kedźbuj!

(Spěwy za serbske šule I, 19.)

**S**ćipaj róže, dónž je čas,  
Jutře džensa njej';  
Spěšnu hodžinku sej pas,  
Bjeř ju k wužitkej!

Składnosć džensnu sebi waž,  
Wzmi ju do ruki;  
Bóh wě, hač ju jutře maš  
A sy na swěći.



Dobre činić njeskomudž;  
Kajawkow to da.  
Čas ma křidła, dže swój puć,  
Nikoh' nječaka! (Wokoło 1860.)



### Što spěwać?

(Spěwy za serbske šule I, 37.)

**S**pěwaj, komuž spěw je daty,  
Jandželjo tež spěwaja.  
Złóštnik, w swojich hrěchach jaty,  
Nima lóšć do spěwanja.

Spěwaj, štóž kaž ryba w wodźi  
Strowy džen 'šće wužiwa,  
Komuž burski wobjed słodźi  
A je duša spokojna.

Spěwaj, kohož dobre hnuje,  
Wužitny je bližšemu,  
A hdyž wječor wobzamkuje,  
Z čistej wusnje wutrobu! (Wokoło 1860.)



### Mudrosć žiwjenja.

**N**jech so mudri wupjeraja  
Z wulkej swětnej mudrosću,  
Hwězdarjo njech njebo znaja  
A njech horje kukaju;

Po prošenu z měchom bosa  
Wědomstwa jich běhaju,  
Njeznaja-li naše hłosa  
Wo lubej a wo winu.

Slónčko rano złote skhadža  
Z wulkej rjanej krasnosću;  
Pruhi złoćane so zdadža,  
Štó je wita na zemju?  
Kohož Bože skutki hnuja,  
Kohož lubosć wohrěwa;  
Wutroby, kiž Boha čuja,  
Na ranju so wjesela.

Bohaći njech twarja hrody  
A njech zemju wobroća,  
Naposledku tola spody,  
Spody njeje přetłaja.  
Njejsu tudy zaspěwali,  
Što je jim to pomhało?  
Najlěpše su přepóznali  
Čłówske zeńske kubleško.

(Wokoło 1860.)

**Khwalba horow.**

~~Wjedź~~ Wjedź Musa, wjedź mje wysoko  
Na skalnych horow čola,  
Tam knježi strowe powětro  
A k zradowanju woła,

Tam wutroba so rozšěri  
We dźiwow połnym wuhladźi  
A křidło swobodnosće  
Ji z nowej mocu rosće.

Do zybolatoh' podnjbja  
So hory wupinaju  
A pija slónčne płomjenja,  
Tež lubje zadymaju,  
Hdyž młody dzeń so narodźi  
A do wočow jim zaswěći,  
A ptačina tam spěwa  
A swoje hrónčka džěla.

Tu brune šmrěki khabłate,  
Tam róstna jědla běla,  
A brězy, buki jadriwe  
Do mróčel ćěrja ćěla,  
Njech wichory a hrimanja  
Jim přez hłowu tež ćahaja,  
To njej' jim postróženje  
A •mocow poslabjenje. (Wokoło 1860.)



### Wjesela róže.

Wjesela róže  
Mi zwjadnyłe su,  
Skhileny, zrudny  
Ja nimo nich du.

Nimo wšak, nimo  
A zašlo je wšo,  
Nihdy mi wjacý  
Nětk njewróća so!

Wjesela róže,  
Čas maće, mi rosc;  
Krjepił ze sylzu  
Sym dawno was dosć.

Wjesela róže,  
Wy blazniće mje!  
Zrudźba je stajna,  
Kaž žiwjenje je.

(Wokoło 1860.)

### Łužičanowe předśłowo.

(Łužičan 1861, 17.)

„~~N~~owe lěto, nowe časy“,  
Klinči z blizka, z daloka,  
Z nowym khroblom buch tu zasy  
Tež ja, wótcna Łužica.

K wutrobje mi přirosćena,  
Moja najlubša džě sy.  
Duž ta šćežka nastupjena  
Mje tež nikak njemjerzy.

Wostań doma, zyma třeska!  
Słyšu někoh'žkuli rjec,  
Posl'chaj, kak sněh rjapa, wrěska,  
Chceš ty, štož je zmjerzło, pjec?

Mjelč mi, studła, zmjerzła duša,  
Njemóžeš mje woprijec,  
Wěš, što dwělowarjej słuša?  
Njebudžeš mje narěčeć.

Rađiny a wobćežnosće  
Wěrna lubosć přewinje,  
Z wojowanjom móc ji rosće,  
Z wěstosću tež płody žnje.

Zbudźować a zakitować,  
Powučec a zabawjec,  
Nowe twarić, stare khować —  
To mje ćeri wukhadźec.

„Serbjo smy a chcemy wostać“,  
To tež lětsa wuznaju,  
Přibytk nadźija ma dostać:  
Přez zymu dže k nalěcu! (W januaru 1861.)

— \* —

### Lumir.

(Lužičan 1861, 145.)

~~XX~~ ~~XX~~ a Lubinje w tych šmrěkach  
Je dźiwne zynčenje,  
Kaž bychy truny byle  
Tam štomow hałžki wšě.

Je slónčko w swój dom zašlo  
Na swjedzeń Janowy:  
Duž wocuća te truny  
A klinča soninscy.

Njej' Hilžička ěi hrózbno  
K tej horje pokhwatać?  
Praj, kajke su to hudźby?  
Ja sam chcył posłuchać.

„To Lubinske su harfy,  
Hdyž Lumir přišoł je  
A starym kralam serbskim  
Spěw nowy zahraje.

Tak zaspěwa jim krasnje,  
Zo wopušća swój row  
A swětłeška so miškrja  
Přez horu a přez dol!“

(1861.)



### Zamołwjenje.\*

(Lužičan 1861, 161.)

**D**žens je mi tak wjesele,  
Zo njem'žu wuprajić;  
By mój lóšt koho pohóršał,  
Tom' zjawnje bych ja wotmołwjał:  
Džens je mi tak wjesele,  
Zo njem'žu wuprajić.

Lidorić wěc moja njej',  
To wšitcy znajeće;  
Sym pak hdže stupił přez smužku,  
Njeh wopomń kóždy z dobrotu:  
Džens je mi tak wjesele,  
Zo njem'žu wuprajić.

Sadžakow tych swěcatych  
Sym tójšto wukulił;  
Ja praju: Luba móšnička,  
Wěš ty to prawe čehodla? •  
Džens je mi tak wjesele,  
Zo njem'žu wuprajić.

---

\* Tutón spěw je za zabawy Budyšskeje Serbskeje Bjesady  
pěsnjeny.

Kapony žno spěwaja,  
 Ja njejsym hišće dom;  
 Zlě, nócnik měni, zlě mi je —  
 Ja pak mam listy hinaše:  
 Džens je mi tak wjesele,  
 Zo njem'žu wuprajíc. (1861.)

— \* —  
**Nadžija.**

~~Nadži~~  
~~Nadži~~ nadžija trošt naliwa!  
 Kak tež hewak móhlo so žiwjenje plesć,  
 Kak dha móhli zymu a ćoplotu znjesć,  
 Hač z nadžiju?

Hdyž wječor ćma so nakida,  
 Kak dha móhl so přez tele ćemnosće bić,  
 Nócny pućik samotny po holi hić  
 Bjez nadžije?

Strach lódnika tež zajima,  
 Šumi morjo, ruje wšo rozzłobjene,  
 Mysli wón, zo hišće tu nadžija je,  
 A bėdzi so.

Hdyž nazymu přeč ptački du,  
 Aj, ja myslu: Z nalěćom zaso tu sće,  
 Dinderala z nowa mi zaspěwaće  
 Pod lisćičkom.

A wozmje-li wětr kłobuk mi,  
Leć ty božmje! myslu w tych wichorjenjach,  
Wšako hłowa steji 'šće na ramjenjach,  
A stroštny du.

A wuńdu-li mi sadžaki,  
Aj, ja myslu: Časy so přeměnjeja,  
Bóh wě, hdže so nowe zas' wulehnjeja,  
Te swěćate.

A zdychuju pod kwakulu,  
Aj, ja myslu: W swěće kónc wšitko wšak ma,  
Tolšte postronki so tež roztorhaja,  
Duž dočakam.

A njemóžu tež přahać tu  
Złote koniki do rjanoh' wozyčka,  
Du ja pěši, njejsym woš pokhmurjena,  
Mam nadžiju.

(1861.)



### Lumirskemu towařstwu.

*Z* mlodej meju wróća  
Zahonam so trawički,  
Štomam kudžerki,  
Z husličkami, z piščelami\*  
Polo, dwór a hajnišća  
Ptački wožiwja.

---

\* Po delansku za: piščelemi.



Khatyržinka, posl'chaj,  
Kajcy su to hudźbarjo,  
Mócní spěwarjo.  
Z husličkami, z piščelami  
Zbudźichu tež Lumira  
Z jeho popjeła.

Khatyržinka, posl'chaj,\*  
Kak so Serbstwo wonowi  
W spěwnej lubosći:  
Kaž we meji, zemja steji  
Pyšna jako njewjesta  
A je wjesoła.

(1861.)

---

\* Variant: Witaj, Lumir, witaj,  
Ty Apollo słowjanski  
Witaj w Budyšni.



Što bych a njebych.

**R**ad na horach chcył ja bydlіć,  
Z horow dele zhladować;  
W zymje wichornej tam sydlić,  
To pak njecha so mi zdać.  
Dinderalalala,  
W dole so tež bydlіć da!

Što na horach, w skalnej holi  
Dolho započnu tež sam?

Khěžku za čichim po doli,  
Lubych w kraju delkach mam.  
Dinderalalala,  
Hdžež ty sy, mam statok ja!

A muž bohačk był ja rady,  
Kukał z hrodu marmornoh';  
Bych pak tórnił, lakł sej pady,  
Aj, što za tym młodzi so?  
Dinderalalala,  
Z nizka so tež bydlić da!

Króny, parle, wysokosće  
Parować, mje nježaha;  
Pod hórku tež róža rosće,  
Spokojneho zwjesela.  
Dinderalalala,  
W dole kće naj' róžička!

(1861.)

— \* —

### Nalěće a lyra.

(Lužičan 1862, 33.)

**K**und ptači bu tu zasy  
Ze spěwom do kraja,  
Po styskach rjenje časy  
K nam du, viktorija!  
Mi dajće moju lyru,  
Tež ja chcu zaspěwać  
A zabyć zymu jěru,  
Jej rady božmje dać.

Po škrtow prózdnej žołmje  
 Zas' lódník zjězdzuje  
 Na lódzi a na čołmje,  
 A dobytk jemu kće;  
     Mi dajće moju lyru,  
     Mje złoto njewabi  
     A k žołmje nimam wěru,  
     Mje spěwać wokřewi.

Tam falaći won džeja  
 Zas' twarcy k twarjenju  
 A kamjeń připrawjeja  
 A šmrěki česaju;  
     Mi dajće moju lyru,  
     Ta je mój ručny grat,  
     Zynk rjany ma přez měru,  
     Z tej džělam lubje rad.

Do prócy z nowa čěri  
 So ratař na polo  
 A do přědka žno měri  
 Žnjow złote bohatstwo;  
     Mi dajće moju lyru  
     Do ruki zwólniwej',  
     Mój šac je: spěwać swěru  
     A dźeržeć k Lumirej!

(1862.)



### Meja.

(Lužičan 1863, 97.)

~~W~~e pyšnosći steja  
Wšě zahony zas';  
Budź khwalena meja  
A rjeńši twój čas.

Kak poľna sy hudźby  
Přez hona a haj,  
Kak minu so zrudźby  
A wotkhorì kraj.

Pój, žohnuj a překhodź  
Doľ, hory a krjo,  
A wot tudy njekhodź,  
Hač zakćewa wšo.

Sy zachodnosć takle  
Pak wupyšena,  
Što krasniše hakle  
Raj njebieski ma!

(7./6. 1863.)

### Tajne rudźenje.

(Lužičan 1863, 97.)

~~W~~i čeknyłe směwki su z woblića,  
Haj, smjerće sej nimale prošu,  
A wšitcy mi ludźo so dźiwaja,  
Kak zbitu ja wutrobu nošu;  
O byšće wy ludźo to zhódali,  
Wy nchtó so njebyšće dźiwali.

Ha wšitcy tež ludźo so postorča,  
Zo zminu so wjesoľych hrajow,  
Zo samotny pućik mje wokřewja,  
Pak žedźu do dalokich krajow;  
O byšće to «čehodla» wědzeli,  
Wy nchtó mje njebyšće swarjeli.

Na keřchowje hórka je mjelčaca,  
 Tam prochnu mi radosće kryte,  
 Rósmarja a ruta je přikrywa  
 A kwětki na wutrobu syte;  
 O było wam znate, što wšo tam spi,  
 Wam hinak tež njebyło k wutrobi.  
 (1868.)



### Nowe wuhlady w Schleswig-Holsteinskej.

(Selfgovernment.)

Do Schleswigskej' ja počahnu,  
 To je kraj z prawej swobodu,  
 Tam budža ludžo hłosować,  
 Koho za wjercha sebi wzać.

Bjez dwěla móža wučinić,  
 Kak jich ma wjerch tež wobknjezić,  
 Bjez dwěla budže kóždy sam  
 Swój knjez tež potom wšědnje tam.

Za džak, toh' wuzwolenja dla  
 Wjerch darnu ruku wotewrja,  
 To wěsće njeje prózdny pórk,  
 Duž «vivat!» dom Augustenbórk!

So drěć tu z džěłom je mi směch,  
 Duž dawno moju khěžu běch  
 Na prózdne dny ja natwaril,  
 Nětk sym jej rohi založil.

Nětk čahnu won do Schleswiga,  
 Tam moja kčěje swoboda,  
 Tam cyły džeń ja bumluju  
 A kohož zechcu, zhudluju.

Tam padže danske přisłowo:  
 „Chceš něšto měć, dha prócuj so“,  
 Tam wšitke stare požčenki  
 Nětk leža morwe w swojej krwi.

Chce so štó ze mnu na puć dać,  
 Tón daj so ruče zapisać,  
 Zo njeby lěnja komuda  
 Jom' tajke zbože rubiła.

(1864.)

### Schleswig-Holsteinska.

Dopomnjenka na 18. hapyrła 1864.

(Łužičan 1865, 113.)

**D**už k prawu swjatom' narodnemu  
 Nětk Schleswigskej bu pomhane,  
 Mječ dobywaŕski dóńtej złemu  
 Kraj němski Danstwu wutorže.

Sće Němcy pak wy byli sami,  
 Kiž tele skutki činješće?  
 Ně, Słowjenjo tež běchu z wami,  
 Jich mječ tež sobu rubaše.

Na bitwišću tam leža čěla  
Tych wojowarjow rycérskich,  
Je smjere tam jeno Němcam kčěla,  
Njej' mnohi Słowjan tež při nich?

O někotry tež zakrasnjeny  
Tam Słowjan leži ranjeny  
A wudychany, wukrwawjeny  
Je z danskej pjeršću přikryty.

A słuša jeno wam wša sława,  
Wy sylni Teuta synojo,  
Wěnc česćow, kiž Bellona dawa,  
Što wuznawaš ty bitwišćo?

Ně, Słowjenjo su wobdžěleni  
Na tajkej sławje porunja,  
Na kraju, morju zjednočeni  
Wěnc runej' česće zasłuža.

A Schleswig-Holstein wumóžene  
Nětk radosćiwje němcuje;  
A kajke myto wučinjene  
Bu za was, ludy słowjanske?

O Němcstwo, skhowaj wšitku sławu  
Za našu krej a sylzow dosć,  
Zdžerž domach swobodu nam prawu  
A škituj našu narodnosť!

(1865.)



## Wojnař.

(Lužičan 1865, 54.)

K čěskemu hłosej: Žežhulinka kuká.

**K** wjeselom chcu wuznać:

Ja sym wojnař, hahaha,  
Štóz mje woprašá;  
Wot karejty hač do kary  
Dosahaju moje twary,  
W zymje, lěće, hahaha,  
Swět mje potrjeba.

Ma bur džělać rolu,  
Moja ruka, hahaha,  
Grat jom' wobstara;  
Chce-li kral na wójnu čahnyć,  
Dyrbi mi do wozow přahnyć,  
Kiž sym krute, hahaha,  
Jemu džělał ja.

Kajka radosć: jězdzić  
A so přewjezcć, hahaha,  
Hdže to njekhwala?  
A te wšelke wozy pyšne  
Kak te klepotaju spěšne  
Po wšěch dróhach, hahaha,  
K česći wojnarja.

Što měł wbohi khribjet  
Čerpić, wustać, hahaha,  
Njebył w swěće ja;



Njechaš-li so bědny nosyć,  
Dha so dyrbi wojnar prosyć:  
Džělaj, bratře, hahaha,  
Twoje zložadla.

Žołma nosy čołmy,  
Moje koło, hahaha,  
Zemja wěsćiša;  
Nosyć ma přes doły, hory  
Moja wóstka kupcow twory  
Ludžom hakle, hahaha,  
Z kraja do kraja.

K wěrowanju, k křćenju  
Štó by njechał, hahaha,  
Rjanoh' wozyka?  
Te chcu ja najradšo džělać,  
Z kwasarjemi ducy spěwać:  
Rjane holčo, hahaha,  
Lubuj wojnarja!

(1865.)



### Nalětni spěw.

(Lužičan 1865, 114.)

K čěskemu hłosej: Žězhulinka kuká.

**K**ajak je to powěsć,  
Nowa powěsć, ha ha ha,  
Štó ju přinoša?

Škowroněk zasy polo wita  
Spěwajo, hdyž rano swita,  
Trylom trylom, tri tri tri,  
Trylom trylom tri.

Kajcy su to hosćo,  
Nowi hosćo, ha ha ha,  
Ćahnu wot połdnja?  
Škórцы zas' na lipje sedža —  
Serbski, němski hwizdać wědža:  
Fijom fijom, fi fi fi,  
Fijom fijom fi.

Kajcy su to hercy,  
Nowi hercy, ha ha ha,  
Ćahnu do dwora?  
Łastojčka zas' hrjadu pyta,  
Swoje husle z nowa spyta —  
Widly widly, wit wit wit,  
Widly widly wit.

Kajka je to Jěwa,  
Wćipna Jěwa, ha ha ha,  
Šěra lěsařka?  
„Wšitko widžu“, wona woła,  
„Štož so w polu, haju khowa!“  
Kokulinka, kuk kuk kuk,  
Kokulinka, kuk!

(1866.)



## Styskanje po domje.

(Lužičan 1865, 145.)

**S**teju na horach,  
Mi styšće so tam,  
K domu tam hladam,  
Kak daleko mam.

Khodžu po dole,  
Mi styšće so tam,  
Hódam tu stronu,  
Hdže statok swój mam.

W holi a w haju,  
Kaž rjenje tam je,  
Domoj štom kóždy  
Mje pokazuje.

[Myslu na zbože,  
Hdže kćěło mi je,  
Dha k domu čehnje  
Tež myslička mje.

Khowa so slónčko,  
A je-li dom šło,  
Mócnje tež styšće  
Mi po domje so.]

Njese mje koło,  
Ab' njese mje čołm,  
Myslu sej ducy,  
Hdy wrócam so dom?

[K domu přec' čehnje  
Móc magiska mje,  
Doma je rjenje,  
Tam zbože mi kće.]

Dróhař sym wšědny,  
Dom troštar mi je,\*  
Woła tež k hwězdam  
Dom posledni mje!

(13. 9. 1865.)

\* W rukopisu: Dom pře wšo mi dže.



## Цпы.

K čěskemu blósej: Žežhulinka kuká.

**K**ajke su to zwony,  
Dźiwne zwony, buc, buc, buc,  
Klinča w bróžni buc.

Tajke zwony rjenje zwonja,  
Burej klós a truki ronja,  
W bróžni klinča buc, buc, buc,  
W bróžni klinča buc.

(1865.)



### Bjesadne hrónčko.

**J**a sym ja, a ty sy ty,  
Ruku sebi damoj,  
Cyły swět budź překorny,  
Mój so lubo mamoj.  
Trudi, rudi, ralala,  
Trudi, rudi, rala,  
Cyły swět budź překorny,  
Mój so lubo mamoj.

Strowje tebi, strowje mi!  
Swój puć kóždy džemoj,  
Hromadže pak w lubosći  
Stajnje hłosujemoj.  
Trudi, rudi, ralala atd.

My smy my, a wy sće wy,\*  
Kóždy swoje płáči,  
K zabawje so zeńdžemy  
Jako lubi znaći.

Trudi, rudi, ralala atd.

---

\* 1. recens.: My smy my, a wy sće wy,  
Ale bratřa tola,  
Wšitcy pěkni ludžo smy,  
Kiž rad sedžo smola.

Štóz so z nami towarši,  
Je na drózy prawej;  
Sława našej bjesadzi,  
Sława kóždom' stawej!  
Trudi, rudi, ralala atd.

(1865.)



### Třo pacholjo.

**P**ři khlódnym winje sedžachu  
Třo pacholjo — hajda!  
A swoje zbože khwalachu  
A swoje holiča.

Kak je to njebo wysoke,  
Tón přeni zaspěwa,  
A moje holčo najrjeńše,  
Kiž wutrobu mi da.

Kak je tón swět tak šěroki,  
Tón druhi započa,  
Ta moja, wěrcě, bje wšěmi  
Je najbohaćiša.

Kak cyły swět tak falšny je,  
So třeci slyšeć da,  
Ta moja, džěćo swěrnosće,  
Mje lubšo hač so ma!

(Wokoło 1865.)



# Rada a wotrada.\*

(Lužičan 1866, 182.)

Po čěskim hłosu: Když jsi ty, sedláčku, pán.

Buriko, chceš mi być knjez,  
W škleńčanym wozu so wjez,  
Wuswětluj škórnički,  
Košlu z manšetkami  
A tež pomady sej kup,  
Hewak sy kałowy hlub.

Marša, chceš knjeni mi być,  
Wjac' njedaj lenu sej syć,  
W běłym khodź hamanje,  
W židže a somoće —  
A tež glasejki sej kup,  
Do hródže tajkale stup.

Holičo služobne, hy,  
Hlej, zo ty knježnička sy,  
Přepychuj swoju mzdu,  
Špihel noš w dybzaku,  
Wobručow pod suknju kup,  
Po knjejsku drypotaj stup.

Michale, njechaš być bur,  
Cigary jeno ty kuř,  
Němcuj z tej drascićku,  
Připasaj wotrohu,

\* Přenje napismo basnika bě:

Prózdne wjeřby w serbskim kraju.

Bura šmór z durjemi won,  
K lětu sy wěsće baron.

Aj aj aj! ludźički, aj!  
Nós němski, serbski tón kraj!  
Horda ty myslička,  
Nječiń so wopica;  
Brězy su wšudžom a prut  
Za blazny, hordžity lud!

(9. 11. 1866.)



### Khudy muž.

Po čěskim hłosu: Když jsi ty, sedláčku, pán.

~~Kh~~hudy a nizki ja sym\*  
A wostać dyrbjú — to wěm;  
Za to sym spokojny,  
Strowy a wjesoły;  
To mój šac najlubši je,  
Tysacam hórje so dže.

Něchtó ma na dosć pjenjez,  
Je wulki, nadobny knjez;

---

\* 1. recens.: Nizki a khudy ja sym,  
Kaž ryba strowy při tym,  
Duž mje to njehřejbe,  
Druhim so hórje dže —  
Króny tež wobćežne su,  
Tež wulkich khorosće dru.

Maľko pak wjesela  
W swěće wón wužiwa,  
Z khorosću dyrbi so bić,  
Bědny so sukać a wić.

Dyrbju tež druhdy so drěć,  
Hdyž mój kus khlěba chcu měć:  
To pak so wutroba  
Spušća přec' na Boha;  
Bohatu ruku Bóh ma,  
Hdyž zechce, na dosć mi da.

K džělu Bóh postajił mje  
Kaž ptački k lětanju je.  
Štoha mi wadzi to?  
Wozmu jo za lubo;  
Sprawnje a čestnje duž chcu  
Žiwic so na swěće tu!

(14. 11. 1866.)



**Ja sym Serb, Serb wostanu!**

(Zlámek.)

✱  
Ja, ja sym Serb! wěš, znaješ barby moje?  
To módra, čerwjena a běla je;  
Te barby woznamjenja česće troje,  
Je woznamjenja našich wótcow khorhoje.  
Lud serbski pyši swěra  
A přecelnosć a wěra,  
Te noša módru barbu njebjesku —  
A ja sym Serb — a Serb tež wostać chcu.



Zo z lubosću za krala a kraj wótcny  
 Serb swoju różowu krej wopruje,  
 Zo w strachosćach a křižu steji mócný,  
 To čerwjeneje barby znamjo je.  
     Lud serbski lubosć dycha,  
     To njebieska je pycha,  
 Duž khorhoj ma wot zerjow barbjenu —  
 A ja sym Serb — a Serb tež wostać chcu.

(1866.)



### Přeslapanje.

(Zlámek.)

A.: Jutře dyrbju wot tebe;  
     Jutře dyrbju čahnyć,  
     Spušćić, rjane holčo, će,  
     Ach, móhl ja će kranyć!

B.: Aj, ty helski paduše!  
     Ja chcu jeno stanyć. —

C.: Jutře bjerješ božemje,  
     Wutrobu wzmi sobu,  
     Moje wóčko sylzuje,  
     Myslička je z tobu.

B.: To mi směšny kamjeń je,  
     Kamjeń na wutrobu.

— — — — —

Aha, aha! dwaj slepoj\*  
 We putach lubosće,  
 Wój ćeleći njelepoj\*,  
 Waj' djaboł zawjedł je!

(1866.)

\* Dialektiska twórba za: slepej, njelepej.



### Pola Skalicy.

Dopomnjenka na 28. junija 1866.

A. Prěni wudźěłk.

Pod Skalicu, po doli  
 Tam wojak zmužiły  
 Krej rozliwa na poli  
 Do smjerće ranjeny.

Jom' leži morwy druhi  
 Pod głowu na zemi  
 A měsačk želne pruhi .  
 Na njeho slěborni.

Nóc ćeće krepki rosy  
 Na ranu palatu —  
 Wón zdychuje a prosy:  
 Njeh zbóžny domoj du!

\* \* \*

Nóc křidła dawno šeri  
 Po wjescy ćichownej,  
 Wšo drěma w słódkim měri,  
 Dwaj staršej stanyštej.

Na syna spominatej  
 Při wójsku w wukraju  
 A sylzy wuronjatej  
 A horcu modlitwu.

„Wěř, maći, wón je žiwy“,  
 Nan troštny rěčeše.  
 Mać płáče: „,,Božo miły,  
 Són čěsny hrjeba mje.

Mi je so runje džalo,  
 Zo krvawi na polu,  
 A «maći», zawołało,  
 «Ja druhdže domoj du!»

A słyšiš, hu! kak suta  
 Tu wiwka na khěži?““  
 „Budź“, rjekny nan, „budź kruta,  
 Bóh jeho njespušći!“

\* \* \*

A holčo we wsy běše,  
 To njemóžeše spać,  
 Srjedź nocy khrobła džěše  
 Na rozpuć posłuchać.

Tam přěslapa ju spanje  
 A són k njej rěčeše:  
 Kaž mika złote ranje,  
 Wón krasny domoj dže.

Duž sćełe bolosćiwy  
Hlós holčo k njebjesam:  
„Sy morwy abo žiwy,  
Ja twoja wostawam!“

\* \* \*

Pod Skalicu, po doli  
W raj Boži domoj dže  
Tón bédžer tam na poli —  
A slónčko skhadžeše!

B. Druhi wudźělk.

(Časopis M. S. 1868, 6.)

**P**od Skalicu, po doli  
Tam wojak padnjeny  
Dych dočěra na poli  
A stona ranjeny.

Te zymne, smjertne tuhi  
Směrk lóžic přileci  
A želny měsačk pruhi  
Na njeho slěborni.

Nóc ćeče krjepki rosy  
Na ranu palatu,  
Wón zdychuje a prosy:  
Njech zbóžny domoj du!

\* \* \*

Štó rubi, lampku swěčo,  
Sej nóc tam pokojnu?  
Mać modli so za džěco,  
Za syna při wójsku.

Ach, zo sy dyrbjał ćahnyć! —  
Tam wona žalosci;  
Je žiwy, je měł panyć,  
Što hódáš, nano, mi?

To je mje zabuchało  
Džens wječor na směrku  
A „maći“, zawołało,  
„Ja druhdže domoj du!“

\* \* \*

Dwě wóčcy jandžel zanka,  
Kaž zerja skhadžeja —  
O njeplač, njeplač Hanka,  
Wón ju tak namołwja.

Spi słódki drěmk a spanje,  
Nětk wšitko nimo je,  
Kaž mika złote ranje,  
Wón krasny domoj dže!

\* \* \*

Pod Skalicu, po doli  
Won slóncó kromkuje:  
Tón bėdžer tam na poli  
Přez zerja domoj dže!

(18. 10. 1866.)

— \* —

## Serbski wojak a česke holčo.

(Lužičan 1866, 177.)

Po čěskim hlōsu: Jede mladík na svém vraném.

**R**uže, wuže z hrimotanjom  
Bitwa w Jičinje,  
Prohi spuści ze styskanjom,  
Štož tam z domom je;  
W modlitwach pak njemylene  
Samo wosta holčo jene,  
Klečo prošeše:

„Ach mje, miła maći Boža,  
Młodženc lubuje,  
Smjercé a strachi jemu hroža,  
Kak to čěsni mje!  
Jeho škituj ruka twoja,  
Z jeho smjercu přińdže moja,  
Njeh mi njepadnje!“

Wojak serbski poslučaše  
Nutř tam přez wokno,  
Mylic ju so zdalowaše,  
Rjekny wotkhadžo:

„Štož ta na wutrobje nosy,  
Mi tež moja Hanka prosy —  
Proš tu božemko!“

(7. 10. 1866.)



### Bitwa Hradecka.

**S**to howri tam a čehnje  
 We ličbje njeskónčnej,  
 Kaž njewjedro so lehnje  
 Na Hradec Kralowej'?

Łusk jako zemjerženje  
 A hórske njewjedra  
 A trašne zapusćenje  
 To město wobdawa.

So čłoŵske bydla pala  
 A žně so zahubja,  
 A z kura, kiž so wala,  
 Smjerć zuby wošćěrja.

Smjerć přelětuje hona  
 Kaž žiwa čercica  
 A žněje tam, hač stona,  
 A wójška pohanja.

Praj, zaržana ty zemja  
 We njemdrym njeměri,  
 Hač we tebi so lemja  
 Wšě kosće, založki?

Ach ně, dvě wójscy tudy  
 Móc swoju měritej,  
 A spominać b'dža ludy  
 Na Hradec Kralowej'.

To je njezapomnita,  
Haj wěčnje pomnjena  
Ta wulka bitwa bita  
A syčwa Hradecka.

\* \* \*

So slónčko Bože khowa  
A třělby woněmja,  
A tysacy do rowa  
So morwi lehnjeja.

Z krwju hona napowane  
Nóc ćicha wodźewa,  
Nětk je wšo wujednane  
A bědženje kónc ma.

Křiž wěncowany stajće  
Tam sławnym ryčerjam,  
Jich česć pak powjedajće  
Prichodnym stotetkam!

(15. 10. 1866.)

— \* —

### Kraloweje Hradec.

3. julija 1866.

~~Křiž~~  
\* \* \*  
A njebjo slónčko stupa  
A z rańšim blyšćom kupa  
Kralowej' Hradec;  
Što howri pak a ćehnje  
Kaž lute zemjerženje,



Što zarži nastróžany  
Z krvju človskej wopluskany  
Kralowej' Hradec?

Smjerć, kiž tych žiwych hidži,  
Smjerć z kosu lećeć widži  
Kralowej' Hradec;  
Smjerć syče tam, hač stona  
A hač so kurja hona;  
Te snopy rozpjeršene  
Maš khować zhromadžene  
Kralowej' Hradec!

(15. 10. 1886.)



### Přezpolo wojakow ducych domoj z Čech.

~~XX~~  
Va puć, na puć! kameraći,  
Njeslyšiče rózki duc?  
Wot džens wukaz nowy plaći,  
Mamy so wot tudy hnuć;  
Słowčko: kehrt! domoj wjert!  
To wšu khmurnosć haći.

Bubnař w přědku hižo łuska,  
Hudźba džěla přezpolo,  
Stupaj bratře, duša mužska,  
Kónc ma naše ryčerstwo;  
K měrej dom z wěnaškom  
Čehnje móc ta pruska.

Přeco bliže hlaj z napřeca,  
Jako byle skřidlane,  
Wótcnokrajne mjezy leća,  
Kiwaju nam žedžiwe;  
Hahaha, domizna,  
Ty wěš naše přeca.

Naša noha tebje znaje,  
Rjana Česka, Morawska,  
Wobraz twój před wóčkom hraje,  
Žiwy nosy wutroba,  
Božemjel božemje,  
Rakušanske kraje.

Tež wy bratřa, kiž tu spiće,  
Do appella njebjeskoh',  
Wótcny kraj wjac' njewidźiće  
Ani domu słódkeho,  
Najrjeńše božemje  
«S Pánem Bohem» wzmiće! (10. 10. 1866.)



## K Budarjowym posmjertninam.\*

(Zužičan 1867, 161.)

### I.

~~K~~abóžni su, kiž w zeńskim doli  
Khudych rany lékuja,

\* Tute štyri spěwy, wot K. A. Kocora do hudźby zestajane, spěwachu so při wotkryću Budarjoweho pomnika, wot Serbow na Budystečanskim pohřebnišću postajeneho, w Budystecach na 2. okt. 1867.

Do nich lija wino, wolij  
Bratrowskeho smilenja,  
W wutrobje jich nuzu čuja  
A jich brëmjo polóžuja.

Kryje tež klin zemje čmowy  
Popjeł jich tón zachodny,  
Džakny wołtař su jich rowy  
A jich skutk njej' zabyty,  
Mjena jich su žohnowane,  
W Božich knihach napisane.

Derje, kotrymž wěra dawa  
Tajke mocy k lubosći,  
To je k njeju šćežka prawa,  
K palmam w Božej zahrodzi;  
Tu daj, Božo, nam tež khodzić  
A twój Duch cheył nas ju wodzić!

II.

**Z**abóžni su, kiž wusywjaju  
Zorna smilnej' dobroty;  
Njech tež čěła prochnu, tłaju  
W khlódnej sparnej komorecy:  
Z džaknej ruku potomni  
Do žnjow džeja za nimi.

Swoje džěčo zemja wótcna  
Zawodžěła čicho je;

Drěmaj měrnje, lubosć móčna!  
 Horcy džak swój wopruje  
 Tebi cyle Serbowstwo,  
 Drohi serbski wótčinco!



### III.

~~N~~Njeh zachodnosće ruka je  
 Tu móčna nad nami,  
 Njeh kamjeń sam so rozmjele  
 A swět so zestari:  
 Wot naroda do naroda  
 Hlaj prawych pomjatk wostawa!

A kóždy ćiche zdychnjeńčko  
 We hnutej wutrobje:  
 To posoł je, kiž kłapa so  
 Wo durje njebieske,  
 A dobroćelam wotamka  
 Tam wrota Božoh' kralestwa.

A wšitke sylzy zetrěne  
 Tu khudym z wobliča:  
 To parlički su błyšćate  
 We krónje žiwjenja,  
 Kiž dobroćelam k zbóžnosći  
 Tam na hłowje so zyboli.



IV.

\* \* \*  
 Tu lubosć sytwu syje,  
 Tam kiwaju nam žně,  
 Tu popjeł zemja kryje,  
 Tam skhadža žiwjenje;  
 Tam čestnu krónu staja  
 Či Boži jandželjo,  
 Tu džaka sylzy praja:  
 Spi derje, wótčingo!

(1867.)



**Na row našich padnjenych serbskich bratrow.**

(Serb. Now. 1867, 213.)

**D**aloko wot wótenoh' kraja ležiće při wašich brónjach,  
 Ležiće při wašich swérnych towařsach a wašich konjach;  
 Daloko wot wótenoh' kraja, daloko wot wašoh' krala,  
 Daloko wot wašich lubych, kotrymž sylzy w wočach pala.  
 Serbsku krej je bžeć widzał česki pěsk a česka trawa,  
 Česka zemja serbske čěla do swojeho klina brała.  
 W jenej zemi, w jenej jamje leži přećiwnik a přećel:  
 Na jich rowach w čichim měrje čerwjeni so młody džećel;  
 Zahrjebachu serbsku sylnosć, wutrobitosć młodoh' lawa  
 Z njepräćela zasakłosću: Smjerc je wšitko wujednała.  
 Čišina tu bydli swjata, kaž na Božej roli doma,  
 Hdyž wot wječorneho slónca njebieska so barbi kroma.  
 Doma njemóžemy pyšić z wěncem hórku rjekow rowa,  
 Njewjesta tam njem'že plakać, hdyž so slónco domoj khowa,  
 Staršej njemóžetaj k rowej jeničkeho syna khodzić,  
 Rucy łamajo to drohe město sotra njem'že wodžěć.

W duchu dżimy na tu rolu, hdžež je smjerc žně wot-  
dżeržala,

Hdžež je kula serbskim licam čerwjenosć a rjanosć wzała.  
Dżak budź jim, zo wědźeli su, za wěc krala k smjerći  
kročić,

Hač so runje njejsu móhli ženje wjacj domoj wrócić.  
Prošmy Boha, zo wón z hnadu na te krwawne pola hlada,  
Zo njej' darmo telko Serbow žadała ta hrozna zwada,  
Zo z tej' krwě by přichod rodził tež za nas dżeń zboža  
młody,

Haj za Serbstwo nowy korjeń, nowe hał'zy, nowe płody!

(1867.)

### Syrotecyna hodowna próstwa.

(Jordanowa čitanka, str. 39.)

**P**lač so mi roni,  
Nan pod zemju spi,  
K hodam so zwoni,  
Štó wobradža mi?

Maćerka droha  
Štom njehotuje,  
Khudžinka wboha  
Khlěb wupřaduje.

Syrotka khuda  
Što započnu ja?  
Myslička huda,  
Hdže přecěla ma:

Džěco ty Bože,  
Kiž w njebiesach sy,  
Dary a zbože  
Mi wudžělej ty.

Wobradź mi wšitko,  
Štož tyło mi by,  
Njej'-li na blidko,  
Budź do wutroby!

(W decembru 1867.)

# Džéd a wowka.

(Lužičan 1868, 188.)

Čěski hlós: Kdo jsi pravý Čech. (Pichl, str. 48.)

~~Wow~~

Mčera je naš džéd

Wowcy hriby zjědl,

Nětk je wowka z hněwom khora,

Swari jeho: „Stary nora,

Stykaš lépsě sam,\*

Što ja nětko mam?“

Džéd so na wowku

Zahna ze lžicu:

„Wo kus hribow kajka hara!

Hańbuj so, ty kóčka stara;

Štó džens dopołdnja

Měd mi wulika?“

Kajki bu to hněw,

Kaž by čmjěly drěł!

Njemdra zhrabny džěda wowka,

Za kachlemi jeho stolka:

„To je helska lža,\*\*

Stara waroda!“

Džéd sej hrabny kij:

„Hłupa Liza, dži!

---

\* 1. recens.: Sy na stare dny  
Hišće womłodny!

\*\* 1. recens.: Njej' će haniba,  
Stara womłoda?

Twój register, twoje slědy,  
Kajkaž sy a běše něhdy,  
Sym nětk namakał  
A ci wotrunał.“

(14. 2. 1868.)

— \* —

### Serbska lipa.

(Časopis M. S. 1868, 3.)

Čehnje nalěće do kraja,  
Drjewiny nam woblišći;  
Te kraj debja, pychu maja,  
Ale štom tón rjeniši:  
To je lipa serbowska;  
Bóh će škituj, nadobna!

Lipy hdžež tež zawonjachu  
Něhdy přez kraj lužiski,  
Tam so Serbja zasydlachu  
Z płuhom a ze stadłami;  
Lipa, z mjedom wonjata,  
Bóh će škituj, serbowka!

Njeh tam w lěpších krajach rosće  
Palma, cedra, pineja;  
Lipa, poľna majestosće,  
Statok w Serbach wuzwola;  
Lipa swěrna, lubozna,  
Bóh će škituj, krajanka!



Z khwalbu haj budź powyšana  
 Lipa, štomje wótčinski,  
 Zelen, zelen so ty rjana  
 Jako banty njewjesći;  
 Pyšna lipa serbowska,  
 Bóh će škituj, kralowa!

(18. 12. 1868.)



### Z domom w Delanach.

(Lůžičan 1869, 97.)

~~W~~ horach tam horjeka  
 Dobry kraj maš:  
 Zahony džećela,  
 Pšeńcy a ječmjjenja;  
 Slabši jow w Delanach  
 Wosrjedk je naš.

W horach tam horjeka  
 Rěka bur knjez:  
 Khodźi sam židžany,  
 Wozy so zemjanscy;  
 Bělšu hač w Delanach  
 Wobydla wjes.

W horach tam horjeka  
 Njej' pak mój swět:  
 Wšo je tak měščanske,  
 Z wulka so znošuje;  
 Njewěm, z kim bjez stracha  
 Wišnje bych jědl.

Z domom duž w Delanach  
Chce so mi zdać:  
Njedostatk krasnosće  
Wšu česć nam njewozmje;  
Wěmy tež lubować,  
Spěwać a trać.

(8. 11. 1868.)



### Stysk a pokoj.

(Lužičan 1869, 49.)

K čěskemu hłosej: Ach není tu, není —

✱  
Ach spadłe, spadłe su ze štoma lisćička  
A róža kóždy je wobłědnýla;  
Lisćička zelene,  
Róže te wonjate  
Ach morił, morił je lodojty mróz.

Ach spadła, spadła mi wšitka tež radosć je  
A leži kamjeń mi na wutrobje;  
Hałožki bjez lisćow,  
Lěški wy bjez różow,  
Ach prajće, wěsće-li žadyn mi trošt.

„Džerž, khowaj nadźiju“, džeše keřk swlečeny;  
Duch różow šepťaše ze zahrody:

„Ze smjerće žiwjenje,  
Ze sylzow wjesele  
Wšak wšitcy po khwili dočakamy!“

(23. 11. 1868.)



## Kraloweje Hradec.

(Lužičan 1869, 65.)

Po čěskim hłosu: Měla jsem holoubka.

**H**olbika w rěbliku sym měla zawrjenoh',  
Wón je mi wulecał do pola šěreho  
Na dubik zeleny;  
Tam sebi zastonał mój złoty holbik je.

Tón holbik młodźenc je, mój lóšt a zrudoba,  
Wón je mi wučahnył na wójnu do pola  
Před Hradec Kralowej' —  
Smjercé ryčersku wón spi, mój złoty luby tam.

Běch jeno wědźała row, swjate městačko,  
Hdžež drěma wón, bych šla do pola šěreho  
Před Hradec Kralowej',  
Do njebjes by mje wzał mój złoty luby tam.

(21.12. 1868.)

## Pěkna džowka.

(Lužičan 1869, 22.)

**S**tož prawa, dušna džowka je,  
Ta hospozy rad k rucy dže,  
A blido a wšě sudobja,  
Kaž debi žónsku, čiste ma.

So z nowinkami njenosy,  
Dže číše swój puć kazany,  
Je swěrna, troštna we duchu,  
A džěćom čini dobrotu.

Přec' bórzy, rad a spěšniwa  
To swoje derje wobstara,  
A hospozy swar přemjelči,  
Hdyž ju dla škody naswari.

Njej' jěra, khmurna, mazana,  
Wšo w swojim měsće čiste ma,  
So hlada z wohnjom, ze swěcu  
A w kemšach njespi drěmanku!

(1869.)



### Serbske strowjenja.\*

(Lužičan 1869, 129.)

✱  
✱ Co serbske „pomhaj Bóh“ mi je  
Dar wyšši złoteho;  
Wěš pilnym što tež wažniše,  
Hač pomoc wjeřšneho?

A naspjetne „wjeřšpomazy“  
Čeśc runu zasłuži;  
Z tym zaso přeje strowjeny  
Tež pomoc wjeřšnu či.

„Přińdź Bóh“ tež lube strowjenje  
So znaje we kraju;  
Hdžež přińdže Bóh, tam k zbožu dže,  
Měr jeho do domu.

\* Tutón wobšěrny předzělk spěwa w tymle III. zwj., str. 3 wo-  
čišćaneho je mjenje znaty hač tamny, kiž bu časćišo, n. př. w Zahrodcy  
kwětkojtej I, str. 4 a Fiedlerj. Tow. Spěwn., str. 172 čišćany.

Duž „Božo slyš“, pak „daj to Bóh“  
 Serb na to wotmołwa;  
 A je był w Božim domje štó,  
 Wšo strowi kemšerja.

A „z Božoh' słowa — wote mši“ —  
 Duž rěka, „witajće!“  
 „Wjeřšpomazy“ so wotmołwi  
 A z tym so džakuje.

So witamy a strowimy  
 Kaž přistój a čas da,  
 Tež Khrysta wěcnje khwalimy —  
 To česć je Serbowstwa!

(1869.)

### Žabjaca pólka.

(Lužičan 1869, 167.)

K pólskemu hłosej (hl. Tow. Spěwn. str. 123).

**S**wjaty Jurij přindže k luži,  
 Prosto bě tam nowych ludži,  
 Wołachu kwak, Jurjo, měj džak!  
 Kwory kwor kwor,  
 Kwory kwak kwak, kwor kwak.

Telko luda krala nima,  
 Jurij praji, to je škoda!  
 Žona a muž woła čuš, čuš,  
 Krala kwak kwak,  
 Krala mamy — kwor kwak.

Z wotkal maće majestetu?  
 Jurij praji, mjenujće ju —  
 „Rekekekeks, rekekekeks!“  
 Z luže kwak kwak,  
 Krala mamy — kwor kwak! (1869.)



### Wuznaće.

(Časopis M. S. 1869, 108.)\*

Hlós: Sym Serbow serbske holičo.

**K**wa njejsym tež knjez nadobny,  
 Nic hrabja ani kral,  
 Sym žiwjenja wšak wjesoły —  
 To, moja duša, khwal!

Khléb wšědny spokojnosć mi je,  
 Tu nikom' njepředam,  
 K tej trjeba nej', kaž widziće,  
 Zo złote hory mam.

Swět cyły měj za přećela,  
 Štóz telko potrjebje;  
 Mi swěrna duša jenička  
 Dosć k mojom' zbožu je.

A wupadnje hdy sylzka mi,  
 Tu bjeru do kupje;  
 Kaž rosa różam nješkodži,  
 Tak to tež njeje zlě.

---

\* Tutón zešiwk Časopisa M. S. je w spočatku l. 1870 wušol.

Ja najēm so a nadžēlam  
A rjenje naspju so —  
Što wjacy, prajée, potrjebam?  
Duž khwaleny budž Bóh!

(27. 1. 1870.)



### Čeledź noweho časa.

Hospodař:  
Dźowka, dolij pónoj,  
Wona so pali!

Dźowka:  
Pali so, so pali!  
Wšako moja njej'!  
Tajkej' hłupej' pónwje dla  
Moja wučinjena mzda,  
Jěsc a pić mi wostawa!

Hospodař:  
Wotročko, založ wrota,  
Wětřik je wottorhnje!

Wotročk:  
Wottorhnje, njech je wottorhnje,  
Wšako wrota moje njejsu!  
Tajkich hłupych wrotow dla  
Moja wučinjena mzda,  
Jěsc a pić mi wostawa!

Hospodař:  
Kruwarjo, čěr twój skót won,  
Wón z hłodom ruje!

Kruwaś:

Je skót hlódny, njech je hlódny,  
Wšako skót mój njeje!  
Tajkich hlupych kruwow dla  
Moja wučinjena mzda,  
Jěśc a pić mi wostawa!

Hospodaś:

Husařka, wobaraj husom do žita,  
Wobžeru so, slaknjeja!

Husařka:

Slaknjeja, to slaknjeja,  
Skót a žito moje njej'!  
Tajkich hlupych husow dla  
Moja wučinjena mzda,  
Jěśc a pić mi wostawa!

Hospodaś:

Pěstonča, hladaj za džěścom,  
Zo tam z ławy njepadnje!

Pěstonča:

Aj, hdyž pada, njech so hlada,  
Wšako, mazuch, moje njej'!  
Tajkej' hłupej' hilki dla  
Moja wučinjena mzda,  
Jěśc a pić mi wostawa!

(2. 4. 1870.)





# Wěšćenje pod lipu abo wosudne žně.

(Serb. Now. 1870, 239.)

Nan:

~~K~~ak krasnje zasy wonja  
Na lipje kćeničko!  
Što, syno, sedlaš konja,  
Mječ pasaš na bjedro?  
Hdže chceš, hdyž lipa woła:  
„Za džewječ dnjow su žně!“  
Nam kosu klepaj z nowa,  
Klós kaže syćenje!

Syn:

Ach, nano, daj mi ćahnyć  
Do pola druheho,  
Na wójnu dyrbjú stanyć,  
Kraj wótcny bróni so;  
Mi žnjeński druhi kiwa  
Wěnc wjele swjećiši;  
Při brjohach rheinskoh' zliwa  
Bój howri ryćeński.

Nan:

O syno, z mocu lawa  
Duž stej za wótcny kraj,  
Za jeho ćeść a prawa  
Ty puta rozrubaj;  
Haj, hroža-li tež čerći,  
Ty so jich njestrachuj,  
Ty wutrobity smjerći  
Do wočow pohladuj!

Mać, bratřa a sotry:  
 Ze sylzu wokořany  
 Ćehń, { syno, } k twojim žnjam,  
           { bratře, }  
 Ćehń, škitej poručany  
 Wšěm swjatym jandželam. —  
 Hdžež tež će zemja nosy,  
 Za tebje wutroba  
 Tu wodnjo, w nocy prosy,  
 Naš duch će wobdawa.

Džěd:  
 Tež ja běch wojak něhdy,  
 Lipsk naše znaje žně,  
 Jow błuzny, ranow slědy,  
 Su čestne swědčenje —  
 Štož činić maš, to džěłaj,  
 Wjedź dobre ryćerstwo.

Wowka:  
 Swój wótčenaš sej spěwaj  
 A poruč Bohu so!

Njewjesta:  
 Kaž dołho źórła změje  
 Tam Rhein a žołmow rój,  
 A naš kraj žnje a syje,  
 Sym twoja a ty mój;  
 A njewidžu će zasy,  
 Maš smjerć ty sudženu —  
 Tam horka budu kwasy,  
 Mój wěnc tam přinjesu.

Syn:

Do bitwy truba trubi,  
Lusk třělbow hižo rži,  
Duž božmje, božmje! lubi  
Tu moji wutrobní!  
My wiđzimy so zasy,  
To kóžda duša wěř,  
A rjeńše žně a časy  
Syc budže złoty měř.

Wjesni wobydlerjo pod lipu:

My dowěrjamy hłosu  
So kruće twojemu,  
Smjerć mahaj z krwawej kosu,  
Bóh steji za prawdu,  
Bóh móc a hnadu dawa,  
Tak wyskać budžemy:  
„Viktoria a sława,  
Měř złoty žnjeli smy!“

(25. 7. 1870.)



### Hněwnym Francózam.

Flectere si nequeam superos, Acheronta movebo!

(Serb. Now. 1870, 408.)

Wólaj, kak so z hněwom puka  
Tam hnězdo šeršeńske,  
Hdyž dobywařska ruka  
Je přemlócila je.

Hlaj, kak jim hněw so wari,  
Zo jastwa rumuja,  
A šibjeńcarjo stari  
Na pomoc wakroča.

Tak žahły hněw jich žerje,  
Zo Tours tež afriske  
Hyäny k wójsku bjerje  
Z matracu brónjene.

O cwólba rozčercěna,  
Chceš pić ty jeno krej?  
Přez hordo wowrótnjena,  
Hdy přinďžeš k rozymej?

Nic franktireurske pasmo,  
Nic garibaldiske  
Znjesc němskej' pjasće prasmo  
A pomhać njemóže.

Sy lud wšón slepy, škódný  
A poľny zasakla,  
Nic jenej' duše hódny,  
Kiž wotsal tam je šla.

Hdyž njebieske tu škity  
Če nihdy njekryju,  
Pušč blaznje přehordžity  
Twój són wo dobyću.

A by tež zwotwjazował  
Ty čerta sameho:  
Wón smějo „ně“ by wołał,  
„Njeh hrěchi danja so!“

Preč lhanje twoje ćiskaj,  
Twój hněw a zasakłosć,  
Na lěpšu pišćel piskaj  
A daj sej mozhy rosc.

We popjele a měši  
Stań, khwataj k pokući,  
Snadž hišće Bóh će słyši  
A swój hněw wobroći.

(1870.)



### Palenc — walenc.

~~To~~ <sup>Co</sup> mudra dosć sym hłowčka ja  
A drohu šulu mam,  
To cyła wjes mi wobswědča  
A derje wěm tež sam:  
A tola wrótny palenc je  
Mi rozym překusał\*  
A wóslacych je mozhow dže  
Do mojich nacyrkał.

---

\* 1. recens.: překepsał.

Zo sym ja swojej' wole knjez  
 A mojih stawow tež,  
 To njem'že zaprěć cyła wjes,  
 Hdyž jej' so woprašěš:  
     A tola helski palenc je  
     Mje hroznje wuwolał,  
     Wón luže z mojim knjejistwom trje  
     A mje je wudyrdal.

Mi hroznosć je směch džěćacy,  
 To zjawnje praju wšěm,  
 Ja nosyć njechał na nihdy  
 So z mjenom zacytym:  
     A tola pjanak palenc mi  
     Je kranyl moju česć,  
     Do skoćeća mje přeměni,  
     Puć hańby chce mje wjesć.\*

(Wokoło 1870.)

---

\* K temu namakaju so w rukopisu hišće tele 3 hrónčka jako refrainy za 3 dalše njewudźěłane strofy:

A tola je tón palenc  
 Mje přinješ wo kubło.

A tola je tón palenc  
 Mje zjebał wo strowosć.

A tola je tón palenc  
 Mi rubił swobodu.



# Serbowski pachol.

(Jordanowa čitanka, str. 177.)

Ja serbowski sym pachol,  
Ta česć mje zwjesela.  
Lud serbowski je sprawny,  
A sprawny chcu być ja.  
Štož reču, to njech wěrnosć je,  
A na tym kóždy póznaj mje,  
Zo serbowski sym pachol  
A hidžu ludanje.

Ja serbowski sym pachol,  
Ta česć mje zwjesela.  
Lud serbowski je swěrný,  
A swěrný chcu być ja.  
Njech prawda moja khwalba je,  
Pyš mjeno čestne stajnje mje.  
Ja serbowski sym pachol,  
Mi prawda swjata je.

Ja serbowski sym pachol,  
Ta česć mje zwjeseli,  
A zo bych Serb móhl wostać,  
To daj Bóh luby mi!  
A budu wjetši, to njech mje  
Tež serbske khrobło česćuje,  
A serbska česć a swěra  
Njech rosće přeže mnje!

(Wokoło 1870.)



# Dawno!

K íriskemu hlósej: Long, long ádair!

Ja zradowny něhdy khłopc młody běch,  
Dawno to je, dawno to je;  
Mi starosće, rudžiny běchu směch,  
Dawno to je zady mje.  
Piš krajina pućik mój soninski,  
Wróc myślička paradiz něhduši!  
Ach, jene je, štož w wutrobje rani mje —  
Dawno to je zady mje!

(Wokoło 1870.)



## Kowař — luby.

Mój luby we wsy kowař je  
A budže mje sej brać,  
Kaž bórzy wójna k kóncej dže,  
Chce braška zakłapać.

Mi budža rékać mišterka,  
To něšto prajić chce;  
K tym česćam holca dwaceta  
Mi w swěće njepřindže.

Kusk čorny — mužej přisteji;  
Štož prawy kowař je,  
Tón njedželu čím běliši  
Ze žonu ke mši dže.



Wón z burami a z knježimi  
Tu wšédnje wobkhód ma  
A šwarny pjenjez zasłuži  
A tyknje do zaka.

(6. 2. 1871.)



Staraj so za moje džěci!

Staraj so za moje džěci!  
Nuzna troštna próstwa je.  
Njeskomdž pak sam prjedy w swěci  
Zaležnosće staršiske.

Prjedy, rěka, čín to swoje,  
Potom praj, hdyž kónc je tu:  
Staraj so za džěci moje,  
Wótče, bjeř je na kedžbu!

To ma rozym a trošt dawa,  
Křewi hakle nadžiju;  
Po tym je ta próstwa prawa  
Wusłyšna tež we njebju.

Sudž, što by ty k temu prajił,  
Hdy by słyšał bližšeho,  
Kiž je wěru k Bohu stajił,  
Zo wón takle modli so:

„Hubjene ci přepodawam,  
To je wěrnó zawěsće —  
Ale wodaj słabym stawam,  
Wšak ci wšitko móžno je.

Haćić chcyl, hdyž přińdu wody,  
Štož sym syl, tom' njedaj rosc,\*  
Čini zwěrina tam škody,  
Wotečěr ju časa dosć.

Jow maš, Božo, polo moje,  
Nětk je mi tež wobstaraj,  
Daj jom' žohnowanje twoje,  
Mojej' skomdy njehladaž.“

Tak najradšo błudny wali\*\*  
Lidorak wšo na Boha —  
Prócy, strózbosće so zdali,  
Džěci nahe zwostaja.

Směšna była próstwa tajka,  
Rozyrna by njeměla.  
Kajka samopašna hrajka  
By to z Bohom njebyla?

Khroble wěř, sam'pašnym hrěcham  
Njecha Bóh tu polěkać,  
K njewužitkej abo k směcham  
Swoju miłosć njem'že dać.

---

\* 1. recens.: Plěj je, chce-li njerjad rosc.

\*\* 1. recens.: Lidorak by rad wšo wali  
Swětej, Bohu na šiju —  
Prócy, strózbosće so zdali  
K wobćežnosći bližšemu.

Duž ty džěcom swoje čělo  
Zdžerž a z gwałtom njeskažej;  
Lutuj, zo by kóžde mělo  
Wjac' hač twój hrěch k naměrkej!

(15. [5. 1871.]



### Spěw, wjesele, slěbro.

**S**pěw, khwila k wjes'lu, slěboro  
Tři ptačata su w kraju;  
Jich rjany zynk a pjeričko  
So wšitkim spodobaju.

Te ptački złojić njeradzi  
So hnydom kóždej rucy;  
Su přebytkarjo njeswěrne  
A přińdu jenož ducy.

Wšě wustojny pak spopada,  
Hdyž nastaće wě khmane:  
Hdže? kak? a hdy? so polac ma —  
Tam, tam je pohrjebane.

To młodzi, stari rozpomńće  
A radzić dajće sebi,  
Zo jene k druhom' njebrachnje;  
To twari swět a debi!

(20. [6. 1871.]



## Sorabia a Germania.

Rozmoľwa po dokonjanej němsko-francózskej wójnje na  
horje „Čornym Bozy“ w lěće 1871.

Sorabia:

~~ner~~  
Tu widžiš, luba sotra sławna,  
Što krajan Serb do muža je —  
Štož tebi dolži duša sprawna,  
Nětk w strachoscach ci plaćeše;  
Přez Rhein hač do Parizskich wrotow,  
Tón bój, ta dań, to njebě hra,  
To njebě skutk a džak Helotow,  
Nic počink žanych Paria!

Germania:

Běch něhdý tebjje podteptała,  
Šy zacpića křiž měła njesć,  
Za to sy sławnje wojowała  
Wo moju swobodu a česć:  
Duž do skałow mi zadypajće  
Česć nětko luda twojeho,  
Za bratrowske mi zapisajće  
Do knihow tajke ryčerstwo!

Sorabia:

Nic pisać, nic do skały dypać  
Tu sławu, sotra, nježadám,  
Ně! přestań jeno na mnje typać  
A lič mje k twojim přecelám;  
Mje skazyło njej' moje Serbstwo,  
Mój dobry korjeń wuhladaš;

Mi wostaj mojich wótcow herbstwo,  
Kaž sama swoje lubo maš!

Germania:

Ty z khorej lubosću so krěniš,  
Do narodnosće zažrana,  
Na sylne nohi přinješć měniš  
Tu teho luboh' slabuška!

Sorabia:

Kak sylny abo słaby běše,  
To Francman njech ěi wozjewja;  
Dosć je, zo porno tebi džěše  
Ze swojim Bohom do wohnja.

Germania:

Ach, kepsa! to pak tola plaći,  
Zo khuduški twój słownik je;  
Štó žołmam zdžělanosće haći,  
Kiž napowa a sylni mje?

Sorabia:

Aj, hdy by fraza dobywała  
A słownik žane wójsko krył:  
Wša twoja wěc by nazad hnała  
A Francman by twój mištr był —  
Ně! Boha běchu wopuščili,  
To je jim šiju zlamało,  
Na zdžělanosći wokhudžili,  
Kiž přindže z ducha Božeho!

Germania:

Haj! ale wěčničko mje žaha,  
 Zo jazyk twój mi cuzy je,  
 Hač hewak twój lud konje přaha  
 Ab' wósła před wóz — njetyš mje! —  
 Što sebi chcu? měr sebi dajmoj,  
 Brón jenu tola wjedźemoj,  
 Wšo druge časej přewostajmoj,  
 Bjez hidy wostań kóždy swój!

Sorabia:

Viktoria! ja widžu plody!  
 Čas chcemoj sebi wostajić,  
 Ja chcu, hdžež hodži so bjez škody,  
 To swoje z twojim zaměnić.  
 Mjez tym chcu pomnik sebi stajić  
 Tym, kiž mje sudzić budžeja,  
 Zo dyrbyja wšě lětsotki prajić  
 Kaž ty: Tež mój lud pokroč!\*

Germania:

Ach, wostaj to a lutuj časa,  
 Što wobaraš so pěstona?  
 Štó slabe džěco k džělu pasa  
 A dwělej wěstosć zwoprowa?

Sorabia:

Dzeń pojday dnjej, nóc přěduj nocy,  
 Zjew mojoh' luda bědženje  
 Po wazy, ličbje jeho mocy,  
 Po měrje rozlateje krwě!

---

\* 1. recens.: Tón lud bě hódny zdžerženja.

Germania:

Ně! ličbam, sotra, njedam plaćić,  
Wšak bě duch wšitkich jenajki. —  
Naj' přečelstwo nětk ničo haćić,  
Rěč ranić tež jo njedyrbi!

Wobě:

Njeh jazyk wšelaki tež mamoj,  
Brón jenu tola wjedźemoj,  
Sej česć a lubosć popřewajmoy,  
Bjez hidy kóždy wostań swój!

(1871.)



### Slub serbskich wojakow.

(Serb. Now. 1871, 229.)

**K**law nosy khrobło we sebi —  
Duch sylny tež nas přežołmi,  
Zo z mocu našoh' ramjenja  
Ći pomhamy, Germania;  
Germania, to spušćej so,  
Serb džěli z tobu straž a ryćerstwo!

Ty jeno z nami měnić maš,  
A njepřečel twój je tež naš —  
My krej a kubło wažimy,  
Kaž prjedy tak tež posledy;  
Germania, to spušćej so,  
Serb džěli z tobu straž a ryćerstwo!

Chcyl njemdry Francman do pola  
 So z brónju šparać z nowotka,  
 My džemy zas' jom' na kapu  
 Kaž law přez našu jednotu;  
 Germania, to spuścej so,  
 Serb dželi z tobu straž a ryćerstwo!

Tón honak jeno zaškripaj  
 A wjećenje nam připojdaj,  
 My rjemjeń jemu rězaći  
 Smy wodnjo, w nocy hotowi;  
 Germania, to spuścej so,  
 Serb dželi z tobu straž a ryćerstwo!

Na straži Serb tež wostawa,\*  
 So zamjekšenu njepodda,  
 Na wójnu, hdyž trompejty du,  
 Tež Serbja zasy počahnu:  
 Germania, to spuścej so,  
 Serb dželi z tobu straž a ryćerstwo!

(1871.)

---

\* W rukopisu: Nic zamjekšeni, wuskhnjeni,  
 Ze sławu nic wopojeni.

— \* —

### Wroblik.

**B**ur mój wujko — wrobliko,  
 Wjele sněha saje so,  
 Woknješko nam šědźiwi,  
 Jara zyma budže ći.



Wroblik praji: Čerčiču,  
Zymy. so ja njeboju;  
Bóhl'byknjez mi pjerje da,  
Čopla je to suknička.

(1871.)

— \* —

**Njebjeske bydlo.**

**J**a njewěm, što dyrbi to rěkać,  
Što je mi z wječora. —  
Pod nohu chce zemja mi čekać  
A z wutrobna wutroba:  
Ja widžu tam hwěžki so jasnić,  
Kiž wječor přiwjedže,  
Ja widžu wóčko so krasnić —  
A jena moja je.

Ja spomnju na maćerku staru,  
Kiž mi je pojdała:  
Tu delkach maš njeměr a haru,  
Tam horkach wjesela:  
Hdžež čišinko hwězdzički steja  
A kóždy swoju ma,  
Tam moje mysle přec' džeja,  
Tam měr mje dočaka.

(1871.)

— \* —

**Nowy spěw za džěci.**

(Serb. Now. 1872, 308.)

**B**abka pčolka, pilna džowka,  
Praj, hdže zlětuješ? —

„Hdžež je žana kwětka rjana,  
Tam ja zynču tež.“

Kćenjow hladaš, kwětki žadaš,  
Praj, što dyrbja ci? —  
„Słodkej“ brěčki piju škrěčki  
Ja z jich wutrobki.“

O duž lětaj, noš a pytaj,  
Babka přecelna;  
Wšak so hodži, mi tež słodži  
Z mjedom pomazka.

(1872.)

— \* —  
Hońće za česću!

~~K~~ta tej česću hońće, džiće,  
Čistu nosyć wutrobu;  
Z tym hruď wěrnje wuznamiće  
A tež kapu rubjanu.

Pódla zlotych darow krasnych  
Spokojnosć njech přeni je,  
Bjez njej' ci do kubłow časnych  
Žane zbože njepřińdže.

Zrjadny budź, zo něšto tebi  
Powostanje k wjeselu;  
Ale wotměr postaj sebi,  
Zlutny być we wjeselu!

(16./7. 1872.)



# D o d a w k.

## I. Dozběrka pėsni a basni.

### Spěw za předliče.

(Jord. Jutr. 1842, 2.)

Hlós: Lute dobre spodobanje.

**S**wórčo, bórčo, šćebotajo  
Ryča naše koleska;  
Khmana přaza dyrbi hrajo  
Hić wot ruki holiča.  
Spěšna ruka khwalbu dawa,  
Njech je wulka abo mała;  
A tak tež přez kolesko  
Rosće domej bohatstwo.

Swoju wuprawu pak žada  
Wšo, štož dyrbi derje hić;  
Štóž to wě, tón prjedy hlada,  
Hdže móhl što sej polóžiť:  
Tak, hlaj, koło sprawowane,  
Z tukom pěknje namazane,  
Wjerci so kaž myślička,  
A po hercu holička.

Klinčo, zynčo k prawej přazy  
 Słuša potom pėsnička;  
 Hewak lěni spar wšo skazy  
 A ta luba wostuda;  
 Při tym pak njech wóčko kuka,  
 Kajku nitku předže ruka,  
 Zo sej předlča wjesoła  
 Njedopředže swarjenja.

Mzda so čehnje či po džěle;  
 Štož sy waril, wukidnješ;  
 Pšěńčny klós po ržanym sywje  
 Domoj khować njemóžeš.  
 Tak tež džělo, přaza datej  
 Džerženje a rjanosć płatej,  
 A šat wšědny, kemšacy  
 Je tež na to podobny.

Wzmiće sej duž ródnje trjene  
 Džělo mjehke, włoknite,  
 Z pazdžerjow budž wurjedžene,  
 Žwaki różno skobajće;  
 Hewak předženo njej' dušne,  
 K wikam ani tkanju wušne;  
 Pěkne tež njej' škowrjene  
 Abo mało wjerćane.

Štož my šwarne dokonjamy  
 Z ruku swěrnej, wustojnej,  
 Na tym česć a radosć mamy,  
 To tež tyje k wužitkej;

Napraskać pak piščel, potač,  
Pasma njepołne snadź motać:  
To, to hrěch a hańba je,  
Žane tyće njenjese.

Duž wšak swoje prawo dajmy  
Čestnej přazy nadobnej;  
K tkanju potom namotajmy  
Twjerdu nić, kaž konopej;  
Tak so tkalc a płótno směje,  
A naš dobytk sobu kćěje,  
Zo nam šórcuch, košulka  
Wěsće budže přidata.

Prjed' hač wótcojo su spali  
Izraelscy ze smjerću,  
To su hižo drasty tkali,  
Sydali za kudźelu.  
W pohanstwje we serbskim kraju  
Su tež bałe, kaž ći praju,  
Wo lenu a wo přazy  
Připołdnicy-dračicy.

A duž přaza njej' tak młoda;  
Po wšěch krajach, ludach je  
Znata wjac' hač kozybroda,  
Kiž na polu módra kće.  
Srjedža svojich prózdnych žrancow  
A tych zabledženych žwancow  
Kralowy a fěršćiny  
Přadle su, kaž zhonimy.

Knježa, kralojo tež khodža  
W pradle ćeńkim džělanym,  
Předlčow prócu česća, rodža  
Při žiwjenju bohatym.  
Trjenja jich a rub na blida  
Njezacěri žana žida,  
Tak zo nitka džělana  
Swoje knjejstwo wobkhowa.

Na to sebi wjele wědža  
Předlče z teho čescene.  
Hólcy zwjeselić je chcedža  
Z palencom, kiž dobry je.  
Ale wšitkón luby palenc  
Naposledk je hrozny walenc;  
Předlča strózba přislěnja  
Radšo sej wot kofeja.

Haj, k połprazy ćopłe piwo,  
Pak kofej njech pluskoce;  
Komuž pak so wostudžilo  
W ćoplej jstwě, njech wuběhnje,  
Hdžež tam zymne wětry duja  
A te hlódne wjelki wuja:  
Njech nam praji zawěрно,  
Kak je so jom' lubiło.

Bórzy zaso huhotajo  
Kóždy do jstwy přiběži,  
Při kachlach so wohrěwajo  
Tebi takle wotmołwi:

Khwalće wonka, budźće nutřka,  
Byrnjež cybali wot pucka; —  
W ćoplej jstwe nas njestara  
Hlódny wjelk a třeskańca.

Wšelke, wulke drje je džěło,  
Prjedy hač ći zešije  
Šwalča abo krawc na ćěło  
Woblećenje płatowe.  
Z kolebki pak hač do rowa  
Kóždy so do płatu khowa;  
Duž tež jara zdobne je,  
Zo tu naša přaza kće.

Wučesćić ju njemóžemy,  
Jeje wažnosć wupojdać;  
Duž z najmjeńša nětko chcemy  
Khwalobnje ju zakałać!  
Walčki šćeńkow, k płótnu trěbne,  
Ćeńke, pačosne a zrěbne,  
Praja: Njebudź zacpjena  
Předlča ani najmjeńša!

(1842.)

Štó je najbóle wjesoly.

(Krótko kěrłuše a spěwančka, str. 27.)

Štó je najbóle wjesoly,  
Hač tón, kiž swěru džěla!  
Tón sebi kěrluš lubozny  
Po hódnym džěle spěwa.

Štó je najbóle wjesóły,  
Hač čłowjek sprawny, dušny!  
Tón spěwa z čistej' wutroby,  
Je česćeny a wušny.

Štó je najbóle wjesóły,  
Hač tón, kiž zwady nima!  
We lubosći tón zbožowny  
Do swojej' harfy přima.

Štó je najbóle wjesóły,  
Hač spokojny a zrjadny!  
Tón spěwa přeco zradowny  
A njeje nihdy žadny.

Štó je najbóle wjesóły,  
Hač tón, kiž trada khwilu!  
Tón skače, džaknje spěwajcy,  
Hdyž přewynył je čwilu.

Štó je najbóle wjesóły,  
Hač, kiž za Bohom hlada!  
Tón Boži skutk a dobroty  
Ze psalmom khwalić žada.

(1842.)





## Hódanje.

(Tydź. Now. 1843, 176.)

Hłós: Ja mam tam lubčičku.

**K**hěžčičku čerwjenu  
Móličku mam,  
Kóždy, hlaj, nosy ju  
Pri sebi sam.

Woknje dwě do njeje  
Za duřčka stej  
Wyše njej' vysoko  
Zasadženej.

Rěka krejčerwjena  
Přez khěžku dze,  
Khěžku mi harujo  
Zatřasuje.

Za cichim skhowana  
Khěžčička je,  
Nam'kać ju njemóže  
Kóždy, kiž chce.

Nichtó ju spěšnišo  
Njenamaka,  
Dyžli mi holička  
Wuzwolena.

[wuzwolena]  
(1842.)

## Dži do šule!

(Krótke kěrliše a spěwančka, str. 29.)

**D**žušnych džěci wjesele  
To je: khodźić do šule;  
Šula je ta wuknjeńnja,  
Kotruž Bóh tak lubo ma.

Žana rjana róžička  
Njeje mi tak lubozna,  
Jako džěco kedźbliwe,  
Kiž so w šuli prócuje.

Tajkim džěcom zwukliwym,  
Pěknym, čistym, poslušnym  
Dobri budža jandželjo,  
Starši a tež wučerjo.

Tajkim džěcom na swěći  
Bóh wšo dobre wobradzi;  
Tajke džěći Bóhl'byknjez  
Něhdy bjerje do njebjes.

(1842.)



### Wojebać so!

**P**rajach holču: „Budž moja, holička!“  
Wona praji: „„Być twoja njechcu ja!““  
    ,Wojebać so do holcow,  
    Ja so dam do wojakow!“

Přindžech k korčmje: „Mi porjedž, korčmarjo!“  
Wón mi staji: To běše kisało!  
    ,Wojebać so do piwa,  
    Brjuch mje wot njoh' zabola!“

Wjedzech woła na hermank Kulowski,  
Woł mje zbodže: Duž smějachu so mi.  
    ,Wojebać so do woła,  
    Ja so synu na konja!“

(1843.)



# Swobodny duch.

(Njedodžělane.)

**D**ucho, z khroblej mocu,  
Duša, z duchom křćena,  
Spěwaj nowy kěrluš zahorjena:  
Swjate nowe dychi  
Přez kraj serbski džeja,  
Zwjadle mocy morwych wožiwjeja.

Nowa mjezha pjelni  
Korjeń hišće žiwy,  
Nowych zerjow pruhi na kraj émiwy,  
Na kraj serbski wuńdu,  
W duchu narodžene  
Stawa nowe Serbstwo wocućene.

Z mócnym křidlom worjoł  
Rozbi naše puta,  
Zemja robotna bu synlje hnuta,  
Wójska třělba zaru,  
Džěći krej wšak pije  
Brózda, ale hórša rana žije.

Radlica ta swětła  
Zawora drje wjele  
Rjanych kwětkow, różownik kiž sćełe.

— — — — —  
(1843.)



**Žadosćiwosć po domowinje.**

**B**ije klětku solobik  
Z tyšnym křidleškom,  
Prečku chce mój pěsnjownik  
Z wonknym towařšom.

Tak so styšće lubosći  
W cuzbje dalokej,  
Khwilka k wěčnosći so dli  
Z čwilu přemóžnej.

Mróče! o njesće dom  
Moje strowjenje,  
Krjepće na mój wótcny dom  
Miłe krjepjele.

(1845.)

**Što wuknyć?\***

(Časopis M. S. 1856, 9.)

**D**yrbj so wuknyć na swěći,  
Kaž to so samo wě:  
Duž wuknúmy tež być wjeseli,  
Dónž kćěja radosće;  
To prawa akademija  
Je rjanych wědomstwow,  
Kiž přimaju do žiwjenja  
A do wšěch wutrowow.

\* Přirunaj podobny spěw na str. 102 tuteho zwjazka.

Dyrbi nam zboże w swěće kćěć  
 W tej ćežkej wuknjeŕni:  
 Duž wukůmy tež so lubo měj  
 We swěrnej lubosći;  
     To prawa je grammatika  
     A konjugacija,  
     Z tej rostu naše přećelstwa  
     A krasne wjesela.

Dyrbi so w swěće brěmjo znjesć,  
 Kaž wotsudžene je:  
 Duž wukůmy tež jo mužscy njeseć  
 A kaž najlěpje dže;  
     To paragraf je najćežši,  
     Kiž hlówu połamje;  
     Štóz pak jón prawje rozymi,  
     Professor wěrný je.

Dyrbi nas podeńć staroba  
 Na mučnym kiješku:  
 Duž wukůmy skhować do rowa  
 Sej mysl horliwu;  
     Hdžež tak syntaksu rozymja,\*  
     Tam młodosć njezańdže,  
     Tam prawa akademija  
     Wšěch fakultetow je.

(7./3. 1848.)

---

\* 1. recens.: Hdžež płomjo swjate njehaša  
 A khrobło młodzińske.



# **Kwětka lubowana.**

(Časopis M. S. 1855, 65.)

**K**wětka moja lub'wana\*  
 Barbu jasnu kčěje,  
 Rjeňše njejsu njebjesa,  
 Tak so lubje směje. —  
 Njej' to módra lilija?  
 Ně, to njej' ta róžička!

Kwětka moja lub'wana  
 Ponižne je džěco,  
 Hłowčku z trawy pozběha,  
 Hdyž je ćopłe lěco. —  
 Njej' to módra fjałka?  
 Ně, to njej' ta róžička!

---

\* W rukopisu matej so přenjeje dvě strofe takle:

Kwětka moja lub'wana  
 Barbu jasnu kčěje,  
 Drastu njewinnosće ma,  
 Luboznje so směje. —  
 Njej' to běla lilija?  
 Ně, to njej' ta róžička.

Kwětka moja lub'wana  
 Zerjow barbu nosy,  
 Hłowčku slóncej přikhila,  
 Lubosć sebi prosy. —  
 Njej' to róža čerwjena?  
 Ně, to njej' ta róžička.

Kwětka moja lub'wana  
 Rada žórlo pije,  
 Lubosć ju tež do wěnce  
 Rada sobu wije. —  
 Njej' to njezapomnička?  
 Haj, to je ta róžička!

Bjeř duž, bjeř ju wote mnje,  
 Wzmi tu kwětku sebi,  
 K přecelnemu božemje  
 Podawam ju tebi,  
 Hdyž mje runje njewidžiš,  
 Zo so na mnje dopomniš!

(22. [3. 1849.]



### Božemje krajnej woborje.\*

(Hudźba wot K. Karowa.)

**D**už čehněće, lubši, božemje,  
 Wy muže serbskoh' kraja,  
 A česć a prawo zastupće,  
 Hdžež wjedu was a staja;  
 Kral do brónjow was powoła,  
 A wy sće jeho wobora.

---

\* Spěw je čišćany na lećacym łopjenje a ma tam tuto wujasnjace napismo a připismo basnika: Lube Božemje wojakam krajneje wobory při jich wučehnjenju wot swojich lubych 15. a 18. dženjow novembra 1850. — Přirunaj tež druhu krajnej woborje poswjećeny spěw na str. 172 tuteho zwjazka.

Nam sylza drje so wuroni,  
 My horco poplakamy,  
 Hdyž na was, nětko we cuzbi,  
 Nóc a džeń spominamy;  
     Što pomha? kraj was potrjeba,  
     A wy sće jeho wobora.

Njeh wutroba wam njespadnje,  
 Wšak wšudže přewodžeja  
 Was naše próstwy najlěpše,  
 Te njeh was posylnjeja,  
     Zo kral a kraj česć wobkhowa,  
     Zo sće wy jeho wobora.

Křiž wobora za znamjo ma,  
 Bóh budže wěsće z wami,  
 Duž rjekńće troštni přez Boha:  
 Tróc samo helskej khlami,  
     Hdyž wótcny kraj nas potrjeba,  
     A my smy jeho wobora.

Duž čehńće, syły ryčérské,  
 We Božim swjatym mjenje,  
 Njeh so wam stajnje derje dže,  
 Nas njezabudže ženje;  
     K nam myslička was přesadžej,  
     Wo domje són was wokřewjej.

Bóh spožč wam strowe wrócenje,  
 Daj bórzy wam dom čahnyć. —



Kak chcemy tehdom z lubosće  
Wam wokoł' šije panyć  
A zawyskać: Hura, hura!  
Tu čehnje naša wobora! (12. 11. 1850.)

— \* —  
**Hódančko.**

**H**kižo wot spočatka swěta,  
Jako slónco zaswěći,  
Běly muž a čorna žona  
Łojitej so zaspochi.  
Ruku drje sej skićitej,  
Zjednoćić so njem'žetej.  
[Džěń a nć.] (1850.)

— \* —  
**Kwasny přispěw.\***

Hłós: Naše Serbstwo z procha stawa.

**S**wjedzeń žohnujemy rjany,  
Kiž waj' džensa jednoći,  
Wěnc a pjeršćen přeměnjany  
Swjatočnje so zyboli;  
Hałożka różowa  
Wěncuj waju lubosća!

---

\* Najprjedy bu tutón spěw, kaž je z basnikoweho rukopisa widzieć, poswjećeny „Knjezej Frencelaj, wučerjej w Zarěču, na jeho wěrowan-skim dnju z knježnu Gółčec z Barta“. Potom bu husćišo jako kwasny přispěw trjebany a čiććany.

[Waju swjate polubjenje  
Boža hnada přewodžej  
A daj miłe wusłyšenje,  
Štož hdy prosyć budžetej;  
Hałožka różowa atd.]

Waju wěčne zjednočenje  
Wěrna lubosć wozbožej,  
Měr a ćiche zwjeselenje  
Wšědnje wamaj poskićej;  
Hałožka różowa atd.

Lubosć je ta hwězda złota,  
Kiž nóc horja přeswěćí,  
Lubosć paradiza wrota  
Swěrnym dušam wotewri;  
Hałožka różowa atd.

Duž budź rjenje wěncowany\*  
Waju puć do mandželstwa,  
Njeh je přeco runy, rjany,  
Rjany serbski do kónca;  
Hałožka różowa  
Wěncuj waju lubosća!

(24./5. 1851.)

---

\* W rukopisu: Waju zwjazk budź krónowany  
Přez najrjeńše lubosća.



### Bjesadny spěw.

~~W~~ Mi dajće dom, hdžež wjesele so spěwa:

Hdže lěpje bydlu na swěće?

Tam radosć twari templ a so směwa

A do njeho wšěch přiwjedze.

Haj, spěwar wě, hdže rjane róže su a ktu,

A spěwar wě, hdže serbske duše sapaju. —

Duž rady sym, hdžež w bjesadze so spěwa:

Hdže rjeńšo tež je na swěće?

Mi dajće dom, hdžež wjesele so spěwa:

Hdže lěpje bydlu na swěće?

Tam w zymje tež mi rjana róža kćewa

A žiwjenje tam womłodnje.

Tam zejhrawa před wóčkom slódkich lětow són,

Tam wobnowja swój zynk tón dawno němy zwón. —

Duž rady sym, hdžež w bjesadze so spěwa:

Hdže rjeńšo tež je na swěće?

Mi dajće dom, hdžež wjesele so spěwa:

Hdže lěpje bydlu na swěće?

Tam twochnu hněwanki a lód so škrěwa,

Kiž ležeše na wutrobje.

Hlej, spěwar wě móc, wutrobu nam na puć dać

A přecelow na rozpućach tež troštować. —

Duž rady sym, hdžež w bjesadze so spěwa:

Hdže rjeńšo tež je na swěće?

(1854.)



# Wšelake powołanje — wšelake wjesele.

(Njedodžělane.)

Ja wěm, ja wěm lóšt rajtarja:  
Swoju najlubšu wón při sebi ma;  
Wona blyšći so kaž wohniwa škrja  
Jom' po boku!

Kak sapaju jej' lubosća!  
Kral je sam jeho z njej zaslubował,  
Wótcny kraj pak žohnowanje ji dał,  
Haj k dobyću!

«Pój, njewjesta ty železna!»  
Praji wón, z tobu sym slubowany  
A ze přisahu nětk wěrowany  
Za wótcny kraj.

Trari, trara! won do pola!  
Na kwas nětk trompejta přeprošuje,\*  
Reja wječorna so přibližuje  
Na bitwišću.

Duž božmje nětk ci, Hanka, dam;  
Jeli žiwy, čily njebudu twój,  
Jeli wjacu tu so njewidžimój,  
Měj dobru nóc!

A na mój row sadź róže tři,  
Módru, čerwjenu a bělu mi sadź,  
Zo z česću prawej b'du pod nimi spać. —  
Adej! adej!

\* \* \*

\* Variant: Brunačk juž njeměrný poskakuje.

Ja wěm, ja wěm, lóšt spěwarja,  
 Přińdže meja z nowotka zakčěwaca,  
 Pod kćeničkom spěwar słyšeć so da;  
 Lóšt žiwjenja!

A su, a su zas' přišle žně,  
 Widži spěwar snoparku na wozu stać  
 A z rubješkom wjesele zejhradować;  
 Wón spěw tež wě.

A du, a du přeč ptačata,  
 Spěwar z nimi zrudny spěw zanošuje,  
 Radosć zasowidženja wukhwaluje  
 A pozběha.

Wón wě, wón wě, hdže zakčěja  
 Róže mlódne a lička róžowate,  
 Wšudže domach a rjenje witany je;  
 Jim swjeći spěw.

\* \* \*

Ja wěm, ja wěm lóšt hajnika,  
 Lěs a pola zelene přenóžkuje,  
 Pěkny dobytk jom' džiwinu wobradžuje:  
 Jom' k zbožu dže.

— — — — —  
 — — — — —

\* \* \*

Ja wëm, ja wëm lóšt rólnika,  
Swoje brune do woza zapřahuje,  
Złotych snopow do bróznje naworštuje:  
Jom' k zbožu dže.

— — — — —  
— — — — —

(Wokoło 1855.)

### Njezabudź mje!\*

(Časopis M. S. 1856, 4.)

**N**jezabudź mje! to prosy  
Če moja wutroba,  
To njech ćí kóžda kwětka,  
Hdžež budžeš, přiwoła;  
We jejnej rjanosći  
Mój duch će postrowi.

Njezabudź mje! to kóžde  
Če prosy ptačatko,  
Kiž po zelenej hał'zy  
Hdže widžiš lětajo;  
We jeho spěwanju  
Če lubje postrowju.

---

\* Tutón a slědujcy spěw je basnik zapleťi do III. sceny započateho melodramata „Hanka“ (hl. zwjazk II, str. 326). Tola rozsudźichmy so rjadki tuteju rjaneju spěwow tu hišće raz za sobu wočišćeć podobnje kaž smy to hižo činili z po něčim variantnymi tež do „Hanki“ přijatymi spěwami: Što klinči, što brinči (str. 29) — Hač runje doły, hory (str. 58) — Česó pacholu a sława (str. 182).

Njezabudź mje! to prosy  
 Će kóžde wětrješko,  
 Kiž hał'žki, stwjelca hnuwa  
 A přez nje wije so;  
     Z nim moje strowjenja  
     Mój wodych zjednoća.

[Njezabudź mje! ěe prosy  
 Mój wodych kóždžički,  
 Hdyž slěbornja so hwěžki,  
 Hdyž dzeń so zaběli:  
     Dzeń z nocu přinoša  
     Ći moje strowjenja.]

(24.|11. 1856.)



### Rózno dyrbimoj.

~~Mje~~ Mjeze mnu a mjez tobu  
 Budže šumić rěka,  
 Božmje! Njeh z tej žołmičku  
 Lubosć naju čeka.

„Swojej“ smój sej rěkałoj,  
 To bě zelo zwady,  
 Rózno, rózno dyrbimoj,  
 Njerad abo rady.

Mjeze mnu a mjez tobu  
 Šćežka dyrbi zarosć,  
 Ale kóždu kročalku  
 Dyrbi róža narosć.

(24.|11. 1856.)



# Posledni dzeń lěta.

(Serb. Now. 1856, 409.)


Dzeń posledni so doswětluje,  
Syn staroh' lěta mučneho;  
Wón přecelnje wjes pozłócuje  
A z khutnym słowom džěli so:  
Štóž rjanych dnjow tu wužil je,  
Tón poswjec moje božemje.

So lětoskóněny wječor bliži  
We zwonow rěčnym klinčenju;  
Wón w hwězdny wódžěwje so niži  
A praji: Swjatok připojdu;  
Štóž dobre džěło džělał je,  
Měj moje rjeńše božemje.

Na ćmowym wozu nócka jědze  
A rjeknje: Swěcy zaswěćće!  
Je něchtó zrudobu wjedł něhdže,  
Ja hodžinki mam poslednje;  
Wón posylń so we nadźiji  
A troštnje moje božmje wzmi.

We wjeleprajnym zynku bije  
Nětk poslednja ta hodžinka;  
Wěnc radosće wšěm dobrym wije,  
Da božmje-koš a zawoła:  
Štóž derje z bližšim měnješe  
A z Bohom, — derje wobzamknje!

(9. 12. 1856.)





## II. Fragmentsy a varianty.

### Knjez a holičo.

(Zlamk.)

**N**adja nadjěl knjez je nadobny  
 Na konju klěšatym  
 Tam holčo trawu žnějicy  
 We lěsu zelenym;  
 Přez haľzy slńco kukaše,  
 Lěs na jej' słowčka posl'chał je.

„Tón lěs je mój“, wón praješe,  
 „A trawka zelena,  
 Duž dyrbju wótrje čazać óe  
 A hórka budže mzda;  
 Chceš pak mje swěrnje lubować,  
 Twój serpić njetrjebaš mi dać.“

„Ty knjez, ja burske holičo —  
 To dobre nječini“

— — — — —  
 — — — — —

(1. | 3. 1849.)

### Próstwa.

(Zlamk.)

**N**jech přewodža a troštuje  
 Mje twoje žohnowanje,  
 Njeh we mysli a we skutku  
 Mam twoje spodobanje.

Ja so či, Knježe, poruču  
Po duši a po čóle,  
Zdžerž mje před škodu, njezbožom  
Pri mojim wšědnym džěle.

Njeh sym ja twój a wostanu  
We twojim hnadnym slubje,

— — — — —  
— — — — —

(Wokoło 1850.)

### Srocynty kwas.

(Njedodžěłane.)

~~K~~ kwas sej hotowaše sroka,  
Wulku, čestnu hosćinu:  
Blešu blincow, křidu mloka,  
K wobzamknjenju kołbasu.

Zo by njebył wobćeženy  
Nihdže žadyn kwasny hósć,  
To je pjecak wumječeny  
A we studni wody dosć.

Braška změje woš na pasku,  
Zo by nječinila złósć,  
Njemdru pkhu pak na rječazku,  
Duž so njeboj žadyn hósć!

— — — — —  
— — — — —

(Wokoło 1850.)

### Wječorny spěw.\*

**S**o złote slónčko k zemi niži  
 Za lěs a hory do morja,  
 So dlějši scěń a wječor bliži,  
 Dzeń swětły zwony wuzwonja:  
 Khryst Kyrie! budź pola nas  
 A přikrywaj nas kóždy čas.

— — — — —  
 — — — — —

(20. 9. 1852.)

\* To je přenja strofa spěwa w II. zwjazku str. 113, kotruž hakle po wudaću woneho zwjazka w basnikowych rukopisach namakach.



### Kćěj, Serbowstwo!

(Njedodźělane.)

**K**ćěj, kćěj mi, lube Serbowstwo,  
 Kaž róže w zahrodach,  
 Měr złoty njech ma bydleničko  
 We twojich přebytkach.

Kćěj, kćěj mi, čestne Serbowstwo  
 Přez lubosć, spokojnosć,  
 We wěrje, swěrje rozsylná so,  
 Bóh daj ci zboža dosć.

Kćěj, kćěj mi, pilne Serbowstwo,  
 Dónž traja syw a žně,  
 We złotym měrje kubłaj so

— — — — —

Kćěj, kćěj mi, swěrne Serbowstwo

— — — — —

(1854.)



### Fijaľka.

**W**itaj, witaj fijaľka,\*  
 Módrinka ty jena,  
 Z přenjej mocu nalěća  
 Zahe wocućena;  
 Witaj džěčo lubozne  
 Pod łopjenkom blyščate.

— — — — —  
 — — — — —

(1855.)

---

\* Tak rěkaše z woprědka (hl. Časopis M. S. 1855, 66) přěnja strofa snateho soloquartetta z „Nalěća“, kiž bu pozdźišo předšěłana, kaž je w II. swj. str. 21 wocěćana.

— \* —

### Młodostne nalěće.

(Njedodźěłane.)

**J**ónkróc złote časy kćěja  
 Młodostneho nalěća,  
 Přeco pak so njeblyšćeja,  
 A jich slónčko zakhadźa.

Něhdy dyrbja róže spanýc,  
 Móc a radosć ma swój čas,  
 Sapanje so dyrbi zlehnýc  
 Do čicheho płomjenja.

Něhdy stwjelco klósku njese,  
 Kćenje swoje płody da,  
 Něhdy žnjeński dzeń so swjeći,  
 Kiwa swěrnej' prócy mzda.

Něhdy jasne slónčko swěći,  
 Zañdze česna, płáčna nóc,  
 Swojoh' templa złote wrota  
 Něhdy radosć wotamknje.

Něhdy hófka štunda bije,  
Kiž nas džěli, rozwjedže,  
Něhdy wóčko sylzu lije,  
Klinči zrudne božemje.

Něhdy dyrbimy so nam'kać,  
Swjećić zasowidženje,  
Nihdy njemóže wšak hasnyć  
Płomjo swěrnej' lubosće.

(3.4. 1856.)



### Młodźenc a šědźiwc.\*

**Młodźenc:**  
*W* radosću do žiwjenja  
 Moja noha stupa,  
 Kaž so w slónčku lilija  
 Narodny dzeńi kupa;  
 Kukuk, kukuk kokula,  
 Młode to chce do swěta!

**Šědźiwc:**  
 Na drohu młodych stupić lět  
 Mi wjesela wjac' njeda,  
 Sym našo! so přez tutón swět,  
 Kiž droho radosć předa  
 Za prócu, strach a starosće;  
 Te leža přewinjene  
 Mi za khribjetom nětko wšě  
 A z Bohom wotložene.

---

\* To je přěni wudžělk 5. a 6. spěwa přěnjeje džělby „Podlěca“  
 (hl. II. zwjazk, str. 55 sl.), kaž je wocěšćany w Časopisu M. S. 1858,  
 str. 22 sl.

**Młodźenc:**

Kaž so pola zelenja,  
Kaž so luka krasni:  
Tak mi radosć, nadźija  
Směwajo so jasni;  
Kukuk, kukuk kokula,  
Młode njecha ze swěta.

**Šědźiw:**

Mi, hdyž so tudy přikróťši  
Mój dzeń a pućik časny,  
A moja noha wopuści  
Swět zeleny a jasny:  
Mi sylzu hona krasniše  
Pře tutón dobytk staja,  
Jich rjanosće su njebjeske,  
Kiž wšitko zarunaja!

(1858.)



**Nadźija na lěpši swět.**

(Njedodźělane.)

~~N~~jepraj: Druhdže lěpje budže —  
Khiba w Božich njebjesach,  
Tam je satan wukyrnjeny,  
Tam je statok wučisěny,  
Tam so njewě wo sylzach.

Tu pak wšudže přeco budže  
Wšitko jenak na zemi,  
Dońž tu liški, wjelki, lawy  
Nježiwja so z lěsnej' trawy,  
Mrěje słabši w swojej krwi.

Dónž na polach, plódných rolach  
Njerjad rosće mjez pšeńcu,  
Dónž tu ludźi zły lóšt zbudźi

— — — — —  
A jim kazy wutrobu.

Dónž tu móc přez prawo póńdže  
Sylny čišći słabšeho,  
Dónž tu młodym, starym słodža  
Zakazane jabłuka.

Dónž so z morwym dobyć pyta,  
Štož je duch a žiwjenje —  
Dónž tu žadyn zezaw žerje  
— — — — — železo:  
Čłowjek čłowjek wostanje.

(1860.)



## Wojowarjam w Schleswigskej.

(Načisk.)



Trari, trara — won do pola!  
Trompejty na kwas přeprošuja  
A bubony jim přihłosuja,  
Na bitwišćo won do pola!

Adej, adej — čehń božemje!  
Čehń z Bohom won do cuzowiny;  
Jeli so wjacj njewidźimy,  
Měj dobru nóc, čehń božemje!

(1864.)



## Na wójnu!

(Zlamk.)

**N**aj dajće mječ, mi dajće konja,  
Za wótcny kraj chcu wojować,  
Hdźež wulke šteki w polu zwonja,  
Tam chcu so dać ja zapisać.  
Adej, adej, ty najrjeńša,  
Mój lóšt a radosć žiwjenja!

(Wokoło 1870.)

## III. Hróńčka.

### Wuknjenje.

**C**łowjek wšo wuknyć njetrjeba,  
To zjawne je ze zhonjenja;  
Kak wjele zelow narosće,  
A nihtó wšak je njesyje!

(Wokoło 1835.)

### Radosć rajtarja.

Južnoserbški blós: Hajde braća, hajd junaci.

**H**ajda bratřa, hóley młodži,  
Što so w swěće lěpje hodži,  
Hač po boku swětły tesak,  
Mjez nohomaj žiwy plesak;  
Potom z lóštom do pola,  
To je radosć rajtarja.

(Wokoło 1835.)



**Jenajkosć.**

Wězdzički jasne,  
Wěnaški kwasne  
Jenajko zybola so.

(1842.)

**Kofej.**

Ťy ŭlowjestwu sy wujednanje  
Ze žiwjenjom tym kožanym;  
Haj, twoje hołe pluskotanje  
Da hižo radosć mjerzacy.  
Złu hubu stula žonisko,  
Hdyž duje šalku zradužo.

(1843.)

**Mucha w kofeju.**

Ťadnje do kofeja khlóšća mucha,  
Wotprošenje dđerža ji:  
Što tam lazy a nutř nucha  
Křidla, nohi přestrěwši!

(1843.)

**Zachodnosć.**

Ťusto kiž so džensa koša,  
Su žno jutře džěleni  
Abo tyšne horjo noša  
Abo njejsu na zemi.

(1845.)

**Preč zrudoba!**

Wutroba, što žaruješ,  
Wóčko, što so pomróčeš;  
Njeje přislušnosć a česć,  
Horja zloby mužscy njesć?

(1846.)

### Wótólske hrónčko.

A štož tu serbski móže,  
Tón z nami wjesel so:  
To dže naš wozyčk lóže  
A maz ma kolesko.

(W měrcu 1848.)

### Nalětnje hrónčko.

Gopliši wětr wobduwa,  
Rjeńše džeja časy,  
Černik kěže z nowotka —  
Ptačik přińdže zasy.

(1849.)

### Róžičcy.

Z jeneje wobnožki kěžeštej  
Rjanej tam róžičcy dwě,  
Jenajku mysličku měještej,  
Jenajke začuwanje.

(Wokoło 1850.)

### Lubosć.

Lubosć je štom žiwjenja,  
Wěcnje zeleny a młódný,  
Wichory jom' nješkodza;  
Je čím bóle tehdy plódný  
A će zbóžnje wokřewi,  
Hdyž će wšitko wopušći.

(Wokoło 1850.)

### Wjesołosć k džěłu.

Gastojčcy lóšt lětać je,  
Sołobikej spěwać:  
Lóšt a dary najlěpje  
Wědza džěło džělać.

(Wokoło 1850.)

# Hróňčka na plwowe škleńcy.

## I.

Wopomnjenju,  
K dopomnjenju!

## II.

Gambrinej khwała,  
Pijerjej slawa!

## III.

To je tola dunderske,  
Hdyž mi škleńca prózdna je!

## IV.

Hdžež so piwko jasni,  
Žiwjenje so krasni.

## V.

Bjez přestaća běži rěčka,  
Doniž morjo njenam'ka.

(Wokoło 1850.)

## Žiwjenje.

Žiwjenje je zahroda,  
Kiž přez lubosć kćěje,  
We tej wšelka rózina  
Luboznje so směje,  
A je jena wotkćěła,  
Druha zas' ju naruna.

(8. 11. 1851.)

## Nalěće.

Što lubšo so słyši a lubi,  
Hač hdyž je nalěće tu  
A pastyr won ćěri a trubi  
A haje zas' zelene su.

(1852.)

### Rěčka a woheń.

Rěčka běži po doli,  
Šwórći, pluskoce;  
Woheń sapa w wutrobi  
Plomjo njeměrne:  
Rěčka, rěčka slěborna,  
Hdy by ty jón hasnyła.

(W septembru 1854.)

### Nadžija.

Am kiwa měšačk k wjeselu,  
Budź, praji, spokojom;  
Štóz njewopušći nadžiju,  
Njej' zbity pod njebjom.

(1854.)

### Spokojnosć.

Što chcu sej hłowu lamać,  
Što starosć tyšna chce,  
A što chcu zbože tamać,  
Hdyž mi njej' přećelne:  
Sym spokojny, sym zbožowny,  
A to mam darmo wšitke dny.

(Wokoło 1855.)

### Pokoj.

Ryši-li će druhdy horjo,  
Maš tež sylzy rozliwać,  
Dyrbiš kedźbować na morjo,  
Jeho žołmy wobhladać:  
Hdyž tež džensa hladko spi,  
Jutře dru jo wětriki.

(Wokoło 1855.)

**Meja.**

Aj, ty krasna, luba meja,  
Twoje dny tež wokhlódnú;  
Twoje směwki, twoja reja  
Njewěsteho traća su.

(1856.)

**Bjez pjenjez!**

Wšitko mam ja, wšitko,  
Škličku, lžičku, blidko,  
Jenož žane pjenjezy!

(1860.)

**Nazymje.**

Ruž žoltnje trawa płowa,  
Nóc khlódna dlěji so,  
A kačka w haće woła,  
We polu kurjatko.

(Wokoło 1860.)

**Lohka myslička.**

**I.**


Ta hladkim je lodže  
Pad njedaloko,  
Hdyž róže ty šćipaš,  
To njeskaľaj so.

**II.**

A woda ta ćicha  
Najhlubše ma dno.  
Kusk falša do swěry  
Rad naměša so.

(16. 11. 1866.)


### Rjany spřah.

šašej wólši do rěki  
Stej so powróciłoj —  
Z mojej starej so přěki  
Wčera zapřezechmoj.

(1866.)

### Hrónčka wo lubosći.

#### I.

še ranko, je wječor,  
Je swětło, je ćma,  
Hdžež njej' pódla lubosć,  
Tam zbože je lža.

#### II.

Hdžež so lubosć zasydli,  
Twari złote hrody;  
Spěwaju tam jandželki,  
Wino njesu wody.


#### III.

Škrička bójska, płomjo swjate,  
Z paradiza smjertnym date,  
Lubosć, tehje jandželki  
Do swěta su přinjesli.

(1867.)

### W Popojcach.

#### I.

usta tam je ruta,  
Hdžež je holca kruta;  
W Popojcach je husta ruta,  
Tam je Marja kruta.

II.

Rad je hólčik rad,  
Hdžež je husty sad;  
W Popojcach je husty sad,  
Tam je hólčik rad. (Wokoło 1870.)

**Čas z wěčnosću zwěrowany.**


Na něhdy, něhdy, něhdy čas  
Tež nawoženja běše,  
Wón z Hanku Wěčnic měl je kwas,  
Bóh zwěrować jej' džěše. (1871.)

**Wumrjeó dyrbiš.**

Prjedy abo posledy  
Młody abo stary,  
Štóž na swěće njewisy,  
Nječini tu hary,  
Hdyž so k njebjú domoj dže! (12. 1. 1872.)

**Mój přebytk.**

Hdžež wočko sylzu njeznaje  
A skóržba kóžda womjelknje,  
Hdžež wěčnje tam so lubuja,  
Swój přebytk wuzwolam tež ja. (1872.)



## IV. Připiski a napiski.

### Sebl.

**D**ěženje a jednoćenje  
Ruku sebi dawatej  
Na pućiku přez žiwjenje  
Na tej šćežcy podróžnej. (1845.)

### Přećelej.

**G**id, štož móžeš, dobreho  
Z ruku abo z hubu,  
Njezapomín pak přisłowo:  
Druhim k woli — sebi k lubu. (1.10. 1849.)

### Kocorej

při připóslanju spěwa „Swěćila so hwězdáčka“.

**D**owle, luby Kocorko,  
Pósćełu Wam spěwańčko,  
Sobu wjele dobreho! (25.1. 1850.)

### Njebolakej.

**N**a haće płowa husyčka  
A wo trawje sej powjeda;  
Ju ničo bóle njestara,  
Duž njech sej přeco powjeda! (1850.)



**Přeradnikam.**

Řaž njej' Hadam wutupjeny  
Ze žaneho člowjeka,  
Tak njej' Judaš wumječeny  
Dołho hišće ze swěta;  
Jeli směm, Wam praju wótfi:  
Wón 'šće něhdžežkuli kmótfi!

(Wokoło 1850.)

**Wotrodžencam.**

Wótěny kraj a narodnosć  
Zynk žadyn prózdny njeje;  
Njewidžiš tu stwjelca rosć  
Na honach Lužiskeje?  
Zemja, kiž će skubłala,  
Lubosće je dostojna.

(Wokoło 1850.)

**Hordym repucham.**

Řač mjeno to ab' druhe je,  
Řač knjezojo ab' burja sće,  
To njeprašam ja ženje. —  
Štóž ma najwjacy rozyma,  
Tón knjež a budž naš předsyda,  
A wšitko budže rjenje.

(Wokoło 1850.)

**Mudremu přećelej.**

Njestaj twoje dowěrjenje  
Na mudrosć a na prócu;  
Žohnowanje, poradźenje  
Přindže z njebjes do domu.

(Wokoło 1850.)

**Němcam.**

Ma-li tež němsku kapu,  
To tola hlōwu nic!

(Wokoło 1850.)

**Serbskim wótčincam.**

Raj, we cyłosći prezjenosć,  
We wosebnosći swobodnosć  
Njeh pola nas přec' knježi!

(1852.)

**Skupej žonje.**

Serjenje khodzíš po dworje  
A pjenjezy leža we kuće!

(1852.)

**Zadźerakej.**

Mlej, bratře, tu so pokaže,  
Kak kubło njeprawe  
To prawe sobu zežerje  
A směch šće přinjese!

(1852.)

**Serbam.**

Čeś, mój ludo lubowany,  
Čeś swój narodny kraj rjany,  
Hladaj, kak so lubje směje,  
Z twojej prócu plódnje kćěje:  
Rady we nim přebywaj,  
Slawa! jemu zawyskaj!

(1860.)

**Zalubowanemu.**

Widziš sčěnku ćerikušku  
Mjez helu a lubosću.

(1860.)

**Staremu hrěšnlkej.**

Šěle włóski, zrale kłóski,  
Kosu žnjeńcow čakaju. (1860.)

---

**Skupemu duchownemu.**

Prawje wěrjacy wšak sy,  
Nic pak prawje činjacy. (Wokoło 1860.)

---

**Němcam,**

kiž Serbow, serbsku rěč a serbske wašnja hanja.

**I.**

Štóž wusměša wšo hinaše,  
Hač móže sam a ma,  
Je hordy blazn najskerje,  
Pak wulka zympula!

**II.**

Słabosć je, wšě njerunosće  
Bić na jene kopyto,  
Bóh je přećel wšelakosće,  
Z tym bjez hidy spokoj so! (Wokoło 1860.)

---

**Hłupemu Jankej.**

Wósłow stajnje tu a druhdže,  
Dónž swět steji, kajkiž je,  
Z črjódami wšak trjeba budže,  
Duž mi strach njej' wo tebje;  
Kóždy wšak tež na swěći  
Po swojim so přećini. (Wokoło 1860.)

---

**Dundakej.**

Štož lošta k džělu nima,  
Tón běha wokoło,  
Za swěťty wołoj přima  
A zhubi slěboro!

(Wokoło 1860.)

**Napisy na rowčki džěcatkow.**

**I.**

Špi tu, droha, w ćichim měrje,  
Dónž će twój Bóh njezbudzi,  
Naš khód hišće dže we wěrje  
Pod prócu a sylzami,  
Ale tón trošt wobkhowamy,  
Zo će zaso wohladamy.

**II.**

Waju duši překrasnjenej  
Wužiwatej Boží raj,  
To sej staršej wurudženej  
K zbóžnom' troštej prajitaj;  
Bóh waj' da a k sebi wza:  
Jeho móc budž khwalena!

**III.**

Kwětki kćěja, kwětki spanu,  
To tež płaci wo tebi,  
Časnje njezahojnu ranu  
Twoja smjeré nam nadyri,  
Ale před Bohom ty kćěješ,  
Jako jandželk so tam směješ.

**IV.**

Njeplakajće, to wam praju,  
Mi je derje na wěčnje,  
Bydłu nětko w Božim raju,  
W tutym domje zbóžnosť je.

V.

Njeh tu smjerc nas rozdželuje,  
Boža rada kaže to;  
Boži raj nas zjednočuje  
Z tobu, lube džěcatko.

VI.

Horce sylzy plakamy,  
Lube džěćo, pře tebję,  
Bohu pak će dali smy,  
Kiž će bóle lub'waše.

VII.

Kiž ze sylzu rozsywaju,  
Z radosću či budža žnjec, —  
Tule radu w lěpšim kraju  
Budžeš spóznać, woprijec.

VIII.

Krótkę bě to zwjeselenje,  
• Mała khwilka radosće;  
Dołha bolosć, wurudženje  
Budže naše začuće.

(Wokoło 1860.)

**Napis na row starca.**

• O procha strase wožołnjene  
Wětr nazymski wšě liscička —  
Te, te su k tlaću položene  
A žiwjenje wjac' njewidža:  
Nas pak tu wusywa Bóh sam  
A zhromadzuje k wěčnym žnjam.

(Wokoło 1860.)

**Hordemu Janej.**

Štož je tak prawje zažrany  
Do samopašnosće,  
Tón njewě sam, kak naduty  
A wohidny wšěm je. (1863.)

---

**Česćelakomnemu.**

Wěcěr, přećelo, mój bratřiko,  
Ta požadliwosć rosće,  
Měch česćelakomnosće  
Na wěčny čas je zhubił dno. (1863.)

---

**Wjesołemu ratarjej.**

Saj, tebi hwizda so bjez džiwa  
We wjeselu a radosći:  
Či krupow mróčel njeje zbiła  
Te rjane sytwy na poli. (1864.)

---

**Skupym.**

Dajće, ludžo, dajće nam,  
Dajće ruče, ludžo, dajće,  
Dajće, štož so lubi wam,  
A mi rjane słowčko prajće! (1869.)

---

**Zbožownymaj mandželskimaj.**

Či te lětka žiwje kćěje  
Džens Waj' zbože mandželske,  
Wóčko, wutroba so směje;  
Wěsće róže krasniše?  
Přemóc rjanosć teho dnja  
Złote wěncy njemóža. (6. 5. 1870.)

---

**Lidorkam.**

Štóz chce so z Wami spřećelić,  
 Ma lidorjenje rozymić  
 A začpić runu wahu —  
 Dosé njelepakow tyka so  
 Do Wašoh' kumšta sławneho  
 A pječe samu žahu:  
 Nic wěrnno, bratřa lidorscy,  
 Wot Was so wuknje mišterscy! (1870.)

---

**Starym hólcam.**

Šjez towařša a towařški  
 Štóz přez žiwjenje dže,  
 So ducy z nikim njezwadži  
 A swój knjez přeco je. (1870.)

---

**Při měrje 1871.**

Šoh wobtwjerdž zwjazki jednoty,  
 Kaž wopor bě tež towařšny;  
 Njeh Serbstwo, Němstwo kćeje  
 A lubosć wobej hrěje. (1871.)

---

**Knjejskemu hordačeje.**

Dosis:

Radšo z małym započec,  
 Z wulkim potom dokonjeć:  
 To k zbožu puć je prawy.

Antidosis:

Knjezowski započatk,  
 Prošeński dokonjatk,  
 Jeli Bóh nječini džiwy. (1871.)

---

**Cyrkwinskim dohladowarjam.**

Němsku čín džě politiku,  
Serbsku k njej religiju,  
Džerž ju w každym wokomiku  
Z njepostorčnej swěrnosću. (1871.)

**Němcej,**

kiž chce Serbow němskej kulturje dobyć.

Na jara wysoka kultura  
Je maćer mjehkej' słabosće,  
Njej' khmany naporjadk za bura,  
Salon wón teptać njezechce! (1871.)

**Bjesadźinym přećelam.**

Nas wšitkich we lubosći zjenuj,  
Dónž ponjese bróžda tu žně,  
Tych „swěrných“ nas Łužica mjenuj  
A přichodne narody wšě. (1872.)






## V. Hłosy basnikowe


k spěwam třećeho zwjazka.

### 1. Husaca kwětka. Strona 2.

Srěńjo pomału.



### 2. Serbow strowjenje. Strona 3.






po-moc Wjeřšne - ho, hač po-moc Wjeřšne - ho.

### 3. Wostań w kraju. Strona 4.


Měrnje.



Wostań w kraju, to ći pra-ju, w swoim kra-ju



na - rod - nym; sy tež khu-dy, žiw so tu - dy



po če - sći a spo-koj - ny.

### 4. Spěw wjesela. Strona 42.

Spěšnje.



Sto lět kaž mi džens je, khi - ba



hi - šće lě - pje: Haj, to bych ja wzał, so




z pja - ta - mi prał.

## 5. Dzewjeć rjemjeslnikow a dżesaty slěpc.


**Moderato.**

**Strona 65.**



**6. Piwny spěw. Strona 124.**

**Moderato.**





k bli - du, my pi - wa lač - ni smy. Štôž




pře-čel-stwo chce z na-mi měé, tón nje-smě ža-dyn



šel - ma być, kiž do-bre pi - wo zac - pi.

**7. Młodostne wjesele. Strona 226.**



Ha-le bratŕa na-dob-ni rje-nje za-spě-waj-my,



swo-je prawo młodosci z wašnjom pěknym daj-my.



## P o k a z o w a ř

jednotliwych spěwów třecého zwjazka.

|                                                   | Strona |
|---------------------------------------------------|--------|
| Aha, aha, ja słyšu žno . . . . .                  | 111    |
| Ach nalěčo ty zelene . . . . .                    | 48     |
| Ach spadłe, spadłe su ze štoma lisćička . . . . . | 288    |
| Aj, ja sym Serb! wěš, znaješ barby moje . . . . . | 270    |
| Babka pčolka, pilna džowka . . . . .              | 311    |
| Bije klětku sołobik . . . . .                     | 322    |
| Bóh z tobu! Prusowska . . . . .                   | 156    |
| Bóh žohnuj sakski kraj . . . . .                  | 151    |
| Bože slónčko k domu džěše . . . . .               | 120    |
| Božu hnadu, wjele zboža . . . . .                 | 78     |
| Bratřa, dajće město spěwej . . . . .              | 114    |
| Budź božmje, moja lubčička . . . . .              | 75     |
| Budź, rjane lěće, božemje . . . . .               | 202    |
| Buriko, chceš mi być knjez . . . . .              | 268    |
| Bur mój wujko — wrobliko . . . . .                | 310    |
| Čeś pacholu a sława . . . . .                     | 182    |
| Čehnje nalěće do kraja . . . . .                  | 286    |
| Čichi wječor khwata k zemi . . . . .              | 187    |
| Daloko wot wótnoh' kraja . . . . .                | 288    |
| Do haja, lěsa, na hory . . . . .                  | 117    |
| Domo, domoj-ho stadleško . . . . .                | 138    |
| Doplomjenilo slónčko je . . . . .                 | 46     |
| Do Schleswigskej' ja počahnu . . . . .            | 259    |

|                                                 | Strona   |
|-------------------------------------------------|----------|
| Ducho, z khroblej mocu . . . . .                | 321      |
| Duša, starosć zabudź . . . . .                  | 205      |
| Dušnych džěci wjesele . . . . .                 | 319      |
| Duž čehńće, lubki, božemje . . . . .            | 325      |
| Duž k prawu swjatom' narodnemu . . . . .        | 260      |
| Dyrbi so wuknyć na swěci . . . . .              | 102. 322 |
| Dżeń a próca nimo je . . . . .                  | 125      |
| Dżeń dobry zjednočuje . . . . .                 | 227      |
| Dżeń posledni so doswětluje . . . . .           | 334      |
| Dżeń so skonja . . . . .                        | 39       |
| Džens je mi tak wjesele . . . . .               | 252      |
| Džens surowi so njezbože . . . . .              | 51       |
| Džewjaty dżeń lipa kće . . . . .                | 89       |
| Dżowka, dolij pónoj . . . . .                   | 293      |
| Hač runje hory, doły . . . . .                  | 58       |
| Hałoz, lisćičko zelene . . . . .                | 99       |
| Hale bratřa nadobni . . . . .                   | 226      |
| Ha moja mje maćerka namołwja přec' . . . . .    | 11       |
| Ha nadjěl knjez je nadobny . . . . .            | 335      |
| Handička, lubčička, jandželko mój . . . . .     | 163      |
| Ha njejsym tež knjez nadobny . . . . .          | 292      |
| Ha póndu tež přez hory, doły . . . . .          | 243      |
| Ha zrudobje mojej so njedźiwajće . . . . .      | 50       |
| Hdyž budźa štomy zelene . . . . .               | 236      |
| Hdyž dżeń swita . . . . .                       | 157      |
| Hdyž hdy twojej' wočkow pruhi . . . . .         | 59       |
| Hdyž počina pod keřkom rości tam hrib . . . . . | 92       |
| Hdyž widžu léce čahnyć . . . . .                | 57       |
| Hdyž wječor pozdže domoj du . . . . .           | 115      |
| Hdže dny a hraje lóštne su . . . . .            | 61       |
| Hdže zradowne hodžinki zašle . . . . .          | 56       |
| Hdžež prawa zhromadžena . . . . .               | 231      |
| Hdžež so módrja, zelenja . . . . .              | 73       |
| Hdžež so piwko trubi . . . . .                  | 91       |
| Hdžež ta kwětk wonja . . . . .                  | 74       |

|                                                 | Strona |
|-------------------------------------------------|--------|
| Hilžička spěwa sej plačite hłosy . . . . .      | 71     |
| Hišće nadžija je žiwa . . . . .                 | 184    |
| Hižo wot spočatka swěta . . . . .               | 327    |
| Hlós na poli . . . . .                          | 39     |
| Hladajće, ludžo, na zeleny brjóžk . . . . .     | 2      |
| Hlaj, kak so z hněwom puka . . . . .            | 297    |
| Hlaj, rak je zwěrjo wodowe . . . . .            | 92     |
| Hołbika w rěbliku sym měla zawrjenoh' . . . . . | 289    |
| Holička serbowska . . . . .                     | 97     |
| Hwěžki, hwěžki daloce . . . . .                 | 222    |
| Chceš-li ženětwu złožiť, pacholo . . . . .      | 9      |
| Chcu městaško ói powědźić . . . . .             | 161    |
| Ja bohaty sym na swěće . . . . .                | 52     |
| Ja dyrbjú prečku daloce . . . . .               | 19     |
| Ja dyrbjú won do swěta ćahnyć . . . . .         | 53     |
| Ja, lubaj staršej, postupju . . . . .           | 77     |
| Ja njewěm, što dyrbi to rěkać . . . . .         | 311    |
| Ja pasech něhdy zrudobu . . . . .               | 243    |
| Ja serbowski sym pachol . . . . .               | 301    |
| Jasne slónčko pruhi sće . . . . .               | 103    |
| Ja spokojnu mam wutrobu . . . . .               | 213    |
| Ja sym ja, a ty sy ty . . . . .                 | 266    |
| Ja sym tawzynt dušny khadla . . . . .           | 65     |
| Ja wěm, ja wěm lóšt rajtarja . . . . .          | 330    |
| Ja znaju ptačka . . . . .                       | 207    |
| Ja zradowny něhdy khłopc młody běch . . . . .   | 302    |
| Jednaj so z hórkim tym dyrbjenjom . . . . .     | 27     |
| Jónkróć złote časy kćěja . . . . .              | 338    |
| Juchaja, juchaja . . . . .                      | 240    |
| Jutře dyrbjú wot tebje . . . . .                | 271    |
| Kajka je to powěsć . . . . .                    | 263    |
| Kajke su to zwony . . . . .                     | 265    |
| Kak je mi tak styskniwje . . . . .              | 191    |
| Kak krasnje zasy wonja . . . . .                | 295    |
| Kak rjany to pućik a žiwjenje je . . . . .      | 113    |

|                                                | Strona |
|------------------------------------------------|--------|
| Kak so tón wječor krasni . . . . .             | 203    |
| Kak zbożowny sym żywy . . . . .                | 188    |
| Kaž něhdy w Kołobrěgu knjezyk . . . . .        | 240    |
| Kaž so města čerwjjenja . . . . .              | 12     |
| Kće jara rjana rōžička . . . . .               | 162    |
| Kćěj, kćěj mi, lube Serbowstwo . . . . .       | 337    |
| Kóžda wačka žiwnosć pyta . . . . .             | 63     |
| Kóžde ranje, hdyž je nimo . . . . .            | 158    |
| Kóždy keřčik, wobnožka . . . . .               | 87     |
| Kwas sej hotowaše sroka . . . . .              | 336    |
| Kwětka jow — kwětka tam . . . . .              | 43     |
| Kwětka moja lub'wana . . . . .                 | 324    |
| Khěždičku čerwjenu . . . . .                   | 319    |
| Khudy a nizki ja sym . . . . .                 | 269    |
| Law nosy khrobło we sebi . . . . .             | 309    |
| Leći wětr wot wječora . . . . .                | 176    |
| Leć, leć mjetel ty lōžka . . . . .             | 200    |
| Leńka, rjana rōža . . . . .                    | 176    |
| Ličko kćěje, lubosć něžna . . . . .            | 14     |
| Lisće, žolte lisćičko . . . . .                | 45     |
| Lubčička! mjez rōžemi . . . . .                | 62     |
| Lubša moja Khatyržinka . . . . .               | 135    |
| Luby z lubej domoj džěše . . . . .             | 8      |
| Lud ptači bu tu zasy . . . . .                 | 256    |
| Mała pčolka, što praji ci . . . . .            | 162    |
| Marija pod križom tyšniwe . . . . .            | 107    |
| Měj spokojnosć za bohatstwo . . . . .          | 224    |
| Mi čeknyłe směwki su z wobliča . . . . .       | 258    |
| Mi dajće dom, hdžež wjesele so spěwa . . . . . | 329    |
| Mi dajće mječ, mi dajće konja . . . . .        | 342    |
| Mi nadźija trošt naliwa . . . . .              | 253    |
| Mjeze mnu a mjez tobu . . . . .                | 333    |
| Młodźenc w swěće sławniši . . . . .            | 229    |
| Moja žadosć, moja radosć . . . . .             | 34     |
| Morjo swětła jasne . . . . .                   | 144    |



|                                             | Strona   |
|---------------------------------------------|----------|
| Mój lóšt je hola zelena . . . . .           | 164      |
| Mój luby we wsy kowař je . . . . .          | 302      |
| Mój mječ, tón błysk, mi podajće . . . . .   | 15       |
| Mój nan je bur a serbski je . . . . .       | 164      |
| Muž w polu khodźi pola nas . . . . .        | 20       |
| My chcemy so tu posynyé . . . . .           | 212      |
| My nadobnje smy wjeseli . . . . .           | 139      |
| My sydamy so k blidu . . . . .              | 124      |
| Na dróhu młodych stupić lět . . . . .       | 339      |
| Najzróstniša jědlenika štomik je . . . . .  | 239      |
| Na Lubinje w tych šmrěkach . . . . .        | 251      |
| Na našich honach młódných . . . . .         | 151      |
| Nan chce mi swoju khěžku dać . . . . .      | 47       |
| Na njebjo slónco stupa . . . . .            | 278      |
| Nan Noah bě wińcař a žimaše kić . . . . .   | 235      |
| Naposledku wšo . . . . .                    | 147. 148 |
| Na puć, na puć! kameraći . . . . .          | 279      |
| Na swět so spušeć hraće je . . . . .        | 64       |
| Nawij sej kudźelku, holička . . . . .       | 166      |
| Na zahrodze pčołki bórča . . . . .          | 234      |
| Na zrudnym pěsku suchim . . . . .           | 16       |
| Nětk pójmy šćežki khodźić . . . . .         | 33       |
| Nětk zawdawam ruku . . . . .                | 193      |
| Njeh kćěje naše towarstwo . . . . .         | 123      |
| Njeh přewodža a troštuje . . . . .          | 335      |
| Njeh so mudri wupjeraja . . . . .           | 247      |
| Njeh steja hory, doły . . . . .             | 58       |
| Njeh zachodnosće ruka je . . . . .          | 282      |
| Njejsym tež zemjan z hordeho roda . . . . . | 17       |
| Njepraj: Druhdze lěpje budže . . . . .      | 340      |
| Njesće lećo mróćełe . . . . .               | 38       |
| Njezabudź mje! to prosy . . . . .           | 332      |
| Nowe lěto, nowe časy . . . . .              | 250      |
| O luba złota nadžija . . . . .              | 18       |
| O šewčej' barby bruná juška . . . . .       | 67       |

|                                                     | Strona   |
|-----------------------------------------------------|----------|
| O wokřewjerka miła . . . . .                        | 141      |
| Pjenjez a dobra myslička . . . . .                  | 210      |
| Plač so mi roni . . . . .                           | 284      |
| Pod bělej brězyčku . . . . .                        | 101      |
| Pod Skalicu, po doli . . . . .                      | 272. 274 |
| Po horach, po dołach, po šěrokim swěće . . . . .    | 60       |
| Pola Khrósćic při puću . . . . .                    | 126      |
| Pomalku a w dobrym měři . . . . .                   | 149      |
| Ponoŵ z nami sluba prawo . . . . .                  | 237      |
| Po poli, po holi, po zelenym lěsu . . . . .         | 59       |
| Po polu, po zelenej holi . . . . .                  | 88       |
| Posl'chaj, što klinči tam lubozny hlós . . . . .    | 190      |
| Po zymi, po zymi . . . . .                          | 171      |
| Pój róžowniko z miłej ruku . . . . .                | 31       |
| Pój zbože, ja će potrjebam . . . . .                | 5        |
| Prajach holču: Budź moja, holička . . . . .         | 320      |
| Praj, z wotkal zbože přikhadźuje . . . . .          | 217      |
| Prawa serbska wutroba . . . . .                     | 170      |
| Pře wšě hona, haje . . . . .                        | 95       |
| Přez hory, doły, po holi . . . . .                  | 118      |
| Při khlódnym winje sedźachu . . . . .               | 267      |
| Při Lipsku džěło horce bě . . . . .                 | 209      |
| Přišoł prošeř pod wokno . . . . .                   | 98       |
| Puč žiwjenja je žórło . . . . .                     | 192      |
| Rad na horach chceł ja bydlić . . . . .             | 255      |
| Rjane léće, twoje plody . . . . .                   | 21       |
| Rosóće tučne palmy měra . . . . .                   | 82       |
| Roztał, zašoł běły sněh . . . . .                   | 94       |
| Róža połna čerwjena . . . . .                       | 136      |
| Róža, róža rjana čerwjena . . . . .                 | 179      |
| Róža słuša do wěncu . . . . .                       | 215      |
| Ruje, wuje z hrimotanjom . . . . .                  | 276      |
| Runjež k kóncej khwatam, nochcu so rudzić . . . . . | 241      |
| Runjež njeměł žane holičo . . . . .                 | 220      |
| Serbska zemja, ja mam čahnyć . . . . .              | 32       |

|                                               | Strona |
|-----------------------------------------------|--------|
| Sława tebi, kralo sławny . . . . .            | 155    |
| Słodke hodžinki wy jasne . . . . .            | 221    |
| Słońco, słońco chcu ja mjeć . . . . .         | 112    |
| Słyšiš tam ze žita pocpule hlós . . . . .     | 189    |
| So bratřa k blidu sydajće . . . . .           | 83     |
| So wjesel njewjesta . . . . .                 | 142    |
| So wjeze měsačk po njebu . . . . .            | 173    |
| So złoći hižo nazymnje . . . . .              | 100    |
| So złote slónčko k zemi niži . . . . .        | 337    |
| Spěšny worjoł podnjbjeski . . . . .           | 1      |
| Spěwaj, komuž spěw je daty . . . . .          | 247    |
| Spěwarjo, krej radosćiwa . . . . .            | 85     |
| Spěw, khwila k wjes'lu, slěboro . . . . .     | 305    |
| Spěw towaršny a wutrobny . . . . .            | 108    |
| Spěw žiwjenje nam krasni . . . . .            | 167    |
| Spinkaj čiše, jandželko . . . . .             | 70     |
| Spinkaj, złote džěco . . . . .                | 211    |
| Stańće, wobornicy . . . . .                   | 172    |
| Staraj so za moje džěci . . . . .             | 303    |
| Stawajće, młóckojo, přimajće brón . . . . .   | 178    |
| Steju na horach . . . . .                     | 265    |
| Sto lět kaž mi džens je . . . . .             | 42     |
| Swěći jasnje, swěći . . . . .                 | 55     |
| Swěćila je hwězdzička . . . . .               | 129    |
| Swět Boži rjany je . . . . .                  | 224    |
| Swjaty Jan při rěcy džěše . . . . .           | 25     |
| Swjaty Jurij přindže k luži . . . . .         | 291    |
| Swjedžen zohnujemy rjany . . . . .            | 327    |
| Sy zrudny, luby přećelo . . . . .             | 18     |
| Šćipaj róže, donž je čas . . . . .            | 246    |
| Štoha so běli nazdala . . . . .               | 133    |
| Što howri tam a čehnje . . . . .              | 277    |
| Što klinči, što brinči . . . . .              | 29     |
| Što, lubi přećeljo, so dyrbi prajić . . . . . | 37     |
| Što lubšo a radšo so wita . . . . .           | 143    |

|                                                      | Strona |
|------------------------------------------------------|--------|
| Što to hwizda, woła, spěwa . . . . .                 | 93     |
| Što zaklinči zynk lubozny . . . . .                  | 131    |
| Štož prawa dušna džowka je . . . . .                 | 289    |
| Štó by měł křídla myślički . . . . .                 | 152    |
| Štó je najbóle wjesoly . . . . .                     | 317    |
| Štož něhdy khwilu krótku . . . . .                   | 49     |
| Štož so mysle ženić ma . . . . .                     | 145    |
| Štyri brune mój bratřik . . . . .                    | 206    |
| Šwórčo, bórčo, šćebotajo . . . . .                   | 313    |
| Ta nóć, ta nóć tak čišinko . . . . .                 | 110    |
| To Serbow „Pomhaj Bóh!“ mi je . . . . .              | 3      |
| To serbske „Pomhaj Bóh!“ mi je . . . . .             | 290    |
| Trari, trara — won do pola . . . . .                 | 341    |
| Tři tam hwězdy jasne, rjane . . . . .                | 134    |
| Tu lubość sytwu syje . . . . .                       | 283    |
| Tu widziš, luba sotra sławna . . . . .               | 306    |
| Twojej' wočkow mile pruhi . . . . .                  | 220    |
| Ty młode Serbstwo dyrbiš twarić . . . . .            | 28     |
| Wam „gaudeamus“ poruču . . . . .                     | 232    |
| W cyłym swěće sym ja doma . . . . .                  | 54     |
| Wčera je naš džěd . . . . .                          | 285    |
| We pyšnosći steja . . . . .                          | 258    |
| Wěm powěsć staru zastarsku . . . . .                 | 79     |
| Wěš mi mój rjany wótcny kraj . . . . .               | 219    |
| Wěš mi te módre wysokosće . . . . .                  | 150    |
| Wěš ty tón kraj, hdžež slěborni so Sprewja . . . . . | 35     |
| W horach tam horjeka . . . . .                       | 287    |
| Witaj, witaj fijałka . . . . .                       | 338    |
| Wjedź Musa, wjedź mje wysoko . . . . .               | 248    |
| W jenej rucy Hanku . . . . .                         | 137    |
| Wjerće! wjerće! kolesko . . . . .                    | 105    |
| Wjesela róže mi zwjadnyłe su . . . . .               | 249    |
| Wjeselće so džěći . . . . .                          | 132    |
| W kajkim kraju, w kotrym swěće . . . . .             | 128    |
| W lěsu lubi so mi . . . . .                          | 122    |

|                                                  | Strona   |
|--------------------------------------------------|----------|
| Wojerske to pacholo . . . . .                    | 194      |
| Won čehnješe tón młodženc nadobny . . . . .      | 22       |
| Won do pola, won do pola . . . . .               | 121      |
| Won, won na hońtwu wjeselu . . . . .             | 80       |
| Won, won na wjes'lu hraju . . . . .              | 160      |
| Wostań w kraju . . . . .                         | 4        |
| Wot wšitkich krajow na swěci . . . . .           | 153      |
| Wot wšitkich tych wojakow błyskotatych . . . . . | 24       |
| Wrjós, wrjós, wrjós . . . . .                    | 175      |
| Wšitke, wšitke moje žěsnaki . . . . .            | 244. 245 |
| Wšo sej džensa zbože přeje . . . . .             | 52       |
| Wurostła bě trawička . . . . .                   | 199      |
| Wyskaj džensa w lubym wěncu . . . . .            | 237      |
| Wyše kóždej' hlowy . . . . .                     | 197      |
| Za tej česću hońće, dźiće . . . . .              | 312      |
| Zbožni su, kiž wusywaju . . . . .                | 281      |
| Zbožni su, kiž w zemském doli . . . . .          | 280      |
| Zelena ta meja . . . . .                         | 40       |
| Z krótkej stopu překhodźuje . . . . .            | 204      |
| Z młodej meju wróća . . . . .                    | 254      |
| Zo mudra dosć sym hłowčka ja . . . . .           | 299      |
| Z radosću do žiwjenja . . . . .                  | 339      |
| Z wjeselom chcu wuznać . . . . .                 | 262      |
| Zyma, zyma! huška laška . . . . .                | 180      |
| Žadnu róžu chcu sej płodzić . . . . .            | 216      |
| Žiwjenja radosć, hdyž kiwa . . . . .             | 168      |
| Žiwjenje je dolha rejža . . . . .                | 185      |
| Žiwjenje je drohowanje . . . . .                 | 116      |
| Žołmy šumja, žołmy spanu . . . . .               | 50       |







